

XLIX

a

32

BIBLIOTECA NAZ.


Vittorio Emanuele III


XLIX

A

32

NAPOLI





2 SANCTAE
INQVISITIO
NIS HISPANICAE ARTES ALI-
quot detectæ, ac palam traductæ.

EXEMPLA ALIQVOT, PRAE-
terea quæ suo quæq3 loco in ipso opere spar-
sa sunt, seorsum reposita, in quibus easdem
Inquisitorias artes veluti in tabulis
quibusdam in ipso porrò exer-
citio intueri licet.

ADDIDIMVS APPENDICIS VICE
*piorum quorundam martyrum Christi elogia, qui
cum mortis suppliciū ob fidei confessionem Christiana
na constantia tulerint, Inquisitores eos suis ar-
tibus perfidiæ ac defectionis infamarint.*

REGINALDO GONSALVIO

Montano authore.

* *

*

Exurge Deus, iudica causam tuam Psal. 74.

HEIDELBERGÆ
M. D. LXVII.



Rerum capita quæ in prima libelli huius parte continentur : quas eo ordine disposuimus quo ipsi Inquisitores in suis actionibus procedunt.

- 1 Peculiaris ratio quæ ab Inquisitoribus in accersendis apud eorum tribunal delatis, aut etiam comprehendendis observari solet.
- 2 Bonorum sequestratio, sequestrum uulgo dictum.
- 3 Audientiæ multiplices.
- 4 Publicatio (quam uocant) testium.
- 5 Testium confutationes.
- 6 Sententiæ ad torturas, & earum executio.
- 7 Aliæ inquirendi artes.
- 8 Aliæ artes secretiores.
- 9 Quomodo cum captiuis agatur quoad uictus totius rationem.
- 10 Visitationes carcerum.
- 11 Actus fidei, seu sententiarum publicatio.
- 12 Sententiarum interpretationes.

Originem uerò Inquisitionis cum alijs rebus scitu dignis ex præfatione cognoscet lector.

Præ



1. *De rebus in rebus*
 2. *De rebus in rebus*
 3. *De rebus in rebus*
 4. *De rebus in rebus*
 5. *De rebus in rebus*
 6. *De rebus in rebus*
 7. *De rebus in rebus*
 8. *De rebus in rebus*
 9. *De rebus in rebus*
 10. *De rebus in rebus*
 11. *De rebus in rebus*
 12. *De rebus in rebus*
 13. *De rebus in rebus*
 14. *De rebus in rebus*
 15. *De rebus in rebus*
 16. *De rebus in rebus*
 17. *De rebus in rebus*
 18. *De rebus in rebus*
 19. *De rebus in rebus*
 20. *De rebus in rebus*
 21. *De rebus in rebus*
 22. *De rebus in rebus*
 23. *De rebus in rebus*
 24. *De rebus in rebus*
 25. *De rebus in rebus*
 26. *De rebus in rebus*
 27. *De rebus in rebus*
 28. *De rebus in rebus*
 29. *De rebus in rebus*
 30. *De rebus in rebus*
 31. *De rebus in rebus*
 32. *De rebus in rebus*
 33. *De rebus in rebus*
 34. *De rebus in rebus*
 35. *De rebus in rebus*
 36. *De rebus in rebus*
 37. *De rebus in rebus*
 38. *De rebus in rebus*
 39. *De rebus in rebus*
 40. *De rebus in rebus*
 41. *De rebus in rebus*
 42. *De rebus in rebus*
 43. *De rebus in rebus*
 44. *De rebus in rebus*
 45. *De rebus in rebus*
 46. *De rebus in rebus*
 47. *De rebus in rebus*
 48. *De rebus in rebus*
 49. *De rebus in rebus*
 50. *De rebus in rebus*
 51. *De rebus in rebus*
 52. *De rebus in rebus*
 53. *De rebus in rebus*
 54. *De rebus in rebus*
 55. *De rebus in rebus*
 56. *De rebus in rebus*
 57. *De rebus in rebus*
 58. *De rebus in rebus*
 59. *De rebus in rebus*
 60. *De rebus in rebus*
 61. *De rebus in rebus*
 62. *De rebus in rebus*
 63. *De rebus in rebus*
 64. *De rebus in rebus*
 65. *De rebus in rebus*
 66. *De rebus in rebus*
 67. *De rebus in rebus*
 68. *De rebus in rebus*
 69. *De rebus in rebus*
 70. *De rebus in rebus*
 71. *De rebus in rebus*
 72. *De rebus in rebus*
 73. *De rebus in rebus*
 74. *De rebus in rebus*
 75. *De rebus in rebus*
 76. *De rebus in rebus*
 77. *De rebus in rebus*
 78. *De rebus in rebus*
 79. *De rebus in rebus*
 80. *De rebus in rebus*
 81. *De rebus in rebus*
 82. *De rebus in rebus*
 83. *De rebus in rebus*
 84. *De rebus in rebus*
 85. *De rebus in rebus*
 86. *De rebus in rebus*
 87. *De rebus in rebus*
 88. *De rebus in rebus*
 89. *De rebus in rebus*
 90. *De rebus in rebus*
 91. *De rebus in rebus*
 92. *De rebus in rebus*
 93. *De rebus in rebus*
 94. *De rebus in rebus*
 95. *De rebus in rebus*
 96. *De rebus in rebus*
 97. *De rebus in rebus*
 98. *De rebus in rebus*
 99. *De rebus in rebus*
 100. *De rebus in rebus*





N tanta rerum per-
turbatione, qua tot
populi & gentes in
suos contribules ac
conciues, hoc est in
ipsa patriæ viscera,
propter Inquisitio-
nem (si verum dice-
re licet) arma sumunt, alijs eam vt rem sa-
cro sanctam & reipublicæ in primis saluta-
rem, propugnantibus, alijs contrà, vt li-
beris hominibus indignam quandam ser-
uitutem non tam conuellere, quam à se de-
pellere nitentibus, dubitauerit quis meri-
to, vtri insaniant? Fieri enim non potest,
vt quæadmodum expedita arma iam sunt
vtrisque, ita etiam in tanta sententiarum
quanta & animorum dissentione ius fasque
ab vtrisque sit: neque si alij iusta arma in-
duerunt, alijs iusta esse possunt. Atqui non
videatur verisimile, vt summa orbis capita
(vt humiliorum ordinum vulgus ingens omit-
tamus) quæ eam sibi omnino vindicandam
censuere, in cuius etiam verba summa cum
religione neque cum minore pompa quo-
tannis sacramenta dicunt, à vero iustoque

aberrent : præsertim cùm neque ipsi nunc primum inuenerint , neque vt nuper è terra natam tueantur , sed quæ à maioribus accepta , opinione sanctitatis ac ipsa antiquitate veneranda , auctoritate supra humanam velut cæleste quodpiam inter mortales numè hætenus obtinuerit . Hos quoque præclaros titulos haud vulgaria emolumenta comitantur : nempe quòd Iudaicarum & Mahumetanarum hæresum pestes atque alios complures errores , qui aut certis aut incertis porrò ducibus , nominibusque quotidie emergunt , solerti industria compescat , vt & regij fisci , & priuatarum quorundam opum augmentum licet ingens , tamen ceu rem leuioris momèti missum fecerimus .

Verùm quùm ex ipsius Veritatis sententia atque ex ipsa rerum natura neq3 certius , neq3 facilius de arboris siue bonitate , seu malitia , quam per illius fructus , quisquam iudicauerit , in hoc sanè non minus utili quam periculoso iudicio , citrà cuiusquam inuidiam , ea ipsa ratio nobis tenenda est , quandò eò iam scilicet ventum est mali , vt ea vocare in dubium pergant ho-

m
mi-

mines, quæ per summum errorem, ne dicam stuporem, hætenus pro sanctissimis coluere. Iam si Inquisitio bona arbor est, vel, si mauult, sancta, patietur (credo) libenter fructus suos prodire in lucem, ad quorum bonitatē atque etiam sanctitatem sua tum bonitas tum sanctitas, citra ullam aut fraudē aut inuidiam, exigantur. Amat enim lux lucem, & qui facit veritatem, vel ipsis tenebris obsistentibus, in lucem ultro prodit, ut ipsius opera in Deo facta manifestentur. Qui verò mala agit, odit lucem: & tyrannico silentio, quum potestas adest, linguis hominum iniecto, facta sua, ne à luce redarguantur, premit. Ergo hosce Sanctæ inquisitionis fructus, quos ex multiplici alioqui sua foecunditate in specimen arboris decerpere, diuina sanè Pro- uidentia, datum est, contēpletur iam Christianus orbis vniuersus, ac per eos ipsos haud multa cū difficultate de huius sanctæ arboris aut conseruatione aut demum extirpatione apud se constituat.

Enimvero in eo vno totius iam delib-
 rationis huius cardo versatur, videlicet, an
 quæ hic à nobis de sancta Inquisitione refe-

rentur, vera sint. Deindè & vnde ea habuerimus. Neq3 enim de arboris iusta funditus excisione quisquam amplius dubitet, si illam eiusmodi pestilentes fructus ferre, alicundè bona fide constet. Periculum verò est maximum, si hæreticis scilicet hominibus ab ipsa Inquisitione ceu a grauissimo eodemque iustissimo flagello abhorrentibus ac iure proinde suspectis eius rei fides tribuatur. Quare operæpretium quoq3 ducimus compendiosam eandemq3 certissimam rationem indicare, qua eius rei veritas absque multo molimine possit deprehendi. Ea est, si Rex ipse cuius in primis interest iustitiam in sua ditione administrare, sibi primùm persuadeat, & posse & debere se ad rationes cogere tribunal Inquisitorium, neque vllis institutionis ipsius legibus, priuilegijs, bullis, indulgentijs iuramentis denique ab eo se officio prohiberi posse. In animum deindè Inducat, inquisitione seria atque incorrupta in ipsam Inquisitionem instituta, per graues atque incorruptos viros de hisce rebus edoceri vellet, qui, ascitis iis qui aliquam earum re-
 notitiam habere posse existimantur

(pro

(pro vt in aliorum iudicum residētis, quas vocant, probatissima omnium ratione fieri consuevit) ab illis inuestigent. Accersendi ante omnes essent ad eiusmodi quaestiones vincti ipsi Inquisitoriorum carcerum, & qui nunc sunt & qui olim fuerunt: sed detractis lupatis illis plusquam ferreis, quibus in ipsorum ora iniectis, tyrannidem suam tutam reddidit Inquisitio. Ea sunt æternum silentium, accepto etiam grauisimo iuramento, illis indictum, nè quid reuelent quoquo modo eorum omnium, quæ, dum in carcere essent, de Inquisitione, deque vniuersa illius ratione agendi, aut nouerunt, aut viderunt, aut porrò ipsi experti sunt: quin potius ea in parte se deinceps existiment fuisse mortuos quandiu ibi degerunt, Et nè iuramenti fides parùm tuta sit, adduntur horribiles comminationes. Ista potissimum arte aliæ omnes inquisitoria artes hætenus latuere, & sub zelo pietatis grassari eis tuto licuit, neq; tamen occultè adeò, quin tyrannicam sæuitiam, licet confusè, & veluti à longè iam dudum vniuersus orbis subolfecerit. At cohibent linguam omnes, ne eandem in propria cute

distinctius specialiusq; cogantur experiri. Hoc lupatum, ab ijs qui interrogandi sint, auferendum omninò est, & facienda primum potestas tutò dicendi, si arcana illa mysteria tanto cum reipublicæ malo, hæcenus omnibus tanto studio celata, in lucem prodire quis velit. Itaque si parum, aut nihil fidei nobis fortè, vt pote suspectis, in præsentì narratione tribuetur, quum ad ipsam legitimam feriamque rerum inquisitionem prouocamus, nobis ipsis omnem ipsi quoque detrahentes fidem, vtique non est quòd ex nostra siue authoritate seu leuitate, sed ex se ipsa, quispiam rem tantam metiatur.

Vnde verò ea nobis còstent, nihilo magis ad causam pertinet, quare, licet ea quoque in parte simus nobis probè conscij, tamen neque ea nos iuuari volumus, neque prætermisà ipsius causæ cognitione id iure nobis quisquam obiecerit.

Ceterum in illis præclaris emolumentis, quæ supra commemorata à nobis sunt, quæ & ab Inquisitionis fautoribus iactari vulgò solent, nihil ipsis esse præsidij, par-
ti autem aduersæ multum, facile intelliget,

qui

qui (omisso equidem regio fisco, & aliorum opibus quauis ratione partis, nè fortunis ipsorum tantum inuidere videamus) nobiscum animaduertet, ex tot hominū myriadibus, qui ex Iudeis, ex Mahumetanis, ex Christianis demum, aut veris, aut hæreticis & à Romana fide refiliētibus in Inquisitorum manus inciderunt, ad hunc usque diem ostendi quidem posse Sambenitorum multa millia aliorum, quos igne perdididerint, aliorum quos præter inustam & ipsis & eorum genti ad omnem posteritatem indelebilis ignominiae notam, fortunis omnibus exuerint, atque, vt summatim dicam, ostendi quidem posse tot miserrorum hominum exuias, quot, quantulacumque de causa, ipsorum subiēre censuram: quæ verò in errore suo salubrius edocuerint, ad frugemue reduxerint meliorem, nè vnum quidem.

Iam quod de Inquisitionis origine, antiquitate, & nominis fulgore hominum perstringit oculos (ecquis enim ad hæc sacrosancta nomina, Sancta Inquisitio, Patres fidei, Inquisitores hæreticę prauitatis & apostasię, adorabundus non incurue-

tur?) vt ostendamus quo iure ea sibi vendicer, & de his quoque nonnihil prætandum est.

Defuncti eo bello Reges Catholici Ferdinandus & Isabella fœlicis memoriæ, quo, Mahumetanis, qui per totos septingentos septuaginta octo annos à postremo ex Gothicis Hispaniarum rege Roderico Hispaniam occuparant, Granatensi regno vrbeque ac tota demùm Hispania eiectis, & patriæ tranquillam libertatem, & sibi immortalem gloriam compararunt: ex diuturni belli tumultu ad repurgandam fouendamque religionem animos conuerterunt. Dederunt ad id occasionem cum ex debellatis Mauris toti populi sub conditionem Christianam fidem amplectendi in fortunis suis à regibus relictis, tū ex Iudæis numerus illo Maurorum non inferior, qui alijs traiecto Herculæo fræto Hispania excedere iussis, eadem qua Mauri conditione manere permittebantur. Incoluerant Iudæi Hispaniam, vt vetutissimi ipsorum annales referunt, ab ipso Ierosolymitano excidio per Titum Romanorum Imperatorem, qui eos illuc abduci iusserat, dura quidem & propemodum

dum seruili conditione, tamen ob id haud omninò miseri, quòd ad mutandam religionem illos nemo vniquam antea compulerat. His igitur, vt potè nomine tenus nouis Christianis, & haud obscure vi potius quàm sua sponte Christianis sacris initiatis, de meliore institutione prospectum cupiebant Reges: pia certè cogitatio & Christianis regibus in primis digna, nisi optima consilia maleferiati eorum directores, seu potius inuersores, malignè corrupissent. Aderant enim Regibus veluti perpetui & actionum omnium & consiliorum directores (vt impudens hominum genus arrogantia sapientiae & sanctimoniae ad ipsa vsq; secretiora regum cubicula irrumpere consuevit) ex ordine monachorum quidam ex Dominicana praecipue factione, quibus boni alioqui Reges nihil non deferebant in rebus praesertim religionis & conscientiarum. His piarum Regum cogitationum directoribus, pro pia institutionis magistris pastoribus, atque doctoribus, qui inuitos illos Christianos, qua par erat & Charitate & diligentia, ab inueteratis suis erroribus ad Christianam veritatem ex ani-

PRÆFATIO.

mo amplectendam reuocarent, nouū quod
dam tribunal Inquisitorum erectum est,
quo homines alioqui satis miseri melioris
illius institutionis loco, qua presentem ca-
lamitatem abundè satis compensare po-
tuisent, exagitarentur, expilarentur, exi-
gerentur, raperenturque vel ad horrenda
mortis supplicia, vel ad flagra perpetuam-
que tum ignominiam, tum etiam, direp-
tis fortunis omnibus, egestatem: Neque
ad ea perferenda oportebat semper ad sa-
tietatem vsque maledixisse Christo: leui-
cula quæpiam ex Mahumethismo aut Iu-
daismo repetita ceremonia erat satis: aut
certè leuiculus quiuis in ea fide error, cuius
nè prima quidem rudimenta didicissent.
Non defuit nouo inuento constabiliendo
sua opera Sixtus Quartus per eos dies Ro-
manus Pontifex: atque ita demum & re-
gia pariter & pontificia autoritate adeò
communitum est, vt nisi sua ipsius mole,
qua orbi jam intollerabilis euasit, op-
pugnaretur, videri æternum potuisset.
Sic videlicet prospectum est de pijs pa-
storibus nouo Christiani gregis augmento,
qui gregem pascere, non se, qui neque
ad

ad sanguinem vsque emulctum lac deuorarent: néque lana gregis, imò & ipsis pel-
libus crudeliter detractis, operirentur? Qui, quod pingue appareret, non occide-
rent: quin potius infirmum consolidarent, ægrotum curarent, colligarent benignè
confractum, abactum reducerent, erran-
tem Pastorali pietate quærerent: neq3 cum
austeritate & violentia imperarent ijs, qui-
bus, quòd peculium essent Christi, cum sum-
ma animi humilitate deberent potius in-
seruire. Inquirebant quidem, inquiruntq3
etiamnum errantes oues, abactas, palan-
tes, idque summa cum diligentia: at ad
macellum, non ad salutem, sed pergamus.

Vt patres Dominicani illius consilij
fuère authores, ita etiam, qua valebant au-
thoritate apud Reges, eam tyrannidem fa-
cile ad se traxerunt prætextu in primis do-
ctrinæ fidei, cuius ipsi iam olim diceban-
tur propugnatores. Sed ij, auaritia, super-
bia, atque ambitione (quibus præcipuè
morbis apud vulgus ipsum iam dudù sunt
infames) sæuitia item, ac duritie imperij
in sublimi, ne dicam summo illo magistra-
tu facti intollerabiles etiam ipsis regibus,
qui

qui eos paulò ante in eo fastigio collocauerant, honestis tamen confectis prætextibus, loco moti, ac ea functio ad clericos translata. Eius dignitatis primùm possesse, deinde amissæ apud Dominicanos vestigia nunc sunt vetustiora eorum templa Sambenitis, ceu trophæis quibusdā, adornata illorum, quos, dum in illo magistratu essent, male-mulctarunt. At Manet alta mente repositum iudicium Paridis, spretæque iniuria formæ, Et genus inuisum, & rapti Ganimedis honores.

Retinent verò adhuc mordicus vetus Inquisitorum nomen, aliquando haud dubiè ius suum repetituri. Istis solum & non alijs, ambitiosis peruersisque consultoribus, qui pias & Ecclesiæ Dei salutare Regum cogitationes ad propria commoda atque honores malignè conuerterunt, Inquisitionem hodiè debemus: alioqui quid attinebat, pro Christianæ fidei sedulis ac fidei institutoribus, prudentibusque zelatoribus nouum ac toti orbi antea ignotum tribunal erigere, quod ad Religionem ignorantibus edocendam, & refractarijs animis incutiendam non pia eruditione, doctrina,

Charitatēque Ioa. 21. c. in primis, quam in pastore vnice requirit Christus, sit instructum, sed potentia, sēuitia, maiestate, imperio, catenis, torturis, restibus, lupatis, Sambenitis, fassiculjs? Non sanctis ac mysteriorum Christianae religionis peritis in Dei opere coadiutoribus sit constipatum, sed quæstore, fiscali, scribis, apparitoribus, carcerum præfectis, familiarium (quos vocant) numerofo ac propemodum infinito satellitio? Quis non dicat ad imponendum populo nouæ seruitutis iugum, vnde nouæ quoque opes fisco accederent, quam ad religionis augmentum, hæc omnia potius esse cōparata? Perindè ac si peritissimum quenque venatoriæ artis delegeris, quem arcu & sagittis armatum, laqueis, muscipulis, & retibus instructum, pernicipibus canibus constipatum miseris ad prædicandum Euangelium & propagandam Christianam religionem: quis obsecro mentis compos, præsertim si ex crebris prædijs sanguine perpetuò madentes manus fuerit intuitus, hunc venatorē quempiam insignem non iudicet, potius quam concionatorem Euangelicum? Erat profecto piorum episcopo-

coporum, siqui extitissent, munus illud docendi veram pietatem & novis illis & veteribus Christianis: neq; ab hominibus, sed à Christo ipso illis commissum: istis vero officium suum aut ignorantibus aut negligentibus, nè unus quidem fuit ex ordine vel episcoporum vel theologorum, qui existimaret auferri sibi bonam functionis suae partem, ad quam novum illud tribunal creabatur: adeo omnes prorsus abolerunt Christianae disciplinae leges.

Neque verò instituta constabilitaque in eum modum Inquisitio, quantumvis summa orbis auctoritate, regia videlicet atque pontificia, ad haec quoque, licet eximia illa specie sanctitatis, omnium oculis videretur approbanda, illico ab omnibus recepta est, Rege namque Ferdinando eam in patrio regno Aragoniae obtrudere conante, Regni proceres modestè quidem primum intercesserunt: deinde cum vis immineret, vi quoque obstiterunt, causantes ad imminuendam potius Regni libertatem id spectare, quam ad religionis repurgationem. Neque prius recepta est (si tamen recipi dici potest, quod vi obtruditur) quam multo sanguine ex utraque

parte effuso, sedes illi constitisset. Testatur id hodiè, præter inuidiam qua sanctam Inquisitionem vniuersi tum proceres, tum populus in eo Regno prosequuntur, Magister AEpila ad id muneris cum summa auctoritate illuc ab Rege missus, & à proceribus occisus apud Cæsaraugustam, in ipso summo vrbis templo, quod diuinitatem postea illi apud superstitiosum vulgus peperit. Pro indubitato enim fertur cruorem recenter occisi ad ipsum vsque altare ebullientem ascendisse, eo prodigio scilicet contestante numine & occisi innocentiam, & causæ, pro qua occubuit, æquitatem. Licet verò apud ipsius sepulchrum crebra miracula illud ipsum etiamnum contestentur (quæ est hominum vanitas, & in eisdem decipiēdis qui, iuxta dictum Pauli, 2. Thesl. 2. veritatis amorem reiecerunt, diaboli potentia) tamen Sancti titulum, quo Sanctus AEpila vocaretur, nondum est consequutus, eò quod occisus pro sanctissima scilicet causa, armatus subtus vestes inuentus sit non solum ferrea interula, quod diuinæ, appellationi, vt inquiunt, non obstitisset, verum etiam machæra: id enim

enim tanto honori vnum obstat.

Atqui, vt ad institutum redeamus, dicēs, Non vt per eam in Religionis institutis edoceretur quispiam introducta est Inquisitio, sed vt errores & hæreses punirentur, extirparenturque. Assentimur equidem. Aliud enim pij reges in initio cogitasse, quam quod malignis consultoribus postea exijt, ex ipsorum pietate apparet: quare Inquisitione institutā in eos, quos dicunt fines, atque, vt nonnulli volunt, ante bellum Granatense, id quod instituto nostro nihil incommodat, illa certè cura edocendi scilicet fidem nouis Christianis in parruchos primùm, ab his deindè in suos edituos & clericos in suo quemq3 oppido aut vico in totum reiecta est, qui ouiculas miserè deceptas, Ave Maria, Pater noster, Credo, Salue regina barbaris potius quam latinis verbis edocerent, ac per iocum etiam multamque miserorum irrisionem, potius quam seriò: neq3 id gratis, sed multo pretio, sæpè etiam, præter vulgarem exactionem, vxorum & filiarum pudicitia. At verò quinque illa Ecclesiæ scilicet præcepta ad salutem omninò necessaria-

cessaria, De audienda Missa diebus festis ac dominicis, De confitendo, De sumendo pane Missæ, De ieiunando quum sancta mater Ecclesia iubet, De decimis & primitijs persoluendis, verbis plusquam perspicuis ad nauseam vsque vrgerentur. Eiusmodi in Religione institutione quid obsecro aliud quæri videbatur, quam perpetui miserorum hominum errores, quorum occasione instituta ex altera parte Inquisitio, velut robusti atque armati venatores è specula insidiantes prædæ, ea sine fine potirentur? Sed ad rem.

Vt demus in eos fines institutam Inquisitionem, néque iam ad eandem pertineat in fide edocere cuius inter sit errores extirpare, tamen bonis ac circumspectis consultoribus providendum erat, ne episcopi Christiani eo functionis suæ iure fraudarentur, quod habent ex ipsis sacris literis. Item, ne alio ferro, igneue extirpari hæreses crederentur, quam ipso Dei verbo. Docbat vtriuque apertè Apostolus in epistola ad Titum vbi inter alias Christiani episcopi dotes, eum tenacem esse vult fidelis sermonis, qui est secundum doctrinam, quò po-

PRAEFATIO.

rens (inquit) sit ad exhortandum , & eos qui contra dixerint , conuincendum . Vt enim veram ac saluificam fidem (quæ est illius natura) vi aut cruciatibus nunquam elicies , ita hæreses neque ipsa hæreticorum morte extirpaueris : aptissimum verò ad vtrumque , ipsum Dei verbum , quo vno fides & gignitur & augefcit : & quicquid veræ fidei consentaneum non est , ad ipsius verbi fulgorem expensum , illicò deprehendetur . Erant ergo consulendæ sacre literæ , ecquas pœnas ipsæ constituerent in refractarios & veritati obstinatè resistentes : flagrant , an sæuissima omnium ignis supplicia ? Nam illis fortunarum proscriptionibus quid auarius ? iniquius ? absurdus , & à christiana professione alienius ? Iam cœmulctæ genere (ignominiam illam nulla postea ratione compensabilem prætereamus) vel ergâ eos vti , qui ab errore resipuerint , quibus verbis pro merito traducemus ? Paulus in eo , quem citauimus , loco nihil pœnarum constituit . Fieri enim potest , vt quis cōuictus resipiscat , ergâ quem , non mulctæ yllius generis , sed summa potius lenitate ac benignitate pastoris fido sit

utendum. Atqui alibi in refractarium quid aperte constituat, audiamus. Hæreticum (inquit) hominem post vnam atque alteram commonefactionem devita. Commonefieri erroris iubet, semel, bis, idque ab episcopo, non in ius trahi, & ad erroris poenas, easque longè gravissimas, continuò exigi. Quod si commonefactio benè succedat, est vndè, de lucrato ad vitam fratre, Christi membro, & episcopus & Ecclesia gratuletur. Sin minus, excommunicari illum iubet, hoc est, a cœtu piorum arceri, excludique, atque id non in erroris aut contumaciæ vindictam, sed in remedium. Consonat hæc Apostoli sententia decreto Magistri, Matth. 18. Si neque te (inquit) neque hos, hoc est eos qui secundò commonefecerunt, audiuerit, dicito Ecclesiæ, quam nisi audiuerit, sit tibi sicut æthnicus & publicanus. Id est, iudicato cum ad piorum cœtum & Regnum Christi non magis pertinere, quam qui fidē nunquam receperint. In hoc severitatis gradu, eoq3, si benè perpendatur satis severo, sistit gressum Christiana disciplina. Hoc tribunali, his legibus, hac in audientis methodo pro-

cedendi aduersus errantes fratres, & aduersus omnis generis hereses abūdē sibi à Christo prospectum existimare debuisset Christiana pietas (si qua erat) quibus, in extirpandis omnibus hæresibus, quæ vnquam in ea pullularūt Ecclesia fœliciter vsa fuit. Errores verò errantium morte qui vellet extirpare, perinde sanè fecerit ac prouidus scilicet medicus, qui ægrotus malo quopiam morbo liberare cupiens, dedita opera extinxerit. Adde quod qui ea ratione hereses extirpare se dicunt, præterquā quòd illud non consequuntur (adhuc enim mendacium manet in opinione veritatis) erranti è medio sublato omnē salutis rationem præcident. Fieri enim posset, vt sunt abstrusa atque incomprehensibilia Deij iudicia, vt in vita seruatus, ad meliorem frugem aliquando tandem reduceretur. At periculum est, nè alios morbo suo inficiat. Faitemur, atque ob id vitari & ab Ecclesiæ corpore resecari iubet & Magister & Apostolus. Quòd si rationibus fortè probabilioribus, pœnis adhuc seuerioribus in eiusmodi contumaces animaduertere libebat, an ad id non erat sufficiens satis legitimus ordinatus

dinarius magistratus?

Haud dubiè respondebunt, ad seculares magistratus pertinere non posse hæresum cognitionem, vt pote qui & doctrinæ sacræ eruditione, & rerum ecclesiasticarum peritia sint destituti. Id enim plusquam vulgatum est apud istos scilicet sacrorum mysteriorum peritissimos antistites ad secularem (quem contumeliosè vocant) magistratum, neque cognitionem, neque etiam scientiam sacrorum pertinere. At qua obsecro vel sacrarum rerum peritia, vel singulari doctrinæ fidei eruditione ad Inquisitorium munus admouentur ipsi de fide, cuius tamen dicuntur patres, deque hæresibus, quarum dicuntur extirpatores cognituri, ac demum sententiam laturi? Idonei satis ad id muneris iudicantur, si in vtróque iure imperiali videlicet & pontificio sint doctores. Theologum qualiscunque illius theologiæ, ab illa de qua dictum fuit, Dominicanorum reiectione, in ea functione nullum vidimus. Quid, si etiam ab eo tempore inquisitorijs legibus cautum sit, nè quis theologus tribunal illud cōscēdat? Atqui, quod ad iuris secularis prudentiam atti-

PRAEFATIO.

met, Inquisitores secularisbꝰ magistratibꝰ
haud sunt superiores: iuris verò pontificij
vel summam eruditionem inficari nō pos-
sunt ad iudicandum in causis fidei tantun-
dem prestare auxilij, quantum secularis iu-
ris peritia. Qui ergo fieri poterat vt ad iu-
dicandum de religione admoti, omni pror-
sus sacrarum literarum cognitione & no-
tia vacui, vno humani iuris praesidio con-
tenti, amarum in dulce non ponerent, &
dulce in amarum, lucem tenebras diceret,
& tenebras lucem? Hoc est, dum fidei se pa-
tres profitentur, fidem extirpent, errores
verò portentosos alant: filios Dei interi-
mant, ac satanę filios foueant: Christi ser-
uos occidant, antichristi tamen membra
recreent, conseruent, augeant.

Respondebunt hinc nobis, de fidei qui-
dem controuersijs licet haud iudicare ipsi
melius possint, quam cæci de coloribus, ta-
men ob id adhibere se in consilium & con-
sultationem eiusmodi causarū, theologos
ex quorum praescripto decernāt: in primis
vero Dominicanos, quibus ē tota illa sum-
ma rerum inquisitoriarum id vnū reliquum
videtur, nempe vt ad consultationes, &
doctrina

doctrinae qualificationes (quas vocât) adhibeantur. Atqui, vt hîc nunc non expendamus qua isti theologia instructi ad id muneris accedant, tamen ij ipsi, ob eas causas quas supra breuiter attrigimus, ab officio amoti, & ad illud inepti iudicati, an ad illud ipsum iam euaserint aptiores, iudicare non est difficile: praesertim cum veteris acceptae ignominiae dolor ex illius tribunalis contemplatione è loco infimo quotidie recrudescens, & ex riualibus in eorum locum successis perpetua quædam honoris amissi Zelotypia veteribus animi morbis iâ accedit. Ea de re ad ipsosmet Inquisitores prouocamus, quibus nemo melius nouit qualia prætumentis intus vlceris argumenta dare soleant, quoties ad eas graues deliberationes accersuntur: atque ea de causa fortassis alicubi cogitatu est de eisdem, Inquisitionis foribus in totum prohibēdis. Sed esto saniores iam isti sint: an ordinarius magistratus ad easdem consultationes eosdem theologos adhibere non posset? Iam iudicem quenquam constituere de rebus quas omnino non intelligat, quare & ex aliorum qualibuscunque iudicijs illuna

P R A E F A T I O.

pendere semper, omninò sit necesse, qualis isthæc est iniquitas? qualis iuris omnis peruersio? Quis igitur iure iam miretur, si, quum sanctam Inquisitionem in suo illo diuino tribunali sedentem intuemur, dicamus cum Salomone, Vidi in loco iudicij sedere impietatem, & in loco iustitiæ iniquitatē? Interea quantum sibi permittant Inquisitores in illis eisdem rebus ob quas, pro hæreticissimis, in alios perquā seuerè animaduertunt, in subiecto exemplo licet intueri. Accidit paucis ab hinc annis Barcinoniæ regni Cathalonix vrbe celiberri-
ma, vt quum in festo Corporis Christi ad circunducendum panem Missæ egrediundū esset, rebus omnibus ad solennē illā pōpā apparatis, sacerdote, qui tragicā illam magnam Missam saltauerat, consecratam hostiam in aurea pixide iā iā inclusuro, deprehensū forte est hostiam amplioris esse orbis quàm quæ in pixide illa posset recipi. Hærebant omnes, apparatus omnis consistebat, nemo erat in tam celebri conuentu, cui in eiusmodi inopinato casu veniret in mentem, quid facto esset opus. Ridiculum profectò, atque ludibrium tanto cœtu
di-

dignum. Vna fortassis prudentioribus apparebat ratio sese ex ea difficultate extricandi, videlicet melioribus auspicijs Missam aliam moliri in alio panis orbiculo ad mensuram pixidis prius circumciso. Atqui ad tam longā pompæ iter serò nimis iam erat, neque citra grauem molestiam diutius distineri ea poterat. Fortassis & ex sacrificiis nemo erat qui ad imminentem tantæ pompæ laborem tollerandum largiusculè non esset ientatus. Nam is qui magnam Missam cantauerat, (vt cumque ad alteram in casu necessitatis è vestigio recitandam theologorum suffragarentur placita) tamen ablutiones in prima hauserat (quî enim aliter posset?) inopinati euentus improuidus. Aderat Inquisitor quidam magni nominis Molonius Aragonius. Is morè impatiens & inquisitoria autoritate in primis fretus, arreptis forpiculis, & consecratæ hostiæ ad pixidem comparatæ superfluitatè, & vniuerso populo illam hæitationem præcidit. Laudabunt alij miram hominis in præfenti difficultate industriam. Execrabuntur alij impiè temerariam audaciam. Ingemiscunt alij dolebūt-

PRAEFATIO.

que per execrabiles Inquisitoris manus circumcisi ac circumscripti Dei sui calamitatem. Atqui, bone Deus, si quispiam non Inquisitor, & præcipuè ex Iudaica stirpe allicundè oriundus cò audaciæ peruenisset, quales dedisset pœnas? Amotus ob illud facinus ab officio Molonius. Sed ne strenuus alioqui Inquisitionis miles deperiret, post paucos dies rursus Inquisitor Hispalim fuit missus. Papæ verò authoritatē quemadmodum nunc extollant, nunc deprimāt: nunc adorent, nunc contēnant: nunc morte in eam peccantium vindicent, nunc illi ipsi, prout sancti officij commoda vel incommoda exposcere videntur, eleuent, lædant, violent, quid attinet dicere?


Ista vero nunc longius persequi, non est consilium: tantum ut cunque ea attingere præfationis loco visum, est, ut ostenderemus quibus initijs, quaque occasione orta fuerit Inquisitio, quæ ipsius antiquitas, qualis sanctitas, qualia porrò illa fuerint emolumenta, quæ hætenus ex repurgata scilicet religione orbi attulit: Hæc quum ita se habeant quemadmodum à nobis recitata sunt, (néque enim quisquam pro-


bus

PRAEFATIO.


bus ea aut inficietur, aut iusta quapiam ratione vnquam excuset) mirum videri non debet, si populi, alioqui suis magistratibus haftenus pro officio obsequentissimi, pro eiusmodi dira peste è suis finibus arcenda, quando æquioribus rationibus nō possunt, ad arma tandē concurrant. protestantur se Religionis repurgationem minimè subterfugere, quippe quam votis omnibus exoptent: at eam cupiunt, quæ eius nominis sit digna, nēpè, quæ ex verbi Dei præscripto, quæ vnica Religionis norma omnibus veræ religionis zelatoribus esse debet, sit petita, ab Inquisitione ea in parte, præter id quod haftenus præstitit, quid sperent? Protestantur legitimo sui magistratui debere se, & quidem ex ipso Dei verbo, obedientiam, honorem, & tributum, atque ad id consueta sua alacritate præstandum esse paratissimos: at citra Dei contumeliā, & miserrimam conscientiarum captiuitatē, quæ res viris probis ac pijs quam commendatissimæ ac vita ipsa longè chariores esse debent, accipi illud obsecrantur. Protestantur se legitimæ magistratus sui obedientiæ iugū excutere nullo modo velle.

at leni ac perhumano iugo illi, quod debita animorum æquitate tulere hæctenus, lora ferrea Inquisitionis nunc adhiberi, quæ non nisi ad cædes innocentum ciuium, & bonorum proscriptiones animum adijciat, meritò conqueruntur. Culpari fortassis poterant olim Aragonij, quòd inquisitionem pulchra illa ac recèti adhuc sanctitatis larua personatam, neque in omnes promiscuè, sed in vnos Iudæos ac Mauros, idque titulis vtique plausibilibus, sæuientem non receperint absque tumultu & cædibus, vt supra dictum est, at quum per totos septuaginta quinque annos eiusmodi fructus quales isthic à nobis recitantur, proferre non cesset, omnino insanire vtique non videntur, qui illam è suis finibus abigere conantur, vt possunt. Imò insanire potius iudicarentur, si pro fidèi patribus, pastorebus, ac Religionis propagatoribus, fidei & Religionis veros hostes, extirpatoresq; sæuissimos, sciètes volètes domi vltro admitterent. Qui verò tales eos esse ignorât, detestatur hîc aliqua ex parte ipsorû artes rationesq; procedendi (qui enim ônes possem?) attète legât, expédantq; ac postea demum iudicent.









INQVISITIO

NIS HISPANICAE ARTES

ALIQVOT DETECTAE, AC

palam traductæ,

PECVLIARIS RATIO QVAE
AB INQVISITORIBVS IN AC-

scribendis aut etiam comprehen-
dendis delatis obser-
uari solet.



N quisitores accep-
ta de aliquo (quam
vocant) denuncia-
tione, seu potius de-
latione, in rebus vt
plurimum, leuiori-
bus, (& si nihil pro-
pemodū apud hoc
tribunal tām leue sit, quod iacturam actis
reis impensē grauem non conficiat) hoc
stratagemate vti solēt. Submittūt aliquem
ex cōmpluribus quos in hoc officium edoc-
tos habent (familiares vocant) qui ipsi de-
dita opera factus obuius huiusmodi com-
positis verbis eum alloquatur. Heri casu

A

fui

fui apud dominos Inquisitores, qui quum de te quærerent, aiebant, nonnihil sibi esse negotij, quod tibi vellent communicare, iniunxeruntq3 mihi vt ex ipsis tibi renuntiarem, vt cras tali hora eos accedas. Neq3 est quod accessum vel tergi versetur vel deferat vocatus, nisi maximo suo malo velit factum. Igitur insequenti die denuntiatus accedit, dicitq3 ianitori vt dominis patribus significet se adesse. Quum primum ipsi resciscunt, conueniunt omnes tres, si adsint: sin minus, duo (est enim vt plurimū triumuiratus) in conclau in quo solent eæ causæ agitari, vt Hispali in arce triannia, similibusq3 in locis in alijs ciuitatibus atq3 eo postea ingredi iusso, quærunt ab ipso quid rei velit? Vocatus respondet se hesternodie accepisse ex ijs mādātum vt eos cōueniret. Tū quærunt, qui vocetur & accepto nomine rursus interrogant, quid nam velit? nam quod ad nos attinet (inquiunt) an is sis quem nos adesse iussimus, nescimus. Vide an quicquam habeas, quod indices in hoc sancto officio, quouē tuam cōscientiam exoneres, vel de te ipso vel de alio quopiam ec. Vocatus ad hæc, aut respondet se nihil eiusmodi habere (atq3 ita

respondere & ad finē vsq3 in eo respōso esse
 constantem apud eos, qui pręter se indicā-
 tis, & eorum quos indicet, ruinam, nihil
 querunt, magis salutare ac magis pium
 consilium semper fuerit) aut ignorans qui-
 bus laqueis sese implicet, de se aut de alio
 temerē effutit quicquam. Hic domini In-
 quisitores lęti de captura quam inueniunt,
 vt cum, qui se ipsis in prędam vltro impru-
 dens dedit, facilius exterreant, menteq3
 alienent, contuentur sese inuicem, gesticu-
 lantur veluti qui rem deprehenderint, desi-
 gunt oculos in indicis faciem, susurrant
 sibi a d aures nō nihil, aut re vera nihil, tan-
 dem decernunt aut vt vocatus maneat in
 carcere, si res de qua se ipsum detulit, vide-
 tur grauis: aut si nihil forte detulit, abire
 iubent, causantes ignorare se quousq3 meli-
 us edoceantur, an ipse sit quem iusserint
 accersiri: Dum hęc examinatio habetur,
 iam ipsi curārunt, vt qui hunc vocatum de-
 tulit, intus sit absconditus sub aulęo quopi-
 am, vnde possit vocatum ex facie reco-
 gnoscere ab illo non visus, si Inquisitoribus
 minus fuerit notus.

Denuntiatum (sic enim vocant eum
 cuius nomen delatum est in hoc consilio

Inquisitorum) in hunc quem proposuimus modum abire iubent, certi iam ipsum esse qui futurae tragediae materiam erit præbiturus, atq; euenit nonnunquam, vt nisi aliquot prius elapsis mensibus eum rursus nõ vocent, præcipuè si sit indigena, nanq; aduenæ haud tantum concedit induciarum. Ergo quũ lubet, accersitum rursus hortantur, vt si quid nouit, aut audiuit, quod ad sanctum illud tribunal pertineat, illud indicet: esse enim ipsis notum aliqua eum ad fidẽ spectantia cum non nullis de fide suspectis tractasse: quæ si spontè ipse fateatur habeat pro certo nihil se inde habiturum incommodi: prospiciat proinde bene rebus suis: existimare se, vt bonũ Christianum decet, in memoriam, quæ eiusmodi sibi cõtigerint, ipsum reuocaturum, fieri enim posse, (vt memoria hominum est labilis,) oblitum esse, indicaturumq; quod nouerit, si reminisci contingat. His atq; eiusmodi compluribus illecebris seducunt plerosq; imprudentes. sin minus, remittunt eos, ita tamen ne existiment se omninò absolutos, quin potius vtin perpetua animi sollicitudine ac metu sint, posse fieri vtriusq; accersantur. Euenit etiam vt cũ quopiam ad complures

ARTES ALIQVOT DETECTAE, 5
plures dies, nonnunquam etiam annos dis-
simulent, antequam ipsum comprehendi
iubeant, sed submisso semper vno aut alte-
ro ex suis addictis, qui imprudenti ac nihil
insidiarum suspicanti astutè ac circûspectè
sit perpetuus ac indiuiduus comes, & vt
plurimum, in ipsius amicitiam ac familia-
ritatem callidè sese insinuet, vt eò liberius
possit ipsum quotidie inuisere, subnotare
quibus cum agat, quo eat, quid agat, at-
que etiam quid animo voluat: adeò vt ci-
tra speciale quoddam dei auxilium ac Pro-
uidentiam fieri non possit, vt quis eiusmo-
di tendiculas euadere queat. Si quando
accidit, vt ex Inquisitoribus quispiam in
eiusmodi remissum alicubi incidat, salutat
eum benigne, aperit ei animum, & per
humanum vultum ostendit ac offert se ami-
cum, quæ omnia humanitatis scilicet offi-
cia eò tendunt, vt hominem quòusq; ruina
eum repentè opprimat, securiorem red-
dant. Quid ex ista synceris probisq; homi-
nibus detestanda vafritie vtilitatis capiât,
præter eam voluptatem quam ex ludo cum
quo aucupio auceps capit cum quo viuo
audit ac sese oblectat, aut piscator cum eo
illic quem iam hamo fixit cui longius fi-

lum concedit, vt vana ac mox desitura voluptate sub vnda sese oblectet: aut certè catus cum eo mure cui iam ne possit elabi perfregit lumbos, cū quo & suauissimè sese reficit subinde relinquens liberum, ac mox truculentius quam antea dētibus premēs, prouideri non potest. Atqui fieri potest, vt nobis licet inscijs ars aliqua hic quoq; lateat Sancto officio minimè inutilis. Hunc vero morem ludendi cum praeda, eo quod dicimus modo, nequaquam cum omnibus obseruant: delectum maximum personarum ac negotiorum ea in re habent, cuius delectus argumentum esse potest, quòd nèque cum aduenis eam rationē tenent, neq; cum eis indigenis quos credunt tanta licentia posse sibi elabi: neq; certè cum eis, qui de rebus grauioribus sunt delati festinatum remedium ipsorum iudicio requiruntibus, & præcipuè quum ex eorum confessione alios sibi innotescere sperant.

Quum iam de comprehendendo delato constitutum habent, accersunt eum qui Episcopi diœcesis, supremi scilicet pastoris, vices gerit (Prouisorem aut Vicarium aut ordinariū porró vocant) cui ostensa informatione (sic vocāt depositionē testium)

quam aduersus delatum habent, ac re cum ipso deliberata, omnes simul subscribunt libello quo iubent ipsum comprehendi. Ratio videtur imprimis speciosa: nolunt videri iniecisse manus ouiculę alienę sine sui pastoris approbatione & consensu, qui quum ita sit imperitus officij pastoralis (vt omnes, vt plurimum, eius nominis in papatu sunt) facile in eam sententiam descendit, assentiturq; vt ouicula suę curę commissa conuulso prius vellere immaniter deinde excarnificetur. Lites hactenus visę sunt nullę inter Inquisitores & Prouisorem, alijs ad supplicium quęquam postulanti- bus, altero commissum suę fidei pie defen- dente, & si haud pauci visi sunt videnturq; quotidie, quibus post longam ex diuturno carcere macerationē, post mēbra atq; art- omneis in pręduris & plusquam inhumana- nis illis quęstionibus ę suis compagibus auulsos, nonnulli etiam qui in ipsis tormē- tis inter tortorū manus expirārint (quem- admodum suo in loco non tacebimus) in- nocentię testimonium prębeant ipsi Inqui- tores tanquam iniuria captis affectisq;. Hinc liquido apparet accersitum ad deli- berationem de capienda oue sua Prouiso-

rem friuolam potius ab vtraq3 parte ceremoniam extitisse, quam rem seriò atq3 ex æquitate factam: neq3 si dixerimus, inuitarium ad conuiuium ex sanguine suæ ouiculæ apparatus vt lupum lupis cõcordem portionem suam accepturum, haud aliter dixerimus, quam res habet. Adueniat iam Princeps ille pastorum & rependat cuiq3 iuxta opera sua. Euenit etiam multoties vt hæc ceremonia accersiti ad deliberationem Prouisoris, ante captum denuntiatus non fiat. Quum enim compertum sit, nihil ipsum dicturum contra, satis iudicant si denuntiato iam in vinculis coniecto processum causæ pastori ostendant, quo coram lecto liberaliter ille approbet factum atq3 efficiendum.

Si forte euenit, vt quisquam denuntiatus comprehensionem fuga præuertat, aut ex ipsis vinculis elabatur, hic adhibent argutias imò versutias ad eum inueniendum reducendumq3 mirabiles. Neq3 enim ijs, qui ad ipsum inuestigandum mittuntur, communia signa dicto dare, veluti vestes, habitum corporis, oris lineamenta etatem &c. quibus fugitiuus agnossi possit, satis habent, verum etiam effigiem absentis

quam

quā fieri potest accuratissimè ad viuumq; elaboratum in compluribus linteolis depingi curant, atq; eas effigies inter inuestigatores distribuunt, quibus inuentum faciliè agnoscant, quem fortassis viderūt nunquam. Illustrabit eiusmodi solertiam exemplum sequens.

Comprehenderunt non multis ab hinc diebus Italum quēdam Hispali, qui Romæ inflixerat vulnus cuidam Inquisitionis apparitori (alguazilium Inquisitorium vulgo vocant.) Familiares, qui ad eum perquirēdum fuerant missi, etli illius effigiem, pro more, habebant secum, tamen quū in ipsum Hispali incidissent, non satis certi an ipse esset, præsertim cū iam ipse & vestitum & nomen studiosè commutasset, eum ipsum quē ex effigie esse suspicabantur, diu incerti persequēbātur. Igitur eum in summo Hispalis templo cum alijs colloquentem & deambulantem nouo & familiarium spiritū digno astu aggrediuntur. Accedunt ad eum duo aut tres, illoquē verso ad eos tergo deambulationē repetente, alter ex ipsis inclamat subito vetere eum nomine a tergo compellans. Ille vt in colloquio instituto erat totus, neq; quicquam tale suspi-

IO INQUISITIONIS HISPANICAE
cabatur, ex improviso vertit faciem, re-
pondetq; ad vetus nomen: continuò est ab
ipsis insidiantibus comprehensus, quibus
nullum iam reliquerat locum amplius du-
bitandi. Exegit in vinculis Inquisitorijs
complures dies, ac demum post diuturnos
carceres verberatus publicè, & ad transtra
in perpetuam seruitutem relegatus, nō tam
vulnerati alguazilij Inquisitoriij, quam in-
curiæ ac imprudentiæ suæ pœnas dedit.

Quamuis hæc stratagemata per acuta
sint, & quæ nulla humana prudentia præca-
ueri posse videantur, non erit extra rem si
alio singulari exemplo ostenderimus quo
pactò illos sæpè Deus infatuet, comuniens
subinde suos sancta quadam versutia qua
eos eludant. Altero ab hinc anno euasit è
carcere Inquisitoria Valleoletana Belga
quidam, qui ob Euangelij professionem
captus, multos dies in vinculis illis exege-
rat. Egressi sunt ad eum inquirendum pro-
more, venatores illi familiares. Paucis in-
dè leucis assequuntur hominem ac com-
prehendunt media in via. Belga affirmat
constanter se non esse eum quem illi quæ-
runt, neq; propterea familiares desistunt,
quin vi & vinculis adhibitis eum ceperunt
redu-

reducere contrà affirmantes cum esse: neq3
dubij sed asseuerâter nōne tu es (inquiunt)
qui octo abhinc dieb3 elapsus es è carcere
Inquisitionis Valleoletanę? Ille sereno vultu
Animaduertite (inquit) melius, nam is ego
non sum, quin è Legione nunc primum ve-
nio, vbi per complures dies opificio meo
dedi operam: & vt certò sciatis ita esse, le-
gitote hoc testimonium quod ea de re me-
cum adfero. Et statim producto scripto
quodam, illis offert legendum: quo lecto
continuò adhibent fidem homini, eumq3
liberum dimittunt non sinè pudore, quod
neo pro altero comprehendendo vt sibi
quidem videbatur, pueriliter errauissent.
Atqui de testimonio quo oportunè libera-
us est, ita res habet. Post eius è carcere e-
gressum, dum haud segniter itineri se dedi-
erat, in ipso itinere fortè incidit in quen-
dam contrerraneum suum sibi anteanotum,
ui veniebat è Legione vrbe Hispaniæ. Is
eius suis ita exigentibus testimonium il-
lud sibi dari curârat. Quod cum utròq3
nesciente, vt huic è tanto periculo eripien-
do inferuaret, arcano prouidentia suæ de-
creto Deus constituisset, commisso ad asser-
endum illi suo testimonio, alter biduo an-

12 INQUISITIONIS HISPANICAE
te abcefferat, quo fycophantas illos op-
portunè neq; minus lepidè delufit, ac tan-
dem feruatus eft.

Solent fpiritus ifti familiares in inuef-
tigandis fugitiuis alia quâq; diligētia vti.
Etenim ex illis alij insequētur aut quæ iam
inuenerunt veftigia abeuntis, aut illud por-
ro iter quod fagaciffimo ipforum iudicio
videtur tenere abeantem poffe. Alij (fiqui-
dem vel ad muscam vnâ quæ ex Inquifi-
tione aufugiat cōquirendâ complures folēt
deputari) in ipiis itineribus excubant noc-
tu infidiantes, quin pro comperto habent
noctu potius quam die fugientem iter fac-
turum. Aduerfus hanc diligentiam instru-
it Deus eum quem volent eripere. Atq;
hæc de comprehenfione: nunc ad ea
quæ fecundum comprehenfio-
nē & incarcerationem
fieri confueue-
runt.

BONORVM SEQUESTRATIO,
sequeſtrum vulgo dictum.

Com-



Omprehēso per alguazilium aut per familiares delato, statim petunt atq3 auferunt ei arcarum aut scriniorū, siqua habet, clauēs ōnes: mittuntq3 notarium aliquem cum aliquibus ex familiaribus & ipso alguazilio, qui bona omnia quę domi habet, qualiacunq3 illā fuerint, in rationes redigat: quo diligēter peractio, ea omnia quę inuenerunt, deponunt apud aliquem ex vicinia diuitem asseruanda, qui rationem eorum omnium, quum à se expectant, reddere bona fide pollicetur. In hoc, quod vocant, sequestro, imprimis est opus vt ij quorum res agitur, ab illorum manibus qui sequestro interfunt & per quos fit, oculos non auertant, ac tum præcipuē vbi pecunia, aurea, argenteaue monilia, aut res deniq3 alicuius pretij quę facile occultari possunt, in eiusmodi rationes erunt redigendæ: nam adherescit istis nōnihil sæpē eiusmodi rerum, vbi ea deest obseruandi diligentia. Constat enim vt plurimum hic ordo familiarium ex lenonibus, furibus, rapaci

paci demum ac nequam hominū genere,
qui ex rapto viuere asueti manibus tem-
perare neq3 possunt nèq3 volunt. Accedit
ad hoc, quod in aliena omninò iam bonæ
& ad quæ ius aliquid ipsi non habeāt, haud
se submissuros manus arbitrantur.

Superest vt paucis indicemus in quem
finem hoc sequestrum bonorū fiat. Is est vt
si forte contigerit captum damnari amif-
sione bonorum, aut aliqua ipsorum portio-
ne in fiscum, nihil, ne scutella quidem
sancto officio pereat. Nèq3 enim obscurū
est prædam atq3 exuias miserorū ab ipsis
in toto negotio quæri: Alioqui quid patribus
fidei, pietatis unius zelatoribus cum eorum opibus
quos in uiam se uelle reducere profitentur? aut quis
ita insaniat, ut error in fide mulctatione fortunarum
corrigi posse credat? Neq3 interea Christianis
hominibus indecorum quoque est, prop-
ter confessionem Christi, fortunis omni-
bus atq3 ipsis demum vestibis exui ab hos-
tibus, quandò cum ipsorum Domino, cu-
ius membra sunt, & cuius veritatem pro-
fitentur, sic actum est, vt post abreptam cru-
deliter vitā, in vestes, easq3 haud magni pre-
tij, forte etiam vsu attritas decreuerint for-
tiendum.

Sacrilegium istud communi theologorum, monachorum videlicet ac clericorum voto, iam est adeò sanctificatum, vt omni pudore deteriso predicent ac doceāt, eum qui Papæ doctrinæ quoquo modo non consentiat, aut aliquando ab ea dissentierit, eo ipso facto teneri in conscientia (vt ipsi loquuntur) fortunas suas omnes in fiscum regium deferre, cui eas omnes debeat, ac si illas antea furto inde abstulisset. Ratio est (inquiunt) quoniam eo ipso quod ab Ecclesiæ Romanæ doctrina recessit, illegitimum se suarum fortunarum possessorem, regem vero legitimum, cui Papa eas adiudicauit, constituit. Quare & illas ex integro ei restituere tenetur, etsi de ipsius negotio Inquisitio nihil vnquam sciuerit. Adhunc modum hac vna astutissimorum aucupum tendicula, & regibus imprimis fiunt quam gratissimi, & conscientias & crumenas miseri ac stupidi populi pro lucerna eos habentis, eadem opera irretiunt.

Vt verò ad institutum redeamus, quam primùm ingressus est captiuus primam carceris ianuam, carceris custos cum notario petit ab eo an habeat secum cultrum
 ali-

aliquem, aut pecuniam, anulumuë, aut monile aliquod pretiosum. Quod si est mulier, habeatq; pensilem a zona capsulam paruorum cultrorum, anulos, murennulas, armillas, aut quicquam huiusmodi muliebrium ornamentorum, eam ijs omnibus exuunt, ac vt plurimum, cedunt in prædam auferentibus. Hoc fit ne quicquam captiuus in sua captiuitate habeat, quo vllò modo subleuari possit. Scrutantur etiam, si fortè secum inferat occultè scriptum aut libellum aliquem, aut quidquam eiusmodi. Vbi verò carcerem est ingressus occiditur in cellula aliqua ex multis, per angustia, nidore & tenebris sepulchro non absimili, nonnulli incarcerationi soli ad octo aut quindecim dies, alij per aliquot menses, alij perpetuò: nonnullis ex primo captiuitatis die dant socios, prout dominis inquisitoribus ex ipsorum artibus videtur magis expedire.

AVDIENTIAE MULTIPLICES.



Xacta à captiuitate vna aut altera septimana, Inquisitores submitunt ex composito custodē carceris, qui veluti ex se suadeat vincto vt audientiam petat, quod suo quodam misterio carere, vinctum scilicet actionem primum incipere, minimè credendum est. Igitur custos carceris hora prandij aut alio tempore commodiore ad id expediēdum, vinctum adit, commixtisq; aliunde sermonibus, eò rem deducit, vt àb eo quærat, qui fiat quòd vt maturè expediatur ipsius negotium, non petat sibi audientiam dari? Itaq; consultit vt quàm primum petat, monetq; fore vt causam suam hoc pacto non mediocriter subleuet, ac demum negotium suum in non malum finem citius perducatur: se amicitia cum ipso iam conciliata, cogi ad eum salubriter commonefaciendum sui commodi, polliceriq; in posterum fidelem & amicā operam. Piè credi potest si vinctus recuset audientiam petere, expectetq; quousq; ab ipsis Inquisitoribus

Vocetur, fore aliquanto causæ suæ vtilius, si tamen misero iam feris belluis in prædā dato aliquid superest vtilitatis. Hoc certè, si aliud nihil, ex hac expectatione obueniet, vt ipsi actionem incipientes victo nulla alia cura sit quam ipsorum oppositionibus respondendi. Atqui quum arcanum mysterium est, iudicium penes prudentius coniectantes esto.

Vinctus earum artium imperitus vt plurimum ea in re consilium custodis sequitur, quem salutaria sibi monuisse credit, oratq; eū, vt in petenda audiētia vices ipsius gerat. Cuius statim petitioni Inquisitor assentitur. Vinctum igitur ad tribunal ingressum Inquisitor ea incuria ac si nihil omnino sciret, alloquitur ferè in hunc modum: Custos carceris hic venit, dicatq; te audientiam petere: quid igitur vis? Vinctus respondet, se cupere vt de negotio ipsius cognoscatur. Et si parum cautus esse contigerit, incipit fateri nonnulla de quibus existimat se fuisse delatum tædio carceris, & metu eius quod in posterum ominatur, ad id adactus. Id patribus est mirum in modum gratum, quādo hac vice & alijs postea compluribus in hūc finem solent ipsi vin-

Etis audientiam concedere, ac subinde eos ad tribunal accersire, antequam integræ ipsorum accusationis ac testimoniorum testium ipsis fiat copia (*quæ legitimo iuris ordine prima actio esse debuerat*) vt scilicet reus ex se aliquid effutiat quod ipsis nondum est notum. Admonent, vt fateatur ex se, pollicenturq3, si errata sua sponte agnoscat, continuò remissum iri domum suam, breuiq3 de suo negotio constitutum iri, seq3 vsuros erga ipsum multa misericordia. Verùm si (quod salubrius est) ad omnes has inanes & fraude plenas pollicitationes obstinatè tacet, commonefaciunt eum seriò vt conscientiam suam exoneret & tum demum audientiam petat, quum fateri vltro constituerit: eos interea ipsius negotium dispecturos: ac sic eum in carcerem remittunt.

Post sex aut octo deinde dies aut plures, vt ipsis videtur, adesse iubent eum rursus, ac quærunt, an aliquid fateri statuerit. Vincit aut se nihil habere, insontemq3 esse respondet, aut fateatur fortè aliquid. Quicquid ipse respondeat, illi veterem commonefactionem repetunt, vt suam conscientiam velit exonerare ipsos enim nihil præ-

ter ipsius commodum & salutem quærere, misericordia videlicet in ipsum admodum propensos. quam lenitatem si ipse contemnat, futurum ut ius acrius experiatur accusante Fiscale, ac sic rursus in carcerem mittunt. Fiscalem vocant eum qui acceptis à delatoribus accusationibus, in totius causæ tractatione ex officio actorē agit, haud dubiè sic dictus, quod fisco imprimis consulat, operamq; illi suam locatam habeat.

Tertia porrò audientia (sic enim vocamus ex notis ac vſitatis iam nominibus iuridicas actiones) accersito reo, quærunt ab ipso ecquid secum constituerit ac iterata sæpius veteri cautione efflagitant, ut rei veteritatem vltro exponat: sin minus, acturos se quod è iure fuerit (intelligunt hoc loco iuris nomine, torquere truculenter & excarnificare homines vel iuxta eorum ipsorum leges nihil eiusmodi commeritos) pro certò sibi statuatur sanctum illud tribunal nemini facere iniuriam, neq; quenquam unquam comprehendere nisi sufficienter edoctum etc. Si vinctus aperit quicquam, adhuc fingunt sibi non esse satisfactū, seq; existimare multa eum consulto celare, sicq; illum ad suum carcerem remittunt diduc-

diducto eò amplius vulnere, audientijsque
 postea multiplicatis, quò eum paulatim
 plura exponere animaduertunt. Verum si
 delatus constanti animo respondeat, nihil
 sibi esse negotij quod eo in loco declaret,
 mutata arte eum noua adoriuntur strophæ,
 iuramentum ab eo expetentes, ad quod ob-
 tendunt idolum quoddam, cruxifixum re-
 ferens atro velo ad incutiendâ religionem
 coopertû, atq3 alia nescio quæ idola, librû
 item missaticum seu Missale: nonnunquam
 simplicem aliquam crucis imaginem, nam
 has strophas nugamenta q3 mera aut multi-
 plicant aut mittunt, prout intelligunt ex-
 pedire, habita hominis quo cum ipsis ne-
 gotium est, ratione. Hic est veluti coactus
 quidam viæ passus homini Christiano, in
 quo fidei suæ perspicua atq3 absoluta con-
 fessio illi necessariò edēda est. Namq3 si ac-
 cusatus verè fidelis fuerit, abominatusq3
 fuerit ex animo idololatriam, illius vnus
 Fortis, Zelotis obtentu, qui in sacrosancta
 sua lege hanc gloriam per se iurandi sibi
 vni reseruauit, cauebit utiq3, ne vilissimis
 idolis ligneis aut ferreis eam impertiat,
 quæ quo sublimiorum rerum imagine vesti-
 untur, eò coram Dei atq3 Ecclesiæ ipsius

oculis sunt abominabiliora. Itaq; cauebit
pius ab eiusmodi nefario atq; impio iura-
mento, et si alioqui per membra illic fuerit
dissecandus, quando idola sunt reuera, non
Deus, cui in solidum hic debetur honos, ne
que inficiari illud poterūt ipsi Inquisitores.
Accepto à victo iuramento, eiusmodi
quæstionibus eum examinare incipiūt. Cu-
ias sit: è quo regno, è quo archiepiscopatu
aut episcopatu: è qua vrbe, oppido, aut vico:
ex quibus auis, proauisq; prognatus: qui
vocabantur: et quos habeat fratres aut so-
rores: quos demum habuerit parentes, &
quæ eorum nomina, quæ officia, vitæque
rationes? An ipse aut è suo gentilitio quis-
quam, Inquisitionis censuram aliquando, &
quibus de causis subierit. Quotennis sit;
quos dixerit ætatis annos se habere, vbi gē-
tium, quibusq; exercitijs, quibus porro per-
sonis conuiuens exegerit? cogiturq; hîc vi-
tæ suæ totius per annos ac loca singula in-
quibus commoratus est, exactam rationem
reddere: ex ijs enim singulis argumenta de-
sumunt haud leuia, quibus miserj hominis
causam postea impensè grauant. Accepto
ad hæc parerga responso, repetunt vete-
rem commonefactionem nunc blanditijs,

nunc comminationibus adhibitis suaden-
tes vt veritatem scilicet vltro dicat, pro cer-
to sibi persuadens, eos neminem vnquam
comprehendi iubere absq; iusta causa, testi-
monijsq; sufficientibus, atq; ita aut confes-
sum aut secus ad carcerem remittunt.

In tribus istis prioribus audientijs mul-
ti aut spe allecti promissionum, quibus eos
studiose onerant, eos in domos suas remit-
tendi quàm primùm quod ab ipsis quæri-
tur, fateantur: aut ingenti porro correpti
metu, quem ex sæuis cōminationibus cō-
ceperunt, pleraq; indicant, quæ inquisito-
res omninò latebant, eos nemine de rebus
illis antea deferente, se ab eis delatos exi-
stimantes, quibuscum de eisdem rebus e-
gerunt aliquando. Eo modo, dum sua im-
prudentes propalant, alios quoq; qui eius-
modi nihil fortasse metuebant, de quibus
antea nihil patres acceperant, calamitate
sua inuoluunt: quum præsertim intelligere
iam cœperint, sanctissimis patribus nouis
subinde prædis inhiantibus quàm gratissi-
mum id fore, quorum gratiam, quacunq;
demum ratione, modo ipsi ex ea calamita-
te liberentur, promereri student. Ita fit, vt
ipsi sæpe vincti leuissimis de causis primū

capti & se & complures alios perdant falsis Inquisitorum promissis & blanditijs habentes fidem, ignorantescq3, tùm quam rationem in rebus suis tenere debeant, tùm maximè quo loco ab eis patres illi habendi sint, id est, non patrum, (vt ad totius humanitatis & pietatis ludibrium ipsi se appellari volunt) sed hostium immanissimorum, qui vafritie, dolis, mendacijs atq3 omnis generis fraudibus, & vitæ & fortunis & nocentum pariter & innocentum insidientur. Aduersus has omnes pedicas vnicum superest remedium, videlicet, vt is qui Facto suo hoc est Dei Prouidentia, in ipsorum manus inciderit, Primùm nè eis quantumuis ingētia pollicentibus quicquam credat, timeat uel extrema quæq3 comminantes, illius & timorem & amorem ab oculis semper habens, qui postquam occiderit corpus, & mittendi animam in gehennam potestatem habet. Is & capillorum nostrorum omnium numerum exactè tenens, eorum nullum citra ipsius optimam certè erga suos uoluntatem in terram decidere patietur. Alterum erit, ut linguam constantissimè cohibeat, nèq3 quicquam respondeat, quouisq3 & accusationis suæ & depositionis testium, quibus recto iuris ordine tenetur respondere, sibi fiat copia.

In quarta porro audientia rursus expectitur

titur à reo iuramentum pergrauibus cōte-
stationibus adhibitis, vt vltro exponat qd
nouerit, sin minus, fore vt ex iure secum fi-
at, fiscale aduersus eum accusationem in-
tendente &c. Si constanter adhuc affirmat,
se habere nihil vltra quod exponat, tum
demum proponunt illi ex scripto accusati-
onem, eam verò compluribus atq; cōfictis
grauaminibus plenam, quæ neq; reo ipsi
vnquam venerunt in mentem, neq; illum
quisquam de eis rebus apud Inquisitores
vnquam detulit: siquidem est vera & ger-
mana ars Inquisitoria sanctorum patrum
fidei scilicet, ex suo penu hæc grauamina,
seu flagitia potius, confingere in hos præ-
cipuè fines: primum vt multitudine ac gra-
uitate criminum confictorum obruentes
miserum hominem, attonitum reddant, ac
sui ipsius impos, nesciat vbi sit, aut quo se
vertat, quidne respondeat: Dein, vt ten-
tent, si forte accusatus, ex intentatis crimi-
nibus quodpiam admittat, aut saltem si de
illorum quopiam possint cum eo verba cō-
serere, vnde in nassam trahi possit. An hoc
est imitari iudicium Dei, cuius causam Pa-
tres fidei agere àpud miserè imperitum vul-
gus iactant, in ipso præsertim spectaculi ac

triumphi vestibulo, in quo innocētes supplicijs mox afficiendos exhibent, impudētissimè ac planè irrisorie canentes, Exurge Deus, iudica causam tuam? An istæ artes ex fide, cuius patres appellari volunt, progignūtur? An veri fidei patres eas aliquādo docuerunt, eisue vsi fuerunt? An rationes germanæ hæ sunt reducendi in viam eum qui à fide & Dei verbo imprudens aberrauerit, edocendi ignorantem, corrigēdi eum qui pro humana conditione deliquerit? An vero sint potius Satanae laquei, qui in frequenti vsu calūniatoribus ac diabolicis hominibus semper fuerint, in occulto tensi ad supplantandum pauperem, offendicula captiosa & maligna arte ex professo composita, ad quæ impingat, ac demùm sese excrebret, qui incautus & communi simplicitate minus vitæ suæ prospiciens illac pertransierit? Quis enim existimet sanctos patres eiusmodi struendis muscipulis operam dare? Atque quot miseri in hosce laqueos inciderint, ibiq; & corporum & animarum forte iacturā fecerint, detestādo actu ac opera istorum artificū iniquitatis & violentiæ, illius Inquisitoris verè Catholici tribunal, Christi, aliquando manifestabit.

Priora ex illis grauaminibus solēt esse communia omnibus ferè, qui in hoc sancto tribunali in id discriminis veniūt. Sic habent. Quòd baptizatus quùm esset, filiusq3 subiectionis Romanæ Ecclesiæ, ipsius professione deserta, ad lutheranam sectam trāsierit, eius hæresis errores admittendo, ac recipiendo: neq3 contentus se hæreticum esse, alios quoq3 effecerit hæreticos docendo ac dogmatizando &c. In hunc ferè sensum addūt turgida complurima atq3 ampullosa verba, quibus terrorem incutiant simplicibus. Hoc primum grauamen alia pleràq3 sequuntur aliquando maioris, aliquando minoris ponderis, quibus ex composito illud interferunt, de quo delatus fuit accusatus, aut eam suspicionem, quæ de ipso fuerit à quoquam concepta, eamq3 non suspicionis nomine, sed affirmati & contestati facti, in hoc enim sanctissimo tribunali omnia quæ expediunt, licent.

Accusatus tùm respondet ad obiecta sibi grauamina figillatim, aut fatendo aut diffitendo, vt commodius potest, quo verba præeunte, scribe illa scripto exipit. Ac
cepta

28 INQUISITIONIS HISPANICAE
cepta ex eo hac extemporanea ac tumultuaria minusq3 accurata confessione, offerunt illi papyrum & atramentum, vt si velit, scripto sibi liceat respondere. Consiliū eorum hīc est, vt ostendant se nihil prætermittere quo commodius ampliūq3 possit reus innocentiam suam declarare ac tueri: atqui sub hoc æquitatis specioso prættextu latet ars Inquisitoria, ea est vt accepta iam ab ipsis ex rei ore, vocali & præsenti confessione, alteram addat accuratiori diligentia compositam, in qua facilè sit discrimen aliquod à priore inuenire, quam utiq3 coram se neq3 habet, neq3 verborum ōnium, quæ in ea aut dixit, aut exciderunt, metu præsertim consternato, reminisci potest. Si hoc non, saltem aut multa aut aliqua priori addat. Expedit porro ipsis habere, vnde eas quas desiderant contradictiones sua peculiari dialectica inuenire possint, nouo atque accurato rei scripto, āpriorē nouis calūnijs materiā suppeditāte. Huic technæ prudenter ac salubriter qui velit occurrere, ex tempore ac impræmeditato ibi respondebit nihil: sed ad omnia alia pisce mutior præcisus ac numeratis verbis petet, dari sibi accusationis exemplar, atramentumq3

& papirum, tempus etiam, quo per otium atq3 maturam deliberationem ad obiecta sibi possit respondere. Et quoniã ipsi haud dubiẽ eo responso satisfactum sibi non putabunt, conabunturq3 vtrumq3 responsum adipisci in eos quos exposuimus fines, oportebit respõdentem seriò apud se esse, vt hoc laconico responso conatus eorum infringat: neq3 quantumvis quærant ab ipso, & requirât, vigéantq3 Inquisitoria sua, tum grauitate tum improbitate, ab illo breuissimo concisóq3 responso se auelli sinat. Et si responsum illud, quod diximus, extemporaneum vehementer percupiant isti patres captatores, scriptum tamen faciunt maximi, ab hominibus præcipuè literatis, quos perpetua propemodum experientia norūt eius esse genij, vt dum errorem, eorum iudicio, vnũ aut alterum, sæpe etiã haud magni momenti, defendere aut interpretari contendunt, complures alios annectere soleant, aut saltem, dùm ex ipsorum literario penu multa depromant, multam etiam materiam captiosis hominibus suppeditet calumniandi. Itaq3 accidit sæpè numero vt eiusmodi viri docti vel leuissimis de causis in illud barathum primum incidentes,

compluribus eisdemq3 grauissimis postea
 titulis onerati indè exierint vel ad incen-
 dium, vel ad paulò tolerabiliorem trium-
 phi pompam, ex qua, quod supererat vi-
 tæ, in perpetuis pudoris tenebris fuerit tra-
 ducendum, id quod exemplis compluribus
 possemus comprobare, nisi ex commenta-
 rijs de artibus Inquisitorijs iustam conte-
 xere historiam vereremur. Igitur eo in lo-
 co opportunè sapiet, qui ex matura delibe-
 ratione succinctè ac resolutoriè responde-
 rit, Christiana prudentia consultrice, quæ
 neq3 lymphata aut euirata veritate consci-
 entiam lædat, nèq3 longa nimis responsi-
 ore ansam præbeat aduersarijs novos la-
 queos sibi induendi, id quod ipsi ex respō-
 so scripto haud dubiè captant. Opera pre-
 tium etiam erit, si quando ex ipsorum ca-
 nonibus aut sententiarijs theologis (quos
 vocant) respondens sua poterit confirma-
 re. Tum enim nèq3 veritas omittet quicquã
 de suo, & responsum haud tam facilè pa-
 tebit calumnijs, aduersarijs quoq3 armis
 propugnatum. Quùm quis scripto aut vo-
 ce fatetur eis quippiam ipsis apertè hære-
 ticum, hanc orationem solent obseruare:
 Ex ea sententia deducunt illi alias bona de-

ductione aut secus : eumq3 ex singulis speciatim ita grauant , ac si eas etiam speciatim asseruisset , docuissetue , & si illas accusatus neq3 protulerit vnquam , neq3 concedat , neq3 etiam intelligat. Vt verò res exēplo fiat clarior, vnum adducemus quod paucis ab hinc annis Hispali accidit: neq3 enim confictis exemplis opus est in re singulis propemodum diebus in sancto illo tribunali magno cum dispendio simplicium presertim ac rudium vsitata. Vocatus venit ad Inquisitionem Hispalensem quidam , quòd in confessu familiarium amicorum dixisset, præter Christi sanguinem , qui suos quotidie ab ipsorum peccatis eo abluit purgatq3 , nullum se aliud purgatorium agnoscere. Erat hic homo simplex, ruri perpetuò addictus, absq3 ulla deniq3 cultiore institutione . Illud à quibusdam suis fortassè coniuratis semel audiērat , neque displicuerat . Quum coram patribus fidei sisteretur , fatetur , se quidem eius fuisse sententiæ : sed quando suis reuerentijs non probetur, eam se libenter reuocare. verum quid tibi miselle profuit hæc tã præceptis & repentina palinodia ? Dum rem es factus, illos incendiisti , si tacuisses instigasses, si te purgasses deniq3, laterem lauilles.

fidèi ac veritatis ipsius extirpatores sese profitentur, illi ipsi (inquam) sunt eo, quem diximus, modo eiusdem veritatis concionatores, doctores, propagatores. Id clarissimis multorū exēplis est compertū, qui in ipsorum manus inciderunt, complurium rerum ad ipsorum salutem pertinentium ignari tantum videlicet quòd temerè potius quàm certo consilio garrierint, non esse Purgatorium, vel quid simile, ipsorum verò Inquisitorum quæstionibus, consequentijs, inductionibus congruè minusuè deductis, egressi sunt insigniter instituti, cuius rei vel is ipse rusticus de quo iam diximus luculentum exemplum esse possit.

Solent hīc etiam (hoc est quū à reò aliquid ipsis est concessum) nouum laqueum tendere periculosum satis. Petunt ab eo, à quo nam illud, quicquid est didicit, audiuit, aut si forte legerit, in quo libro? Item, an cum alijs ea de re contulerit, docueritue alios aut quouis alio modo alijs præsētibz ea dere verba fecerit? In quo loco. Quibus præsētibz: illos enim ōnes, qui uel inuiti audierūt, quòd authorē continuo ad Inquisitores nō detulerint, etiā si parētes sint, uel arctiore naturæ uinculo deuincti, ingens periculum manet, ueniuntq;

sitoribus in non dubiam prædam. Hæc omnia scire expedit, vt quid ad eiusmodi quæstiones respondere quisq; debeat, nè & se & alios in fontes sua imprudentia perdat, si fortè in hos laqueos, Deo ita disponente, incidere contigerit, ex ipsius lege & voluntate antea sit præuentus atq; edoctus.

Accusatione demùm proposita, si reus adhuc sit pupillus (quem ætate minorem vocant) in hac eadem audientia prospiciunt illi de patrono (procurator aut curator ipsis dici solet) Pium cerrè studium, si is ad id officij diligeretur, qui partes suas strenuè & pro officio esset obiturus. Atqui is haud est, quem pupillus petit, aut quo maximè ipsi erat opus, vt ipsius causæ melius esset prospectum: sed quem diligunt ipsi, qui aut sit lupo aduersus ouiculam cæteris de nouo additus, aut saltem qui nihil aliud agat, quàm vt præferat frigida ceremonia Patroni nomē, qua vnaiurifiat satis. Vt plurimū hoc officij cedit Ianitori Inquisitoriæ domus: ex ipsius autē defectu cuius alteri eius officinæ famulo: nāq; præterquā quod personam ac nomen curatoris sustinet, cum habeat in officio quod agat nihil, sanè curator mulæ domini Inquisitoris nulla molestia

molestia potest vel vincitorum simul omnium qui sunt in carcere, curatorem agere: Iani-
tor quoq3, neq3 ob id omnibus fores pulsā-
tibus in tempore respondere desinet. Vide-
licet sic obseruant humana atq3 diuina iu-
ra sancti isti patres vel erga pupillos, tātō-
perē ex lege Dei & humanitate ipsa omni-
bus hominibus, sed precipuē iudicibus,
commendatos.

Neq3 consistunt in eo irrisiōis iuris gradu. Eā-
dem quippe ratione alteri iuris atq3 æquitatis parti
haud leuioris momenti, prospiciendi scilicet de aduo-
cato iurisperito reis omnibus, qui eorum causam
atq3 ius ad legum & æquitatis ipsius normam prudēs-
ter dirigat, eorum innocentiam, si qua est tueatur: si
non est, iura saltem mitiget, nè in summam euadant
iniuriā: huic inquam iuris parti tanti momenti, &
quod unum inter homines confugium miserē afflictis
super esse uidebatur, eadem, qua superius de pupillo-
rum curatore, frigida tantum ceremonia satisfaciunt:
nisi quod ut res est grauissima, ita quōq3 cōtegere hīc
impietatem atq3 contemptum legum, ac uideri paulo
humaniores student specioso aliquo prætectu. Nomi-
nāt reo tres aut quatuor ex celebrioribus, iuris peritos
ut ex his eligat sibi quē uoluerit, qui causę suę patro-
cinetur. Neq3 ea humanitate cōtenti, cōsulūt (ex animo
uidelicet paterno) ut talē, quē pro doctiore ipsi habēt,

deligat. Ecquid hîc desideremus? Atqui cauebit sibi delectus aduocatus quicumq3 aut qualiscunq3 ille sit, nè reum, cuius suscepit curam, alicuius puncti iuris commonefaciat, quo ipsius causa subleuari quoquo modo possit. Nouit enim quod si id Inquisitores quacunq3 ratione rescouerint, haud habiturum sibi impune: quando re vera hîc non prospicitur reo de aduocato, vt causa ipsius defensore[m] habeat, (vnde nèq3 licet aduocato aut reo ipsi clam simul communicare aut colloqui vlla de re, nisi præsentibus dominis Inquisitoribus & scriba) sed vt vulgus potius existimet, cùm aduersus omne ius tam diuinum quàm humanum res suas agant, iuridicè agere ipsos, atq3, qua decet tãtos patres, æquitate vti. Quid igitur aduocatus? Accipit (vt mox dicamus) à reo rudem ac minimè cultam responsionem ad accusationem, atq3 illam in iuridicas dicendi formas transfusam (plærumq3 etiam deformatam) in ordinem iuridicum cogit. Interea etiam sustinet aduocati nomen, quò ius eludant domini Inquisitores. Pergamus.

Igitur tertio die postquam accusationis suæ exemplar accepit reus, vocatur ad
tribu-


tribunal, ibi iam præstò adest eius aduocatus veluti tela omnia iniquitatis ab eo quem mox in suam tutelam accipiet, strenuè depulsurus. Iàm Inquisitor veluti beneficio summo afficiens reum, & ab ea iuris parte sese insolidum absolvens, prætenso digito, ostendit reo suū aduocatum: deinde sua solita improbitate vsitatam cātilenam illi occinit, scilicet vt verum dicat, consular ac prospiciat seriò suæ conscientiæ, exponatq; si quid amplius habet exponendum. Interea noster aduocatus sedet aut stat sedulus proinde ac si esset ligneus. Quod si dicturus forte quicquam, id prodire in lucem non potest nisi consulto prius Inquisitore, seq; inuicem dum sermo fit, attentè aspicientibus. Veretur enim Inquisitor, nè aduocatus sua vel garrulitate, vel imprudentia aliquid effutiat, quo, cōmonefactus sui iuris reo, fila sua ad capturam astutè abscondita disturbentur. Aduocatus contra, periculum sanè perhorrescens tremore corripitur, nè verbum aliquod per imprudentiam sibi excidat, quo dominus Inquisitor offendatur. Aduocatus à reo admissus, ea tātum in solatium pupilli sui tutò dicit, videlicet, vt bono animo sit, veritatemq;

imprimis indicet, id enim in eo sancto tribunali solum obtinere. Ad se verò quod attinet, omissurum nihil quod in se sit &c. Succinit deinde Inquisitoreandem cantilenam, ac sic demum remittitur reus in suum sepulchrum.

Post hanc audientiam reus meliore ut cunq; animo esse incipit, persuasus negotium suum prope finem iam esse. Atqui multò aliter res habet: Nonnulli enim in carcere tanquam in coriariorū calce atq; dolio ad macerendum atq; euellendum per annum, aut sexquiannum, aut etiam per triennium aut quadriennium integrum pro arbitrio patrum fidei longē obliuioni traditi relinqui solent, quo toto tempore neq; amplius vocantur neq; sermo serius de ipsorum negotio expediendo habetur. Si quādo diuturni carceris ac squaloris intollabilis tædio enecati rei audientiam postulēt, nonnullis conceditur, alijs surdas aures præbent, sed pari demum fortuna. Eis enim quibus vel post multam efflagitationem cōcessum est, in conclauī introduci iussis, eorum ac sermonis habitu, quo facilè ostendunt, se eorum nulla omninò cura tactos, ab eis quærunt quod ab omni parte beatis

quærere congruum foret, Ecquid scilicet
 ibi velint? Reus ad hæc, Vt de negotio suo
 agatur, ac constituatur tandem. Excipiūt
 ipsi, eos omni cura ac diligentia in illud in-
 cumbere, neq3 ipsius se esse oblitos credat.
 Si seriò cupiat negotij sui finem, de propa-
 landa veritate porrò cogitet, cur adeò ne-
 gligat suam conscientiam? &c. Itaq3 ran-
 tæ moræ in miserum, qui vel ad incendium
 ipsum libenter exiret, relata culpa, ad suū
 ergastulum eum remittunt. Cui & si sæpius
 postea audientiam concedunt, in qua eadē
 postulet, eadem quoq3 ipsi respōdēt, quó-
 usque tandē ipsis videtur maturus, cui dicta
 testium aduersum se iam communi-
 centur: publicationem te-
 stium vocant.

PUBLICATIONE TESTIVM.



Gitur cū ex diutur-
 no & squalido supra
 humanas vires er-
 gastulo, patrum iu-
 dicio miser vinctus
 iam fuerit adeò æ-
 ger animi, vt exitū
 vel suppicio ipso ēp

turus libenter, ac proinde amplius quam ab ipso quærant, indicaturus videatur, in audientiam vocatum, sermone inter obiurgationē & lenem commonefactionem cōposito, interrogant, quī fiat vt negotij sui tam sit oblitus? depromatq; iam veritatē: atq; ea de re multæ habentur adhortationes, secundum quas in hac eadem aut insequenti audientia fiscalis actionem suam inchoans petit fieri publicationem testium: quo ab ipsis è vestigio concessio, exhibentur reo testium depositiones, nominibus tamē ipsorum testium suppressis. Ordo ac stilus harum depositionum ostendit satis quantopere cupiat sanctum tribunal, vt veritas demū patefiat. Namq; eo pacto recitantur omnia hoc est, tot salebris, & anfractibus distorta ac contorta, verbisq; adeo ambiguis & ancipitibus, vt quiduis potius quā hominum ratione vtentium dicta videri possint. Hoc ex artificio sancti tribunalis consultò fit, primum, vt reus semper incertus ac dubius sit vel in ijs ipsis quæ iam nouit contra se deposita. Deinde vt nulla ratione, quo ad fieri possit, sibi innotescant ij quorum aduersum se testimonia recitantur, nè contra ipsorum personas excipiēdo se tue-

se tueatur : Tertiò deniq3 , vt si de eisdem rebus de quibus se delatum audit , cum alijs , quàm cum illis , qui detulerunt , colloquutus fuerit incertus omninò , quis eum detulerit deferētē deprehēdere conatur ònes fortasse indicet : atq3 ita demum fiat , vt eo plures pisces in piscatoriam illam sancti tribunalis nassam trahat.

Libenter hīc quæsiuerimus à patribus fidei , dicant nobis (quando vt plurimū iuris sunt peritissimi) qui fiat , vt quum testium publicatio integra scilicet & bona fide facta ex communi iure sit , in sancto suo tribunali nullum habeat locum , neq3 demum ex iure sit , nisi dimidiata ac meliore parte sui hoc est suppressis testium nominibus , circuncisa , neq3 altera , quæ reliqua est , integra ac bona fide , imò mala , imo pessima fide , vt mox dicemus , recitata ? Item si exceptio contra personas testium non solum ex iure sit , verum etiam per quam necessaria , ne proborum innocentia pessimorum hominum calumnijs quaquam versum pateat (etenim inimici , mendaces , infames , fatui aut insani , ebriosi , infideles , serui , & id genus hominum à dicendis testimonijs vel in politicis haud magni momēti rebus ,

iurē foro arcentur) cur in sanctissimo isto foro nullus est ei relictus locus? Ecquis totum hoc nihili genus hominum aptum fecit ut in causis fidei, omnium sanè gravissimis, testimonium dicant, recipiaturque eorum testimonium, ac vim obtineat vel ad damnandum morte reum, quum omni iure sint inepti ut ex eorum tantum testimonio vel de re minima, quæ in controuersiam vocetur, in rebus alijs quis damnetur? Dicent fortassis, Pernegamus hîc non esse locum exceptioni contra personas testium, modò reus vlla ratione vel coniectura possit deprehendere quis aduersus ipsum, testimonium tulit. Ergó si quando contingat eiusmodi testem à reo coniectura sua deprehensum, nullius valoris ab ipsis pronuntiarî, ac foro próinde excludi, ingenti iniuria aut vtrumq; aut saltem eorum alterum effecerunt. Testem quidem foro reum eijciendo, si illius antea nomen, nè à reo deprehendetur, iure suppresserunt: aut certè reum ipsum, eiusmodi testis nomen tanto studio illi occultando, si exceptiones illius demum admittunt, modò solerti coniectura aut alia quopiam ratione illi innotescat, habeatq; vndè sufficienter aduersum eum

possit

ARTES ALIQUOT DETECTAE 43
possit excipere. Hæc certè iudicijs omnibus, in quibus semina aliqua æquitatis sint reliqua, inexpiabilis atq3 atrox est iniuria. Sed ad artes.

Testium itaq3 depositiones suo ordine, phrasi, methodo, satis indicant, transierint ne per sanctitatis officinam, an nequitiae, fraudis, & calumniae. Id enim certò certius est, eas vt plurimum, non solum non recitari coram reo, quēadmodum à testibus fuerant depositæ, verum etiamsi testis aliquid fortè dixerit, quod in fauorem rei aut sit, aut conuerti possit, illud totum reijciunt veluti instituto suo superuacuum, eo tantū admissō quod in illius sit perniciem atq3 eo rursus ad ipsorum cotes diligenter applicato. Vt vero perspicuè istud appareat, operępretium erit formam in disponendis eiusmodi depositionibus ipsis vsitatam, hîc referre. Sic habet: Testis. N. (suppresso scilicet nomine) iuratus & ratificatus &c. dicit se audiuisse in tali loco, tali anno tali mēse & tali die (si diei quoq; meminerit) coram talibus personis quas nominauit, à quadam persona, quam nominauit, quod dictus. N. (is est accusatus) dixit hoc & hoc &c. In suo originali exemplari
(quem

(quem processum originale vocant) ipsi habent has omnes circūstantias expressas, quæ utiq; expetunt à testibus ad maiorē rei fidem: at in eo exemplari quod tradunt reo ipsi omnibus istis & tempus & personarum circūstantijs, ex quarum obseruatione potuisset reus deprehēdere delatorē aut testē, fraudulenter suppressis his vocabulis quidam, & alter quidam & terti us quidam, satis faciunt. In hac depositionis forma sacræ argutiæ sunt imprimis obseruandæ, videlicet, quum dicunt (quod audiuit à quadam persona quam nominauit) intelligi debet reū ipsum esse ex quo testis illud audiuerit, arte verò Inquisitoria fieri, ut in dolo illo exemplari quod ipsi reo tradunt, veluti ex alio auditum, scriptum sit, nè cōiectura sua testem reus deprehendat: atq; (quemadmodum supra diximus) ut si illa ipsa cum alijs quàm cū isto teste fortē cōtulerit, eos nominet, dum quis se percussērit diuinare incertus cogitur. Iam si eos nominet, ex quibus nihil antea acceperit sanctum tribunal, continuo illi proscribuntur, ac inter hæreticorum fautores annumerantur, quod hæreticum scilicet hominem apud eos errores suos pestilentes euo-

mentem illicò non detulerint. Si verò in testis depositione legitur, (Se audisse à quadam ALIA persona quam nominavit &c. intelligat tum delatus hunc testem auritù re vera esse, vt ipsius habet testimonium quare néq3 ad contestandum cum alio vim vllam habet, etsi ad augendum conceptam de eo suspicionem valeat plus satis. Discrimen inter has duas depositionum formulas in eo modò consistit, quod in altera additur hæc vox ALIA, quæ in priore non est, tantùm habet, audiuisse se à quadam persona &c. Hæc ex libro illo arcanorum mysteriorum Eleusinæ matris. Hac captiosa & fraudulenta sophistice decipiunt domini Inquisitores miseros, qui illorum artes ignorant, tranquilli ac tuti scilicet in conscientia quòd mentiti nequaquam fuerint. Dolendum certè est miseros homines ac plerumq3 innocentes eiusmodi, ob Inquisitoriarum artium ignorantiam nunquam ab astutis istis accupibus obseruatis, adeò inhumaniter irretiri. Iuuari tamen vt cumque poterunt hoc nostro consilio: Itaque ad has artes melius deprehendendas atq3 si fieri potest eludendas primum studi-
ose cauebit accusatus, nè in hac audientia

verbum vllum proferat ad refutanda dicta
testium, (si quidem falsa aut calūniosa fue-
rint) et si ad id vel ex tempore agendum in-
struētissimus sibi ipsi videatur: Inquisitores
ue sua solita improbitate extemporaneam
confutationem ab eo conentur extorque-
re: sed petat solum vt sibi testimoniorum
fiat copia, quibus per otium & ex matura
deliberatione in insequenti audientia, aut
quum primum potuerit, scripto responde-
at: in qua vtiq3 responsione obseruabit ea
de quibus supra in accusatione Fiscalis eū
commonefecimus. Secundo, accepto te-
stimoniorum exemplari animaduertet di-
ligenter (neq3 enim vel in hoc à suo ceremo-
niali aduocato, multo minus ab ipsis do-
minis iudicibus vllam seriam sperare spem
debet) quanam testium sint contestes, qui
secus: si quidem de re eadem contestes, ad
eum de ea re damnandum de qua sunt con-
testes, sufficiunt. Imo duo auriti testes in
hoc tribunali nulli iuri alligato, vnius ocu-
lati vim habent: vnde fit vt duobus auri-
tis si oculatus vnus accesserit, damnari
reus potest. Obseruatu est etiam dignum,
vnum Custodem carceris Inquisitoriae (Al-
caidum vulgo vocant) pro duobus testi-
bus

bus occulatis haberi : Itaq3 de eis rebus
 quas in carcere viderit, ipsius vnū testimo-
 niū satis est ad damnādum eum quem ipse
 detulerit . Accidit subinde , vt alicuius
 depositionis aut accusationis vnus sit tā-
 tum testis, is si auritus sit , torturæ pe-
 riculum reo conficit , modò aduersus
 eum ab ipso reo accipi non possit . Ad
 vitandum illum eius formulæ depositi-
 onis laqueum quem supra ostendimus (
 si legitimo iuri, in hoc tribunali ad om-
 nem iniuriam inferendam libero , res-
 pectus aut honos vllus esset reliquus) satis
 reo ad ipsum vel liberandū vel saltē ōnium
 piorū iudicio, purgādum sufficeret, si quod
 illi pro aurito testimoniū retulerunt (esset
 vel non esset particula illa ALIA , qua se
 à mendacio & captiosa calumnia purgant
 domini Inquisitores) simpliciter & synce-
 re rejiceret . Tum enim fieret vt si auritum
 re vera foret , pro reiecto & minimi va-
 loris haberetur : si vero occulatum , le-
 gitima illius reiectione laqueus ibi ab-
 sconditus præcideretur , cogerenturq3
 sancti Patres omisso sanè artificio , decla-
 rare testimoniū illud occulati testis esse, ac
 accuratiore proinde refutatione indigere.

ipse indicare conabatur, sed quæ dictauerint ipsi. Ea in meliorem partem non semper esse, pie creditur. Dementauit tamen eos Deus, ut ad suas hasce artes minus intenderent, quum Hispali anno 55 supra millesimum quingentesimum furens quædam fœmina è catenis, in quibus ob furorem tenebatur apud pium quendam virum, custodibus absentibus elapsa, ad ipsos Inquisitores in arcem Trianae penetraret, Ecclesiam totam, quæ per latebras in amplissima ciuitate delitescibat, indicatura. Præda ingens ac opima, nisi Deus mirabiliter à Cœtu suo tum nimis tenero, & supplicijs, quæ tamen postea subiit pro Christi confessione, immaturo, eam tempestatem auertisset. Fuerat hæc mulier ante furorẽ ex præcipuis illius Ecclesiæ membris, si non sexum, sed pietatis specimen, & in rebus sacris eruditionem supra muliebrem consideremus, atq; hac præcipua de causa omnes qui tanto cum periculo Christo nomen dederat, familiariter nouerat. In ipso autem furore, priore pietate ac charitate erga Ecclesiam in peracerbum & furiosum planè odium conuersa, adeò excandescebat in Ecclesiam piorum, ut perpetuum illius

illius insanix nullum aliud thema foret, quam Inquisitores, ignes, incendia, agitate nimirum diabolo, & ex insania miserrimæ mulieris, destruendæ funditus illius piissimæ Ecclesiæ occasionem aucupante. Soluta igitur vinculis mulier, ad arcem Inquisitionis festinato ac rectâ intēdit iter: pulsatores, quæ delaturæ innocentem turbam continuo ex more patuerunt. Ingressa petit festinatum concessum patrum. Illi veluti ad rem magni alicuius momenti statim conueniunt, consedent in suo conclavi, mulier introducitur, auditur. Illa continuo dicit adferre se catalogum ingentem Lutheranorum, quibus plena sit ciuitas, ipsis interea, qui in eiusmodi malos euentus sedulò excubare debuissent, sedentibus & longò otio ac somno torpentibus. Incipit deinde catalogum suum ex memoria recitare, in quo vltra 300. Euangelium summa pietate profitentes detulisset, nisi Inquisitores ipsi attoniti in principio ad rem prodigio similem, (nullus enim aut per paucos de Lutheranis ante id tempus fuerat sermo) obseruatis aliquot deliciis, quæ inter res alioqui veras mulier per insaniam immiscebat, illam opportunè cōpescuissent.

Ne verò vel in re parum seria officium minus præstare viderentur, scæminaibi retenta, accersiri iubent eum, apud quem illa asseruabatur, quem ex verberum dolore, quibus ab eo ob furorem reprimendum affecta fuerat, primum in delatis esse voluerat. Francisco à Castra illi erat nomen in tēplo D. Vincentij beneficiario, cuius ob religionē postea capti atq3 è carcere Inquisitorio mirabiliter elapsi effigies, in primo de Lutheranis triumpho cremata est. Accersito eo, quem utiq3 pro viro bono ipsi tum habebant, quærunť ab eo quid rei illud esset, quod illa mulier indicarat de tot Lutheranis &c. ille continuo expresso per vim, ac simulato risu, eos veluti irridere cœpit, quòd mulieris insaniam non percepissent: vehementer enim ab aliquot iam mēsisbus eam furere, adeò ut & verberibus & catenis indiguerit, prout liuentes ipsius scapulae, & poplites etiam catenarū vestigia retinentes testari possent. Quùm q3 apud se ex charitaris officio in vinculis asseruaretur, è vinculis elapsam à se & suis per totā urbem iam quæri se vero lætari plurimum quod incolumis reperta esset. Quod vero de Lutheranis dicat, eam esse perpetuā

illius insanientis cantionem, vt solent infania correpti aliquo speciali themate perpetuò debachari. Inuisant modò vincula apud ipsum, percontentur etiam vicinos, inuéturos se ita rem habere: precariq; eos vt mulierem ab ipsorum famulis comprehensã ad se ad vincula reduci iubeant. Mulierem ergo reclamantẽ, imò insanis clamoribus arceam implentem, asserentemq; se nequaquã insanire, illum vero pessimũ esse Lutheranum, Lutheranorum omnium, qui in vrbe essent, longe pestilentissimum, qui eam ferro onustam tot flagris quotidie cæderet. Illi, aborto affatim risu, per famulos comprehendi, vinciri & ad sua vincula reduci iubent, hominis pietatem colaudantes, qui tam molestam curam, curandi furem foeminam, subiret, exhortantesq; vt deinceps eam melius custodiret, nè vinculis soluta easdẽ rursus turbaciet. Igitur artibus ac legibus suis ita neglectis, hac vice amiserunt domini Inquisitores eo tempore haud omnino malè, eam ingentem capturam qua duobus aut tribus postea annis, matura iam scilicet Ecclesiæ illius vindemia, potiti sunt iam ad rem

Obferuandum præterea eft in hoc ſancto
tribunali actorem non eſſe eum , qui quen
quã detulit aut accuſauit, ſed Fiſcalem . Is
recipit in ſe accuſationes & actorem agen
tis qui accuſarat , loco teſtis inferuit , ſæpe
etiam ſolus. Eius rei ſicut aliarum omniũ,
non eſt quod vllum præter eorum ipſorum
teſtimonium adferamus : ſuper eſt vt
qui ius iudicet qua lege aut
iure id fiat.

CONFVTATIONES TESTIVM.

Tertio aut quarto
poſt hæc die, iube
tur ſiſti reus ad di
cta teſtiũ reſponſu
rus. Adeſt etiã ſuus
aduocatus . Haud
eſt hîc prætermittẽ
dum, quòd cùm in
rectis iudicijs aduocati officium ſit, vnà cũ
ſuo reo , quem defendit, dicta teſtium ani
maduertere diligenter, ex eiſq; de præci
puiſ reſponſionis ſuæ capitibus ipſum ſe
riò commonere , ac in primis reſponſionẽ
ipſã induſtria ſua cõficere, eoq; ordine diſ
ponere quo illius cauſa commodius adiu

35 INQUISITIONIS HISPANICAE
uari possit, (ecquod erit aduocati officium
nisi hoc sit?) relinquunt miserum vinctum,
vt ipse prout possit, respōsionē solus mo-
liatur, nullius præterquam solius Dei ope
adiutus. Si quæras quī peruertat hac etiā
in parte sanctum tribunal eum morem,
qui haud dubiè ex ipso naturæ iure fuit?
Habent quod respondeant aliud nihil, nisi
sanctum hoc tribunal non esse vt alia tri-
bunalia: & re vera ita est: neq3 enim ipsius
artes alicuius forent momenti, si reis quī
in eo sistuntur, libera ac integra maneret
ea defensionis suæ ratio, quā illis iura om-
nia permittunt. Atqui posteaquam vin-
ctus pro vt potuit, respondit, tum demum,
oportunè scilicet, adest illi suus aduocatus.
Is coram ipsis Inquisitoribus, tam circū-
spectè atq3 ipse nouit rem magni periculi
agressuro esse opus, ne ipse quoq3 in Inqui-
sitorios laqueos minus cautus fortè inci-
dat, indicat suo vincto quibus testimonijs
prematur vehementius, quæ grauamina
aduersus eum comprobentur, qui testium
sint cōtestes, qui secūs? vnumq3 remedium
superesse, videlicet vt ipse solerter diuinet,
à quonam sit percussus, vt, si fierit possit,
aduersus eū exceptiones meditetur. Néq3

hic oportet aduocatum, vltra id quod iam
vincto ipsi ex eisdem depositionibus à se
per otium inspectis innotuit, multa garri-
re, quibus fortasse vinctus, veluti pet trā-
sennam, alicuius rei commonefiat: tantū
eū monet, vt per dies aliquot (vt is cui otīū
abundē suppetat) conetur in memoriam
reuocare, quibuscū forte habuerit ini-
micitias, fieri posse, vt ex suis inimicis quis-
piam sit, qui eum detulerit. Nāmq; si de
inimicitia constare possit per legitimam
quæstionē, hæc vna exceptio à dicēdis testi-
monijs quodcūq; genus hominū in eo tribu-
nali arceat. Monet etiam inficiari se posse
testimonia, cum inter se non fuerint satis
constantia, aut fuerint (vt dictum est) ini-
micorum, si compluribus testibus probet
contrarium eius, quod illi obiectum est, in
frequenti vsu ac exercitio sibi potius fuisse,
ac sæpe obstitisse ei negotio de quo est ac-
cusatus. Videlicet hoc est summum auxi-
lium quod ab aduocato suo expectare vin-
ctus potest, atq; sic iubetur in suum carce-
rem remitti, obtestante prius ex more suo
Inquisitore, vt verum exponat: adhibitis
etiam minis pauló inuerecundius, nisi ma-
turè obtemperet, ex iure fore ab eo expri-

mendum: quibus verbis haud obscurū exanimis sœuerioris omen reus accipit.

Elapsis igitur tribus aut quatuor diebus ad reuocandum in memoriam, aut ad diuinandum potius reo concessis, vocatū in audientiam interrogant, an meminerit rei alicuius, quam exponat? Indicante eo de nouo quidpiam vel nō indicante, aduocatus ab eo quærit, an de testibus aut delatoribus quippiam diuinârit? Hic vinctus, si alicuius rei hac in parte meminit, eam exponit, petens vt videant, an forte delatores sui fuerint illi aut illi, quibuscum sibi olim inimicitia intercesserunt, interceduntue eo tempore. Si non exactè diuinauit, perit tūm responsio tūm trium aut quatuor dierum labor diuinandi, ipsiusq; accusatio manet inconuulsa. At si rectè illū diuinare contigerit, aduocatus ab ipso petens quibus exceptionibus aduersus eos quos nominauit, possit agere, haud apertè satis ei significat, se rectè diuinasse, quando neque apertius ei licet. Exceptionibus itaq; expositis, ac nominatis à reo testibus, quibus eas comprobet, aduocatus veluti in liberiore iam arena versans, suscipit earum quæstionum habendarū curam. Solet etiā

pete-

petere à reo aduocatus, an ad se exactè purgandum probare possit, amicum ac familiarem fuisse monachis, præcepta ac ceremonias Ecclesiæ Romanæ diligenter obseruasse: Confessione auriculari ac comunione, hoc est participatione panis Missatici frequenter esse vsum, Item imagines & cruces, quoties datæ sint obuiam, prosequutū fuisse ea veneratione, quæ Luteranæ hæresis suspicionem remouere ab eo possit. Breuiter, an in vniuersum probare possit contrarium de se eius, de quo est accusatus. Quod si ad hæc omnia probanda sese offert, Inquisitor solenni iuris actione pronūtiat se cum admittere ad hæc intra nouem dierum spatium comprobanda, cuius rei cura, nominatis ab ipso reo testibus (vt paulo ante diximus) aduocato in totū cedit. Beneficium hoc sese purgandi haud conceditur omnibus, sed ijs tantum, de quorum criminationibus conformia ac sibi vndiq3 constantia testimonia nō fuerint. Iis enim de quorum delationi testimonia sunt conformia, nullum in his purgationibus præsidium patet, tantum admittuntur ad eas in teste exceptiones de quibus supra.

Quum ad hunc rerum suarum statum reus devenierit, persuadeat sibi oportet, Deum ad explorationem puti puri, fideiq3 suæ illum perduxisse. Etenim si ad præsens periculum corporis effugiendum in animū induxerit in eius generis purgationibus præfidiū quærere, fieri fortassis poterit, ut quod ad Romanæ Ecclesiæ subiectionem, eiusq3 idololatrias attinet, apud sanctum hoc tribunal perpurgatus maneat: verum pro comperto habeat, apud illud Dei tribunal creaturis omnibus reuerendum, atq3 in veræ suæ Ecclesiæ iudicio, sæcus fore. Itaq3 operæpretium erit ut eiusmodi vinc-tus etiam atq3 etiam videat quod agat, & animum suum atq3 suæ captiuitatis causas hoc in loco perquam diligenter explo-ret perpendatq3. Si enim Dei gloria & ve-ritatis ipsius ingenua confessio captiuita-tis suæ causæ sunt, dùm abiurato Christo & sanguine testamenti cōculcato atq3 ab-negata ea veritatis luce, ad cuius commu-nicationem Deus ex ignorantia & peccati tenebris cum transtulerat, maledictis ac dānatis istis rationibus sæuitiam hominū vitare velit, effugiet fortassis (ut diximus) impendens tormentū, recuperata etiā ho-minum

minū gratia : at vero pro certo sciat nequaquam euasurū se acerrimū Dei iudicium, cuius veritati renuntiauit, quiq3 occiso corpore potestatem deinde habet animum in perpetuas & omni solatio vacuas tenebras detrudēdi. Verūm si aliquis pro gloria Dei proq3 salute sua zelus in eo est reliquus, ac Redēptoris sui authoritas apud eum aliquis est momēti, dicentis, Qui me abnegauerit corā hominibus abnegabo & ego ipsū coram patre meo cælesti: eum verò qui me falsus fuerit corā hominibus, fatebor & ego ipsum corā Patre meo cælesti & ipsius angelis &c. ab ea vna authoritate veluti à sacra ac firma anchora in ea hora totus pendebit & tēporariæ salutis medijs omnibus à suo aduocato ipsiq3 iudicibus hīc sibi oblatis ex animo atq3 ex ore, abdicatis (vt pote quibus citrà iniuriā creatoris sui & animæ suæ certū exitiū assentiri nō possit) exhibebit perspicuā ac dilucidā fidei suæ cōfessionē, millies se beatū arbitrās, quē in eū tēporis articulum deus deduxerit, quo pro nomine Seruatoris sui Iesu nō nihil afflictionū pati possit, terreno suo domicilio, idest corpore infirmo ac caduco, pro adeò fœlici ac illustri causa in gloriā cōditoris sui & Ecclesiæ suæ ædificationē disrupto dissectoq3.

Ista enim maledicta salutis media quæ à Sancto illo totius iniquitatis tribunali in hac audientia reis, ex misericordia scilicet crocodillea offerri solēt, nequaquam eo cōsilio hic à nobis referuntur, vt per ea salutis suæ pij consulant, quin potius vt ea nouerint, atq; execrentur? & vniuerso orbi innotescat, quomodo Sacrosanctæ Inquisitionis studia, molimina, institutáq; omnia in eum modò scopum collimentur, ad deiiciendum videlicet in æternum & corporis & animæ interitum, eum quem inter sæuas & sanguine filiorum Dei perpetuò maddentes manus acceperint, si quidē diuinæ luci renuntiauerit: sin secus, corporis tantum, in quod solū, in ijs qui seriò Deum timeant, sæuiendi potestas illis est concessa. Vincitò post hæc in suo ergastulo per menses aliquot pro arbitrio patrum quiescere permisso, eum ad agonem rursus vocāt, cui Inquisitor primum dicit, testes quos in suā purgationem nominauerit, iam esse auditos, videat proindè habeat nè adhuc quicquam quod pro se dicat, an velit porrò iā concludere. Adhibet deinde importunam illam suam adhortationem, vt verum dicat, eis enim nunquam fuerit satis dictum.

Vinctus ad hæc respondet, prout rerum suarum status consulit. Multi adhuc solent iterum atq; iterum interrogari, responsionum iam ab ipsis exhibitarum verbis singulis, argutissimis cauillatoribus argumenta sine fine suppeditantibus. Reo porrò concludente, Fiscalis quoq; concludit: atq; ipsi postea Inquisitores cum suis consultoribus atq; assessoribus quum libet, & quomodo libet, sententiam ferunt, theologis, monachis, & clericis, quicquid ad doctrinam & fidem spectans reus dixerit, prius expendentibus, ac ad suam ipsorum censuram reuocantibus. Qualificationem doctrinæ id vocant. Ibi, si abundè probauit reus sua illa purgatione, nihil sibi commercij vnquam fuisse cum Christi Euangelio, (quas commutatis prorsus genuinis rerum nomenclaturis Lutheranas hæreses vocant) aut eum ex integro absoluunt, aut, quod frequentius accidit, iudicium aut mitigant, aut aggrauant pro ratione eius suspicionis, quam reus in eorum animis reliquit, eo tamen semper obseruato, ne ex ipsorum manibus quisquam euadat, & si pari cum eis impietate certauerit, qui immortalibus ac imperpetuum indelebilibus in cute residenti-

bus

63 INQUISITIONIS HISPANICÆ
bus vibicibus non testetur, in sanctæ Inqui-
sitionis vnguibus plusquam leoninis se fu-
isse aliquando. Vestigia vnguium sunt bo-
norum proscriptiones in fiscum, perpetui
aut temporanei carceres, vestis lutea ru-
bra cruce insignita, Sambenitus vulgo di-
ctus, perpetua demùm ad omnem poste-
ritatem infamia, quam nulla ætas tempus-
uè abolere possit: de quibus infra suo loco.
Si vero reus in constanti fidei confessione
permanerit, aut constanter inficiatus fue-
rit dicta testiū cōstantia aduersus se, in quo
tamen nō exceperit, torturis adiudi-
catur, de quibus iam dicemus.

SENTENTIA AD TORTV-
RAM ET EIUS EXEQUVTIO.



Vra quidem & pene
miserrima ab initio se-
per fuit (lector huma-
nissime) piorum (mo-
do cum impiorum, in
hac uita prosperitate
cōparetur), conditio,
deoque rem gratā (iux-

Christi apud Iohannem uerba) se præstare arbi-
trantur, qui eos quauis fere de causa interfecerint
nouosq;

nouosq; quotidie illos irretiendi laqueos machinan-
 tur, quod aliqua ex parte prius satis conprobauimus.
 Et quanquam quæ hætenus narrauerimus, eiusmodi sint tum iniquitatis tum fraudis,
 ut ingenuis atque iure, ratione & æquitate regi cupi-
 entibus populis intollerabilia merito uideantur, ta-
 men eorum quæ deinceps narraturi sumus compara-
 tione, non modo utcunq; ferri posse, uerum etiam hu-
 manitatis & æquitatis plena apparebunt. Excedunt
 enim omnem barbaricam imò & omnem belluinam feritatem
 neq; ad aliud quantumuis truculentum ingenium ea
 iam quisquam rectè referat, quam ad illud ipsum quod
 ad uiuum referunt & ex quo re uera proficiscuntur
 Diaboli scilicet nihil in humanis rebus neq; in omnibus
 porro, quæ uideri datur, monstruosum hoc ac diaboli-
 cum planè truculentiae exemplum exæquante. Obdure-
 scat ergò, humanitatisq; teneritudinem tantisper de-
 ponat necesse est humanum cor, si quæ sequitur siccis
 oculis audire uelit, dum accedentes propius ad hanc
 truculentiae officinam ubi miseri homines leuissimis sæ-
 pe de causis, quam sæpissimè etiam innocentes excar-
 nificantur, detractò sanctitatis uelo, quod adeò perni-
 ciosè orbi hætenus imposuit, eam, qualis est, spectan-
 dam omnibus proponemus.

Igitur lata sententia, si reus torquendus
 non est, non accersitur amplius, quousq; in die
 theatricæ illius populi (quo in publicum spe-
 ctaculum audituri sententias,

ac è vestigio supplicia quisq; subitur, vinc-
 ti omnes educunt, de quo. infra suo loco)
 cum aliis exit, nisi omni noxa absolutus
 fortè sit, ac innocens declaratus, tum enim
 obseruatur adhuc in ipso carcere vsq; ad bi-
 duum triduūque post illam pompam, vt
 inter reos alios is quoq; exisse vulgo vide-
 atur. Hoc ex sacro etiam artificio fit, ne
 ipsi temerè ac citra sufficientem accusa-
 tionem quenquam comprehendere existi-
 mentur, quemadmodum & ipsi vinc-
 tius inculcare solent, dum eos, vt ea indi-
 cent quæ ipsi cupiant, hortantur. Sancto
 tribunali nullæ in vinc-
 tos suos iniuriæ sunt
 iniuriæ. Ex istis nonnullos, quos certis ac
 occultis de causis fauore prosequi statuerūt,
 biduò aut triduò ante illam pompam libe-
 ros domū remittunt, sparso in eundem fi-
 nē ab eis rumore in vulgus, falsis eos testi-
 bus fuisse accusatos: sed facile deprehendet
 artificium, qui nullum ob id negotij testem
 falsum (*in quos alias seuerissimè animaduerti solet*)
 supplicio affici uidet. Quem verò torqueri de-
 creuerunt, quū ipse minus cogitat, addu-
 ci in audientiam iubent, ibi Inquisitores
 omnes, aut eorum maior pars, sedent pro
 tribunali. adest etiam ouiculæ mox excori-
 andæ

andæ pastor, Prouisor scilicet aut Vicarius, qui ex officio pastorali (vt supra diximus) & sententiæ & torturis ipsis interesse debet.

In hac audientia dicunt reo, causam ipsius vniuersam inspectam ab illis dominis & eorum consultoribus, atq; examinatam esse, qui pro compertoprehenderint, ipsum, veritatem ex integro manifestare noluisse: atq; idcirco eos, decreuisse, vt torturæ quæstionibus cum ipso agatur, quibus veritatem ab inuito exprimant: ob idq; etiam atq; etiam hortari ipsum, vt vltro eam exponat, si velit torturæ non exponi. Hanc denunciationem commitatur horrendæ comminationes, verba tragica, vultus deniq; ad multam seueritatē cōpositio. Referūt illi torturæ genera, quoad possunt, atrocissimè, vt summū illi terrorē incutiāt. Fatente reo quicquam, vel diffitente, ad torturam porrò est eundum. Itaq; accersito arcis custode, iubent, vt in conclaue torturæ, reum ducat. Illud vt plurimum solet esse antrū quoddam subterraneum, ac per obscurū, ad quod multis ostijs prætergressis, (nè eorum, qui ibi torquentur, gemitus, ac mugitus exaudiri alicundè possint) peruenitur. In eo est erectum tribunal, vbi

Inquisitor, & Prouisor, & scriba sedent ad spectaculum anatomiae, eius qui illuc introducitur. Accensis luminibus & ingressis tragediae personis, carnifex qui alios omnes intus iam expectat, inter omnes alios est spectaculo & contemplatione dignus. Is totus est coopertus nigra veste ex lino ad pedes longa astricta, vndiq3 adhærente corpori in earum morem, quibus uti solent ij qui ob superstitionem die Iouis magni seu sancti, sese flagris cædunt in compluribus, aut ferè omnibus, papatus locis. Caput habet velatum ob lōgo nigroq3 caperone quo faciem totam contegit, relictis duobus modò paruulis ad visum fenestellis. Hæc omnia cōtendunt vt maiore terrore concutiatur animo ac corpore misellus, hac imprimis diaboli alicuius imagine, cuius manibus torqueri debet. O sanctas artes. Dominis igitur pro tribunali sedentibus, nouis adhortationibus vinctus moneri incipit, veritatē vltrò vt exponat, sin minus, si in tortura (id quod multis euenire solet) brachio, aut mēbro quopiam fuerit fractus, vel etiā obierit, (neq3 enim mirius agere decreuerunt) sibi fore imputandum. Hac vna cōmonefactione lberij

iā sunt ac tuti in cōscientia corā Deo & hominibus, suo iudicio sancti patres, infōtesque ab omni dāno, quod patiēti in tortura obtigerit, etsi in ea moriatur, vel innocēs & ab ōni culpa immunis. Inter acres tū cōminationes tū obiurgationes, exui eū suis vestibus iubēt, etiā si mulier sit, vel virgo quæ piā honestissima ac pudicissima, cuiusmodi, cōplures habere solēt in ea carnificina, quibꝫ cōspici nudas corā ipsis, vel illis ipsis tormētis durius præ pudore tormentū fuit. Si quidem impij isti nullo vel humanitatis habito respectu, uel etiā vllius honestatis (etsi ob aliud nihil foret quā obtētu barbarū suarū & ob longarū vestiū, ac nominis sanctimoniz quod præ se ferunt, quando neqꝫ Deo neqꝫ piarū matronarū & virginū honestati quicquā ex summa sua illa barbarie deferendū putāt) expoliari eas faciunt ad ipsas vsqꝫ interulas, quibus postea sublatis (sit verbo venia) ad pudēda vsqꝫ, stricta linea femoralia illis induūt, denudant deinde brachia vsqꝫ ad humeros, ac si quibꝫ excarnificaturi eas sūt, torture, nō possēt camisiā penetrare, vel femoralibus quā cāmisia ipsa, melius quæ nudari dispudet, forent occultanda. Hic ostēdunt illā inanem voluptatē, quā

ex illo fœdo spectaculo percipiunt immū-
 di ac impuri cælibes, scilicet amittere se
 nolle, & sit tanto & dolore & pudore piarū
 fœminarum, quæ ibi torquentur, illis con-
 stet. Neq; hic deerat cur audita cognitaq;
 istac immani impudentia dominorum
 istorum patrum fidei ab vniuerso populo
 tam papistarum quam non papistarum, vt
 commune quoddam pestiferum malum to-
 to orbe exterminarentur, quorum aut vxo-
 res aut filiæ, quarum honestas atq; pudici-
 tia esse illis debet magnopere commenda-
 ta, in illorum, vndiq; impuras manus aut
 deueniunt, aut iam sunt, aut deueniēt for-
 tasse aliquādo probrosā eiusmodi cōtumeli-
 am accepturæ. Atqui vt ad institutū redea-
 mus, exuto vestibibus suis vincto, viro aut fœ-
 mina, vnusq; perparuis femoralibus pu-
 denda contecto, innuunt carnifici, quo ge-
 nere torturæ in miserum, vti debeat: nanq;
 vel in istud quoq; est illis certa ars, certo-
 rum cū signorum tum verborum, & cer-
 monis peculiari genere, quibus & iudices
 & carnifices cæteri; eius maledictæ offi-
 næ ministri se inuicem intelligunt. Tortu-
 ræ genera quibus patres fidei edocere fidē
 suam consueuerunt, sunt complures, neq;

omnia

Omnia vincit vnus nosse potest. Vsitatio-
 verò sunt, Garruchæ seu trochelæ, neruo-
 rum & aquæ, ignisq3, de quibus singulis suo
 loco. Hic rursus nouis commonefactioni-
 bus ac obtestationibus vincitum admonet,
 vt & de se & de alijs sibi notis indicet, quod
 nouerit: atq3 has inter obtestationes, quem
 garruchæ tormēto destinārūt, eius manus à
 tergo reuinciunt certo orbium numero, ad
 octo videlicet aut decem, ex iussu ipsius In-
 quisitoris singulis vicibus carnifice cordam
 circum manus fortiter obducente; nè nihil
 non videatur iubente iure ipso ac seruata
 omni æquitate fieri. Hanc primam ad tor-
 turam vinctiōem nouæ obtestationes ex-
 cipiunt, secundum quas, vltra prædictum
 colligationem manuum, obligantur illi si-
 mul pollices alia corda tenuiore, idq3 acri-
 ter. Deinde duas hasce cordas manuum
 scilicet & pollicum ad camelum quendam
 ibi ex Garrucha aut trochlea pendentem
 alligant. Immituntur deinde pedibus præ-
 graues compedes, si vincit eas non ad-
 fert, ijsque addunt ferri massam quandam-
 25. pondo prima vice, quæ a compedibus
 inter ipsos pendeat pedes. Vincto in hunc
 modū adornato adhortationes ac obtesta-

tiones repetuntur, atq; inter has cantio-
 nes carnificis opera incipit in altū sustolli,
 scribæ & Inquisitoris obtestationibus car-
 nificis operā commitantibus. Capite ipsā
 trochleam contingente vincto, eum rursus
 monent, vt indicet &c. illico inde depo-
 nendus, si obtemperet: sin minus, tantis-
 per ibi futurum donec exponat quod ab eo
 petitur. Postquam verò diutius sic pe-
 pendit nihil fassus, iubent eum infernè depo-
 ni, addiq; ad pedes priori ponderi libras
 totidem, sicq; rursus in sublimè attolli cō-
 minantes ibidem moriturum, nisi appe-
 riat quod ipsi scire ab eo cupiunt, præci-
 pientesq; carnifici, vt eum diu in aerem
 detineat pensilem, vt gravitate ponderis
 à pedibus pendentis membra omnia atq;
 artus vltra modum distendantur. Inter eos
 clamores ac gemitus, quos ex vehemen-
 ti omnium membròrum cruciatu vinctus
 edit, ipsi quoq; vicissim vociferantur, vt
 veritatem prodat. alioqui fore vt indè præ-
 ceptum detur. Neq; deest comminationi fa-
 ctum, ipso enim constanter perseuerante,
 præcipiunt carnifici vt remisso fune eum
 indè præcipitet, atq; in medio aere repen-
 te rursus retēto fune prohibeat casum, quo
 facto

facto iuncturæ omnes patientis, cum brachiorum tum crurum, ingentibus cum doloribus, auulsis à se inuicem membris, dissoluuntur, pedum pondere ex repentina casus prohibitione, vehemētius atq; acrius totum corpus distendente.

Neq; hîc cessatur. Nouis enim & adhortationibus & comminationibus, nisi pareat, pondus à pedibus tertio augetur, ac semimortuo in sublime ferri iussu, doloribus addūt contumelias, vocitantes canem, hæreticum, qui veritatem tanta pertinacia occultet, atq; demum ibi moriturum. Quùm verò vinctus in medijs doloribus Christum inclamat, qui opem tam immaniter pro se torto ac planè moribundo ferat (vt omnes, qui pro ipsius veritate torquentur, sanè agunt) sannis ac scomatibus eum deridentes, Iesu Christe Iesù Christe, (inquiunt) sine nunc Iesum Christum, & veritatem patefac. Qualem inclamationem Christi edis? facere quod petimus. Enimuero apparet, quam sint eiusmodi blasphemix illarum affines: Eliam iste inclamat: Deo fidit, eripiat eum nunc, si velit, dicit enim se gnatum Dei esse.

Hic sanè haud desinunt patres fidei perspicuum testimonium edere, Christum ipsum esse, cui in hac controuersia bellum interât, cuius nomen ab ijs qui propter ipsum patiuntur, inclamatum, adeò odiosum, molestum, deniq3 auditu intollerabile illis sit.

Si quando patiens se indè petit deponi indicaturus quicquam, indicetq3 nō nihil, eo facto torturam ipse sibi adauget, tū enim incipere depromere existimatur: quare eo dicendi finem faciente adhortationum, comminationum, & torturæ demum ipsius initia & ipsi repetunt, in sublime rursus ferri præcipientes ac secundo indè dari præcipitem, modo superius dicto. Tortura hæc vt plurimum protrahitur ab hora diei nona ante meridiem, ad duodecimam, aut à meridie primam. Quùm verò finem facere libet patribus, carnificem ipsum simulatè interrogant, habeat nè ibi parata aliarum torturarum instrumenta? vt ex præteritis tormentis semimortuo nouum terrorem addant. Carnifice se ea non attulisse respondente, iubent ei vt insequentem diem ea paret, curétq3 ne nihil desit. Videamus (inquiunt) an ab isto poterimus veritatem extorquere. Vincitū

vero ipsum toto corpore confractū, sic dis-
cessuri consolantur, scilicet his verbis, Sa-
tis nunc. Ab hac tamen hora ad lucem
crastinam videto vt in memoriam renoces
quod indicaturus es, alioqui in ipsa tortu-
ra moriere. Neq; quod ferendum tibi su-
perest, ei quod haecenus tulisti, simile esse
existimaueris. Itaq; egressis illis, carni-
fex brachiorum & crurū iuncturas (quoad
potest) misero compingit, indutumq; suis
vestibus in ergastulum suum reducunt, aut
portant potius pedibus nullo modo consi-
stere valentem, saepe etiam ex cruribus aut
brachijs trahunt inhumaniter fatis. Hic
etiam custos carceris vt humanitatis legi-
bus sola ceremonia rei aut facti vacua sa-
tisfaciat, vincto dicit, accersendum fore
medicum, si sit opus.

Quem torquere amplius nolunt, bi-
duo aut triduo post ad audientiam vocāt,
eumq; è suo ergastulo ad audientiam itu-
rū, ante ostium conclauis vbi torturae fiunt,
trāsire faciunt, vbi carnifex se videndum
in illa, quam diximus, diaboli persona cō-
sulto exhibet, vt vel in ipso transitu prae-
rita tormenta ex illius visu cogatur vinctus
delibare. Audientiam ingressus inquisi-

74 INQUISITIONIS HISPANICÆ
torem & Prouisorem & scribam in eorum
tribunali iam sedentes videt, qui veteri-
bus adhortationibus & obtestationibus
suo more ei suadent, vt verum dicat, quod
si neq; hac vice quicquam extorserint, iu-
bent eum in suum carcerem remitti. Si ve-
ro aliquid tum indicat, vrgetur pressius,
atq; eiusmodi esse potest quod indicauerit,
vt ad torturam inde deduci iubeant, ab eo
amplius extorqueri posse existimantes.

Quem verò torquere amplius consti-
tuerunt, tertio die quum iuncturarum dol-
lor est vehementissimus, ad audientiam
vocant, ibiq; & obtestationes & atroces
minæ renouātur, vt scilicet hæreses reuelet,
eos etiam quibuscum eis de rebus aliquan-
do egit, eos item, quos nouit eius esse sen-
tentia: sin minus, and torturas se accingat
in quibus si quid incōmodi in corpore ac-
ceperit, moriaturuè, sua culpa id futurum.
Quod si constanter adhuc in sententia per-
seuerat, per carceris custodem ad torturam
reduci iubent, vbi sedentes, vt supra dictum
est, pro tribunali vincum suis vestibus e-
xutum, eādē nonnunquā torturæ ratione,
qua prius, illum exercent, aucta nihilo-
minus hoc modo. Pendente ex manibus a
tergo

tergo reuinctis, è trochlea reò, vt supra diximus, tenuibus, sed fortibus cordis, vtrūq; femur simul circumligant, deinde pari ratione crura ad medias tibias, tum ligno quodam singulis inserto cordis inter ipsa crura eas pro arbitrio adstringunt adeò acriter, vt cordis in ipsa patientis carne abditis, nouus isq; vehementissimus cruciatus misero addatur. Exigit in hac tortura vinctus tres aut quatuor horas pro Inquisitorum arbitrato, quæstionibus, obtestationibus, probris & fannis interea non cessantibus.

Quum uidetur, alios hac uice aliud torture genus experiri cogunt, quod, etsi alijs tribunalibus in scelestos homines sit quoq; usitatum, tamen, singulari addita sæuitia, sanctum tribunal merito sibi proprium fecit. Illud Burri seu aselli uulgò uocant, nos aque & neruorum supra appellauimus. Apparatur verò in hunc modum. Est scamnum ex solido ligno, superiori tamen parte excauatum in canalis formam, adeò vt iacentis in dorsum hominis sit capax. Ea pars quæ dorsum excipit, baculum quendam teretem transuersum habet, qui iacentis dorsum recipiens canalem ipsum contingere non sinit,

nè qui ibi est torquendus ullam vel in Bur-
 ro requiem habere possit. Scamnum verò
 ipsum sic est loco suo adaptatum, vt ei, qui
 in illo torquendus imponitur, capite sint
 pedes altiores. Imposito in eo loculo in
 hunc modum torquendo, fœmorum, cru-
 rum ac brachiorum mediæ fistulæ seu can-
 næ duris sed tenuioribus obligantur neruis,
 quos postea palis intercertis paulatim cō-
 stringunt, quousq; nerui ipsi in patientis
 carne abditæ, & ossa ipsa fere attingant, &
 aspicientis conspectum omninò effugiant.
 Additur præterea tenuissimum quoddam
 ex lino velum, quod super iacentis os extē-
 sum nares quoq; obturat, vt ore aquam ex-
 cipiente, respirationem per nares cohibe-
 at. Deinde instillatur in os per velum aqua
 ad certam mensuram, pro iudicum arbi-
 trario, quæ non guttatim sed ad fili modum
 in iacentis os ex sublimi decidens, tenuissi-
 mum velum facilè in imum guttur secum
 trahit. Dicas hîc miserum hominem mo-
 ribundū in eo esse agone in quo extremos
 spiritus mox exhalaturi, esse solent. nisiq;
 huic respirationis præsidium nemo prohi-
 bet, illi nullus est respirandi locus, os aqua,
 venares velo impediante. Quùm verò ex imò

gut-

gutturē velum extrahitur (id verò sæpè fit vt ad quæstiones respōdeat tortus) aqua & cruore madidum, viscera misero conuellī dixeris: atq; hoc modo exigit in tortura patiens quantum temporis ipsi volunt, atrociora semper illi comminantes quàm sit perpeffus, ac demum in ergastulum reduci-
tur.

Si in tormentis adhuc progredi patri-
bus libet (fieri enim omnia ex libito neces-
est, vbi iuri & æquitati nullus est reliquus
locus) mense vno aut altero tardius aut ci-
tius, pro vt videtur, torturæ acrius remis-
siusue iterantur, alijs semel tantum, alijs
bis, ter, quater, quinquies, sexies, ad tor-
turam reuocatis. Torqueri alij solent alio,
& huic tribunali peculiari, torturæ genere,
quod ignis vocant, breuiore quidem de-
scriptione, at cruciatibus & doloribus nō
item. Adferri iubent prægrande quod-
dam prunarium ferreum ignitis plenū car-
bonibus, ad quod admoueri faciunt tor-
quendi hominis pedum plantas larido pe-
runctas, vt ignis calor penitius possit pe-
netrare.

Quando omnia iam crudelitatis instru-
menta sancti tribunalis & acuerunt & he-
beta-

betarunt, neq̃z a vinculo quicquā amplius
 extorquendi est vlla spes, sinunt eum ad
 modicum temporis conuiescere. Postea
 in audientiam vocatum interrogant, in-
 quirunt, & requirunt nouo interrogandi
 ordine ac modo, verbis singulis eorum quæ
 antea dixerit, materiam cauillandi suppe-
 ditantibus. Quæstiones istæ eo artificio so-
 lent esse compositz (quoniam in hisce unis re-
 siduum uidetur esse Inquisitoriz spei, ac proinde sum-
 mo sunt conflatz artificio) vt concessa altera, &
 alterâ cōcedere inficiariq̃ oppositâ necesse
 sit. Patres enim fidei sunt dialectici mirabi-
 les & argutissimi sophistæ in sua arte ac fa-
 cultate, neq̃z ingenio in ea palæstra exer-
 citatissimo studium deest, quo indefesso
 & pertinaci labore eas quæstiones cudunt,
 quas non conceptas modō mente, verū
 etiam, ne quid excidat, interrogaturi per
 eas vinculum, scripto adferunt, habentq̃
 præ oculis. Itaq̃z si interrogatus attentis-
 simè cauendi studium nonnihil remiserit,
 impossibile est in eorum laqueos non in-
 cidere. Præsidium hīc fuerit vnicum, eo-
 rum quæ apud eos antea deposuerit ex-
 acta ac recens memoria: frustra enim pe-
 tet sibi ea legi, quoniam aut non legent.

aut si legent, summa perfidia. Quod si memoria non satis fidit, ad ea quæ antea dixerit, referre se obturatis oculis respondeat, neq; in disputationem cum eis se trahi sinat. Quod si ex illis ipsis quæ antea fassus est, alia, quæ aut ignorauit prorsus, aut certe non dixit, sua illa dialectica illi deduxerint, etiam atq; etiam videat, quo pacto sibi fuerit respondendum, vt neq; nouum sibi induat laqueum, neq; prodat impiè Dei veritatem. Tutius demum erit rotundo hoc responso fila omnia illis præcidere, se videlicet neq; disputandi artes didicisse, neq; in disputationibus argutioribus fuisse exercitatum. Adeo sunt in ijs disputationibus & quæstionibus mirabiles artifices, captiosi, ac simul molesti atq; improbi, vt haud semel accadat hac vna ratione extorquere eos, quod nullis torturis aut cruciatibus potuerunt.

Comprehenderant Hispali ob religionem piàm quandam matronam, quam, combusto marito viro pijsimo, paulo antè viduam fecerant. Verùm quia quod illa fassa fuerat vel in ipsis torturis, quas acerbissimas ab eis tulit, nō erat satis, vt ob id,

80. INQ. VISITATIONIS HISPANICAE
iuxta illorum placita, aut combureretur,
aut porrò spoliaretur bonis: si vero fatere-
tur, se non ignorasse, Ecclesiam Romanam
contrarium illius, quod asseruerat ipsa, de-
creuisse, id vnum satis foret ad illam eis bo-
nis exuendam quæ ad uiduitatē suam, neq;
citra paupertatem transigendam, sibi erāt
reliqua, in hac porrò audientia cauillarum
eiusmodi improbitate potius expugna-
tam quam circumuentā, ad illud fatendum
demum adegerūt. Quum enim videret, tā-
tæ oportunitatis nullum alioqui finē fore,
Sciebam (inquit) Romanam Ecclesiam
ita statuisse, sic ergo scribite & me demum
missā facite, deq; me & rebus meis prout
libuerit iā cōstituite. Illi ad lætum hoc res-
ponsum muti, eodem modo scribunt, neq;
enim aliud inquirebant. Quod vero res ita
habeat aut nō habeat, quid ad ipsos,
modò vincētus illud fateatur, &
ipsis cedant spolia vnde-
cūq; & qualiacūq;
ea fuerint?

ARTES ALIQUOT DETECTAE, 81
ALIAE ARTES INQVIRENDI
ET OPPVGNANDI VINCTOS,
VTEA FATEANTVR, QVAE IN-
QVISITORES SCIRE EXPEDIT.



Orturarum violē-
tia & sophisticis at
que argutis artibus
modo dictis, victo-
rum pertinatia &
calliditate frustra-
tis, vt ipsi putant,
ad alias potiores
artes ac fila Patres conuertuntur, in qui-
bus qui præcellit, dexteriusq; versatur stre-
nuissimus, ac proinde supremo loco di-
gnus in sancto officio haberi solet. Cum eo,
quem circumuenire statuerunt spe violen-
tiæ (vt modò diximus) frustrata, ostendunt
se lenes, misericordes, charitate plenos,
qui eius calamitate & afflictione quàm te-
nerrimè tangantur. Plorant cum eo, obse-
crantur, consolantur, consulunt, finguntq;
arcanum quoddam consilium, quo ex ea
calamitate emergat, sibi dare, quod nisi pa-
renti, fratriue aut deniq; coniunctissimo
amico daturi esset minimè, & id genus alia

complura. Hac arte frequentius vti solent cum eis, quos simplices minúsque callidos animaduertunt, sed cum foeminis imprimis quæ, vt plurimum, tanta haud polent astutia, quanta ad deprehendendum crocodili lachrimas esset opus. Igitur victus quàm tanta humanitate se prosequi Inquisitorem viderit, pro indubitato habeat maiore tû visus acie, perspicaciorèque iudicio sibi esse opus, vt quò tendant istæ fictæ blanditiæ, tempestiuè possit deprehendere, certus meras esse nugas atque assètationes, sub quibus lateât captiosi laquei, cibus, muscipulæ. Id exemplis (quâdo tot suppetunt) melius ostendemus.

In illo primò incendio, quod ob religionem Hispali octo aut nouem ab hinc annis fuit excitatû, inter cõplures alios capta fuit pia quædam matrona cum duabus filiabus virginibus & nupta iam ex sorore nepte. His totturas omnis generis constãtia planè virili superantibus, quibus, vt cõfratres in Christo perfidiosè indicarent, ab eis quærebat, & in primis vt alia aliam deferret, dominus Inquisitor nugatoria illa sua pietate vehementer commotus erga miseras illas foeminas, accerſij sibi altera è filia

filiabus ad audientiam iubet. ibi solus cū
 sola orationē consolatoriam opportunam
 sanē neq3 breuem nimis instituit. Ea finita
 puellam in suum carcerem remisit. Hoc
 ipsum iterauit postea per dies aliquot, sin-
 gulis videlicet diebus aduersperascēte iam
 die eam ipsam ad se adduci faciens, ibiq3
 detinens, edocens modò quantopere de
 ipsius afflictionibus doleret, modò alios iu-
 cundos & vrbano sermones intermiscens
 familiariter plus satis. Hæc omnia (vt euē-
 tus ipse docuit) eò tēdebant, vt posteaquā
 puella ouina simplicitate sibi persuaderet
 eum calamitate sua verē atq3 ex paterno
 animo affectum, consulturumq3 vt paren-
 tem quæ è re & salute sua, matris, & sororū,
 foret, in illius fidem se totam conijceret.
 Itaq3 exactis in ea familiari confabulati-
 one diebus aliquot, in quibus iam ipse cum
 ea plorauerat illius calamitatem, ei3 edid-
 derat omnia commiserationis argumen-
 ta, quibus de earum ærūnis se affectum te-
 staretur, atq3 item omnia bonæ voluntatis
 indicia ad eas quoad posset, depellendas:
 quū (inquam) agnouit lupus sagax puel-
 lam iam deceptam, suadere ei incipit vt &
 de se, & de matre & sororibus & amitis, que

nondum erant captæ, indicaret, iureiurâdo ei pollicens vt si bona fide aperiret ipsi quicquid ea de re nosset, initurum se rationem qua omnibus illis malis occurreretur, & ad suas domos eas demùm remissurum. Puella, vt erat simplicissimo ingenio, Patris fidei promissionibus & suasionibus alleccta, incipit sanctum dare cani, & porco exponere margaritas, nonnulla ad piam doctrinam pertinentia, quæ inter se conferre erant solitæ, illi declarans. Accepto fili capite, Inquisitor egressum ipsū ē labyrintho dextre prosequi cœpit, puellam ad audiētiam sæpe vocans vt iuris ordine ea quæ deponeret, exciperentur, illi usq; persuadens eam demùm iustam rationem fore, qua malis omnibus medendum esset. In postrema audientia renouat illi promissiones omnes, quibus antea ei fuerat pollicitus libertatem &c. At quo tempore puella expectabat præstanda promissa, Dominus Inquisitor cum suis asseclis, animaduersa artis virtute, qua, quod tormētis antea non potuissent à puella extorquere, iam ex parte essent assequuti, ad ea exprimenda quæ putabāt superesse, tormentis cum ea rursus agere decernūt, quæ tulit omnium fauissima ad trochleam

scilicet

scilicet & ad Burrum, quousq; veluti in torculari ab ea exprefferunt quas venabantur, tum hæreses scilicet, tum personarum delationes: detulit enim præ ingenti cruciatu puella & matrem & sorores & complures alios, quibus captis & postea tortis, cū puella porro ipsa igni fuerūt tradditi.

Hæc eadē puella edidit postea illustrissimū quendā actum in fidei suæ testimoniū. Is fuit, quod in theatro illo solenni, in quo in publicum spectaculum cum alijs ejusdē fortunæeducta fuerat, audita sua sentētia, in qua damnabatur ad rogum, cum ad locum suum, è loco vbi sisti solet damnatorū quisq; sententiam suam auditoris, reuerteretur, ad amitam suam veniens, à qua institutionem in fide acceperat, pro cuius confessione mox illi erat cundum ad incēdium constantissima tum voce tum facie, demissōq; modeste capite, ingentem se illi habere gratiam dicit pro institutionis suæ beneficio, veniāmq; si qua in re eam offendisset, petit, mortem è vestigio appetitura. Néq; minore constantia amita eam consolatur, hortata vt præsentī ac trāquillo animo sit, siquidem ante perpaucas horas in cœlis cum Christo versaretur, atq; id spe-

Et ante vniuerso populo, audientibus con-
 pluribus, in primis uero ipso sancto tribunali cum
 suis. Amita hæc illa erat foemina quæ furore percita
 Ecclesiam uniuersam biennio ante apud Inquisitores
 detulerat, quæ de re supra. Ea beneficio Dei adepta
 aliquantò sanio rem mentem & ad meliorem frugem
 cōuersa, quatenus per insanie reliquias licebat, Chri-
 stum fassa post diuturna & squalida uincula, tortu-
 ras, flagra publicè accepta, perpetuos demum
 in Christiano illo paludamento pro ipso
 carceres tulit. Iam ad artes.

ALIAE ARTES SECRETIO-

RES.



Insequentium artium
 præcellentia postu-
 lat, nè veluti crassæ
 atq; ignobiles in a-
 liarum aceruo repo-
 nantur, si quidē præ-
 cedentes omnes tã-
 to interuallo supe-
 rant, quanto triuialia alia tribunalia san-
 ctum tribunal. Huius ergo classis prior ea-
 demq; secretior, neq; non sancto officio
 plerisq; alijs utilior est, confessionis sacra-
 mentalis, quam putant, abusus, quod ex
 suis

suis ipsorum canonibus haud leue peccatum est: verum, vt antea sæpe diximus, sancto tribunali omnia licet. Incidente in aduersam valetudinem ex vinctis quopiam, & si non grauitur, petunt ab eo an sacra confessione vti velit: id verò in duos fines: alterum, vt, probet improbè tue sacram confessionem, explorent, alterum, an in ea ipsa confessione persuaderi possit, vt vel de se, vel de alijs non nihil indicet, quo sancto tribunali sit quod agat. Aegroto annuente, mox adest sacrificulus cum scriba, eoque, scriba scilicet, pro ergastuli, vbi egrotus decumbit, foribus clàm relicto, sacrificulus confessionem auspicatur. in qua progressus paululum ægrotum interrogat, tum in genere, tum in specie, lutheranis aliquibus opinionibus sitne imbutus? præcipuè verò circa eum vel eum articulum: contuleritue cum alijs de eisdem ipsis rebus à quo demum, vel quo pacto acceperit, &c. fatetur ingenuè neque vereatur vllam de se perfidiam, facultatem se adferre à dominis Inquisitoribus ab omnibus eum expiandi: exonerat modò suam conscientiam, & cætera quæ in eum finem afferri solent. Si ægrotus assentiatur atque exequi incipiat eiusmodi

consiliū, in nassam haud dubiè incidit. Postea enim quàm sacrificuli prauo consilio acquiescens, quæ ejusmodi nouit, temerè effudit, secundo loco sacrificulus de inijciendo conscientia ipsius laqueo opportunè agit, vt ea omnia apud Scribam deponat: nullus alioqui futurus expiationis suæ locus. Quod si persuadet, accersitur scriba, qui haud longè abest, & res exequutioni mandatur. Si verò ægrotus ei aut non credens, aut fortè parum fidens, ea apud scribā deponere renuerit, haud ob id laqueos euaserit magis, quàm si deposuisset, quæ acta sunt adeò alta voce exprimente atq3 etiam repetente fraudulento confessore, vt facilè eò hominem adduxerit, vt eo prope modum vocis tono illi responderit, Scribæ tendiculis pro foribus attentè omnia auscultatis atq3 scripto excipientis, neq3 cautius obseruatis, neq3 sane veritis. Eis postea rebus eo modo exceptis, hominem aut grauant, aut ex eis certè ediscunt quid ab eo quæstionibus grauioribus sit inquirendum. Manet hîc bonus confessor citra omnem conscientia scrupulum, & absq3 delicti, aut excōmunicationis metu vllò reuelata confessionis, tūm quod nihil se reuelasse

lasse arbitretur, etsi altius fuerit loquutus, quàm confessionis misteria requirant, tum quòd id quod actum est, qualecunq; illud sit, in sancti tribunalis gratiam atq; obsequium sit factum.

Iulianus apostata, vt summæ fidei historiz referunt, bona atq; opes omnes adimebat Christianis, prætextum obducens sacri legio, quòd Christus præceperit suis paupertatē diligere, neq; terrenis opibus acquirendis esse deditos. Insectabatur eos, quanta poterat sæuitia, moxq; ad tolerantiam hortabatur, quoniā sic Christus præcepisset. Hoc magistro aliam è suis artibus didicerunt Patres fidei: ea est, cū aliquē vident Christiana constantia fidem ac pietatem in confratres, quos nouit, defendentem, eum hoc argumento circumueniūt. Tu es, inquiunt, malus Christianus, siquidē vos asseueratis doctrinam Apostolorum, primitiuæq; Ecclesiæ vos insequi: Apostoli verò & martyres illorum temporum, cū coram iudicibus ethnicis sistebātur, interrogabanturq; essentne Christiani, respondebāt, Sumus. De socijs verò eiusdem religionis cū interrogabantur, eos candidè nominabant. Si ergo vos eorum exempla

insequi proficemini, indicare vos ipsos, sociosq; deberetis. Atq; eiusmodi est eorum argumentum. Atqui Iulianus Apostata verum dicit, Christianos terrenis diuitijs cōgerendis deditos, & in afflictionibus incōstantes esse non debere: domini item Inquisitores Christianum hominem ad mundi tribunalia de fide sua interrogatum rationē apertam & perspicuam reddere debere, iure eodē asserunt: verba tamen dant vtriq; cum dicūt illius temporis Christianos eodem pietatis zelo, quo fidei suæ perspicuā edebant confessionem, confratres indicasse Aethnicis iudicibus, illud nunquam permittente charitate. Cæterum in reliquis, Iuliani atq; istorum dominorum impietas eadem esse conuincitur, quando in eundem finem eisdemq; rationibus, id est ad deuastandam Christi Ecclesiam ac eius filios trucidandos per Christianæ Religionis legum irrisionem tendere conantur.

Quidā ex præcipuis, Inquisitor, dicere erat solitus, a quo & alij ex suis socijs cōplures hoc ipsū didicerunt (atq; vt illa ipsa verba sua, si forte hæc legerit, agnoscere isthīc possit, cum notare ex nomine operæ pretiū erit. Ei Ioanni Gonsaluo episcopo
Tar-

Tarraconēſi Hiſpalenſi Inquiſitori erat nomen.) de fidelibus qui ipſius tribunali ob Chriſti confeſſionem ſiſtebantur, verba faciens, prodigio eſſe ſimile vt hæretici illi ſculptum in ipſis cordis penetralibus habeant mandatum illud, Diliges proximum tuum ſicut te ipſum, qui niſi torturis prius excarnificati ac in fruſta pene conciliſocios indicēt nunquā, ac neq; ſic quidē illud ſemper a compluribus ex ipſis aſſequaris. Adeò illuſtria teſtimonia vel à ſuis hoſtib; vera habet Religio. Lex enim Dei quoad vtramq; eius tabulam eſt in verorum Chriſtianorum cordibus exarata, atq; adeò obſignata quemadmodum reuerentia ſua dixit. Extra ipſos hæc legis Dei obſignationis firmitudo nuſquam reperitur omnis carnis legibus hoc ſigillo obſignatis, Primum mihi, Secundum tibi. Ac pudere maximè debebat Chriſtianum videlicet epiſcopum, eius rei habere tam ſupinam ignorantiam, neq; integrum foret, niſi etiā foret cum pari blaſphemia coniunctum.

Is ipſe dominus Epiſcopus (quando in eius mētione incidimus) à regia curia Hiſpalim ad exequēdū Inquiſitoris munus miſſus fuerat, quū præteritis ānis in ea vrbe

repente erupit illa fidelium multitudo, ex qua etiam ad hunc vsq; diem ingentes pyrae statis diebus extruuntur. Qui enim antea ibi fuerant Inquisitores, haud adeò strenui ac solertes atq; iste vnus in Inquisitorijs artibus habebatur, qui posse occurrere tanto grassanti malo, & Romanæ Ecclesiæ ruinæ impendēti existimarētur. Quæ in ipso suspiciebantur dotes ad eiusmodi exequendum munus, testetur ille ipse, testentur qui eum ad id muneris deligerunt, testetur porro quicumq; ipsum norunt, fueritne vel emnens in ipso doctrina, atq; in sacris literis eruditio, solersue atq; exacta notitia tum historiarum Ecclesiasticarum, tum lucubrationum veterum & recentiorum doctorum, quorum auctoritatem meritò Ecclesia veneratur, peritiæue insignis rerum ac doctrinæ fidei, cuius Inquisitores appellari patres volunt, & cuius aut errorum aut veritatum se iudices tam ambiciosè profitentur, aut deniq; fuerit spectata quædam pietas ac sanctimonia (de qua certè adeò sibi blandiuntur, vt illustrem inde ac plausibilem desumant titulū) quibus dotibus inter suos cõmilites esset maximè cõspiciuus: quin potius quòd eos omnis crudelitate, inhumanitate

ARTES ALIQUOT DETECTAE 93
tatè atq; adeo Inquisitorijs artibus omni-
bus præcelleret, pro quibus, & militiæ illius
vacationem, & pinguem episcopatum in exacti
laboris præmium ueteranus miles adeptus esset: atq;
ex eo pingui otio fatale illud Romanæ Ecclesiæ ma-
lum ad pristinam militiam reuocauerat. In ea au-
tè legatione Hispalēsi, quo tempore victo-
rum pro Euangelio habebat plenas priua-
tas domos, publicis carceribus ad tantum
capturæ prouectum minimè sufficientibus,
haud deerat Reuerendæ suæ dominationi
tempus ac otium ad deambulandum ani-
mi gratia per flumen in cimbis purpura &
serico adornatis atq; eo demum apparatu
qui discipulum quempiam Sardanapali
deceret potius, quàm modestū virum, nè di-
cam Episcopum Christianum, mīsis qui-
busdam, sed illiteratis, comitātibus & mul-
to famulitio in non prope distātes hortos,
bona interim populi parte ad spectaculum
concurrente. Et sanè triumphī illi ac læti-
tiæ haud erant intempestiue sibi & suis in
illo rerū statu, qui Ecclesiæ Dei, cuius ipse
truculentus hostis erat, luctu, mœrore ala-
chrimis, atq; afflictione adeò foret plenus.

Igitur ad artes reuertentes, quum pro-
bi isti domini cupiunt de aliquibus ex vin-
ctis

etis indicium certum capere, quos in vno eodemq3 carcere degentes doctrinæ salutaris quippiam ad se inuicem adhortandos, consolandos, in tanta demum calamitate constitutos fide erigendos conferre simul suspicantur, submitunt inter eos Muscam aliquā, (sic enim appellare vincti eum solent,) qui eiusmodi fungitur officio. Is inter eos ab Inquisitoribus fraudulēter cōiectus, vincti nomine callidissimē obseruat quæcunq3 loquuntur. Exactis verò inter eos diebus aliquot, per quos in eorum familiaritatem sese dolosē insinuauit, incipit nonnullos doctrinæ locos leuiter ac veluti extremis digitis attingere, simulans se aut discendi ab alijs cupidum, aut eos demum edocendi, atq3 ea ratione simpliciores quosq3 & ab eiusmodi fraudulentis insidijs minus sibi cauentes facile decipit. Ergo qui harum artium admoniti iam erunt, neq3 citò neq3 facilè illis fiderint, qui in ipsorum consortium ignoti sibi antea conijciuntur. Ac Muscam sanè hoc vno facile agnoscent, deprehendentq3, quod vt plurimū ipse ad eiusmodi colloquia sese ingerit haud à quoquam prouocatus, incipitq3 vel intempestiuè eiusmodi sermones de doctrina

nā excitare: ac tūm quidem prudēter fece-
 rint, si concionari eum siuerint vel ad las-
 situdinem, nullo ab eis responso excipien-
 te contionem. Is cūm quidpiam eius quod
 concupierat ē concaptiuis fortē college-
 rit, custodem carceris vinctos pro more in-
 inuisente orat, vt audientiam sibi dari pe-
 tat, vt moris quoq; est vinctos agere, atq;
 ea demū ratione sibi egressū aperit, neq;
 multō post societatis ipsius fructus, qui in
 carcere manserunt, coguntur experiri. Res
 est profectō admiratione digna, esse homi-
 nes adeō Satánico ingenio præditos, qui
 eiusmodi officijs operam suā vltro locent,
 vel tāto cum suo ipsoꝝ dispēdio, qui vt fiāt
 porrō votis cōpotes, duorū vel triū etiam
 mensiū arctissimū carcerē nō morētur vin-
 cti cum vinctis, atq; molestias illas omnes
 carceris, tum famis, tum sordiū, & pectoris,
 quas vincti inuiti ferre solēt, libēter feren-
 tes: & quod magis miremur, ē vno carcere
 egressi ē vestigio aliū ingrediātur, atq; in
 de tertiū, bis, ter, quater, easdē vsq; molesti-
 as repetituri, ac in eo demū delicjarū orbe
 trāsacturi vitā. Itaq; is cūm ē carcere egre-
 ditur muneris sui rationē redditurus, haud
 indicat modō quod inter vinctos audiuit:
 Verū quo vultu vincti exceperint quæ

diantes ac prædictis artibus circunuenientes quos in populo hæresis Lutherana, hoc est piæ doctrinæ suspectos habent, pleræq; etiam ex Muscis istis adeò sublimè volant, ut trajecto mari in externa ac remota regna penetrantes eis insidiantur qui Hispania excedentes ac vltro exules, tutiores alibi sedes delegerunt, adeo scilicet vehementi, tum gloriæ Dei, tum salutis hominum zelo flagrant Patres Inquisitores. Verum ut de his tantum agamus, quæ intra ipsas Hispaniæ vrbes, in quibus Inquisitoria tribunalia erecta sunt, circumuolare consueuerunt, complures ex eis qui à sacris confessionibus sunt, tum clerici, tum monachi, in hoc Muscarum ordine haud infimum tenent locum. Quos si accedat simplicior quisquam, quem Deus sua luce collustrare cæperit, atq; is in confessionis suæ progressu sententiam suam exponat dubius, certusue, edoceri aut confirmari cupiens, non solum extinguere suis tenebris conantur diuinam lucem, quæ in mente illa irradiari cæperat, verum ex ijs alij hominem hortantur, obtestantur, diris etiam comminationibus ei nituntur persuadere ut sanctum tribunal ipsi adeant se ipsos

delaturi, omnem illis benignitatem dominos Inquisitores præstituros pollicentes. Fit demum non semel vt ea ipsa ouis in luporum ora hac ratione sese obtrudat nonnunquam scuitia plane lupina dilanianda. Alij alia arte inhumaniore & sanè ex Inquisitoria officina mutuata, vti solent: percepta incauti hominis, ac eiusmodi perfidiam in sacrosancta cōfessione & à Sacramento in primis viro minimè verentis, opinionis suæ sententia, dissimulant inpræsens, neq; refragantur: monent tum vt in crastinum redeat, futurum enim sibi tum plus otij ad eum peraudiendū, deq; ea re agendum liberalius, quam tunc fit, atq; ita dimidiata, aut malè demum finita confessione, eum mittunt, consilium ipsorum est vt reuerso sequenti die misello, & de negotio eodem extra confessionem cum ipsis fusius agente, liberum eis sit citra reuelatæ confessionis noxam ad Inquisitores illū deferre, neq; consilio deest executio, enomentibus culicem religiosis scilicet viris, camelum verò deglutientibus.

Ex eo fraudulentorum hominum ordine nonnullj adeò vtilem ac frugi operam nauarunt Inquisitoribus, vt & si errore aut

incuria (vt sæpe accidit) aliqua effutierint quæ alijs apud sanctum tribunal ignis supplicium confecissent, eaq; haud multo labore irrefragabiliter aduersus eiusmodi homines comprobari possint, tamen patres Inquisitores ea facile dissimulare, prudenterq; ferre solent, iacturam multo grauiorem ex prouentuum amissione, quos istorum opera recipiunt, se facturos arbitantes, quàm lucrum fuerit, quod combustis illis ex ipsorum spolijs essent percepturi. Ex istis, aliquot suis nominibus notare possemus, & sanè impietatum suarum causa, in hoc genere officij digni fuerint, qui ex nominibus agnoscerētur, vt præsentī atq; futuræ ætati innotescerēt: cæterum parcendum nominibus censemus, summam Dei tum potentiam, tum bonitatem considerantes, quo fortassis illorum olim miserto, ac pœnitentiam salutarem eis concedente (id quod aliquibus iam cōtigisse scimus,) sera atq; inutili pœnitentia tangemur, quòd nostra opera, culpa sua licet, infamis atq; in posterum execranda eorum memoria Ecclesiæ traderetur.

Enimuerò istorum non pauci habuerunt in initio veritatis cognitionem, quin

etiam nonnulli ex ipsis alios eam docuerunt: verum cum primum exortam tempestatem conspexerunt vniuscuiusq; ædificium exploraturam, fabulosone an firmiore, saxo q; niteretur fudamēto, referre pedem tempestiuè decreuerunt. Atqui cum apud complures in suspitione se esse certò scirent, visum est eam notam haud aliter posse elui, quàm si delatores atq; insidiatores fratrum, familiares verò atq; impigri ministri sancti tribunalis profiterentur. Hac demum ratione videtur sibi satis consuluisse rebus suis apud dominos Inquisitores: attamen qualem conscientiam, qualicūque horribilis iudicij Dei eos manentis testimonia intus gerant, ipsi melius norunt. Ist hæc veluti per transfennam hoc in loco profuerit indicasse, vt animaduertant homines, primū, haud re vera esse zelum purificandi fidem atq; extirpandi hæreses, qui dominos Inquisitores ad has lanienas percellit: quemadmodum & præferunt ipsi, & imperitum vulgus de ipsis sibi persuadet, & si demus hæreses re vera esse, in quas tā seuerè animaduertunt. Namq; si ita esset, neq; ijs quidē pepercissent, qui alioqui tanto cum ipsorum lucro, vt modo diximus, sibi

sibi famulantur. Zelus porrò est regij fisci & crumenæ ipsorum: ad superiorem verò causam, quæ eos mouet ad supplicia, mortes, torturas tot innoxiorum hominum, si oculos intenderimus, atq; ad dolos, fraudes, mendacia, perfidias, ac satanica planè stratagemata quibus ea procurant, cæstrum est ipsius Satanae homicidæ filiorum Dei, mendacij ac eiusmodi artium parentis à principio. Quis enim adeò cæcutiat, vt nō videat hanc ipsorum agendi rationem ex alio spiritu progeneratam esse non posse? aut quis erit adeò blasphemus, qui eam spiritui Dei acceptam ferat? Proderit deinde hæc admonitio, vt pij quoq; commonefiant, inspiciant diligenter quibuscū agant, quos ad suam familiaritatem admittant, neq; quibusuis porrò fidant: siquidem si quando alias, in aliquòue negotiorum genere verū habuit quod est apud Hieremiam, omnem videlicet fratrem supplantando supplantaturum &c. hoc imprimis tempore, atq; in his præcipue rebus iure dici potest.

Habent domini inquisitores Stratagemata aliud, quo, & si fortuitò & ad dubiam sanè fortunam suos hamos iniiciant, tamē opimam, vt plurimum, capturā extrahere

102 INQUISITIONIS HISPANICAE
conſueuerunt. Cùm inſignem aliquem vi-
rum cœperint, quem aut complures do-
cuiſſe, aut certè à compluribus doctrinæ
atq3 eruditionis ergò frequentari ſolitum
fuiſſe ſciunt, cuiusmodi fuerit, doctor, con-
cionatorue quiſpiam magni nominis, illis
de more eſt per familiares ſuos, rumores in
vulgus ſpargere, eum virum torturis gra-
uibus affectum plures è ſibi addictis prodi-
diſſe, ſubornatis quoq3 ad eius rei fidem fa-
ciendam ex carceris vicinia nonnullis, qui
aſſerant hominis clamores inter torturas
editos ſe audiuiſſe. Vulgantur hi rumores
ex ſàcto artificio in hunc finem, vt qui eiuf-
modi vincto uſi fuerint doctore, aut quoquo
modo illi fuerint familiares, tempeſtiuè a-
deant ſanctum tribunal fatentes culpam, &
miſericordiam implorâtes, antequam ac-
ceſſantur, aut cõprehendantur. Iam enim
vulgo perſuaſerunt, qui ſeſe prodiderint nō
acceſſiti, aut vocati, multa vlla aut ſaltem
quā leuiſſima (pœnitentiam vulgò vocant)
à ſancto tribunali affici nō ſolere. Hac de-
mum ratione pleriq3 imponunt, qui ſi ab
eis accerſiri expectarent, nunquam fuiſſet
acceſſiti: aut ſi fortè accerſiri contigifſet,
haud ſeuerius cum ipsis actum foret, quàm
cum

ARTES ALIQVOT DETECTAE 10;
cum Inquisitoriam fidē sequutis agi solet.

QVOMODO CVM CAPTIVIS
AGATUR QVO AD VICTVM.



Modus quo vincti,
quo ad victum &
cætera vitæ sub-
sidia, in Inquisito-
rijs carceribus tra-
ctari solent, existi-
mationi quam do-
mini Inquisitores
eiusq; sanctæ officinæ ministri reliqui de
ipsis habent, per omnia respōdet. Vulgo
eorum existimantur canes, hæretici: itaq;
eodem modo agi cum ipsis solet, haud quo
cum suis canibus agūt homines ex quibus
nonnihil aut utilitatis, aut voluptatis ca-
piunt: verū quo homines cum eis ho-
minibus agere consueuerunt, quos in ludi-
brium humanitatis pro canibus ducunt,
canesq; appellant. Neq; hic tractatus ex-
tra locū, oleasue isthīc erit. Inseruiet enim
pijs, primū, vt eos non lateant fratrum
suorum ærumnæ, quibus etiam, pro vt po-
terunt, communicent. Deindē vt quid eos

ferendum maneat, quos Deus in hoc seruat, ut in hoc gloriosissimi obsequij genere, confitendi scilicet coram mundo ipsius nomen, sibi famulentur. Tertiò demum, ut illa sanctorum fidei patrum plus quam barbara seuitia inter alias, quas de ipsis, deq; ipsorum tanto piorum sanguine fædato tribunali conditiones recensemus, toti orbi innotescat. Beatus ille ac re vera foelix Cōstantinus Hispalensis concionator (beatum enim iuxta Solonis sententiam voco, cuius exactam cum laude atq; honore vitā obitus demum foelix excepit) dū in hoc carcere, ut suo loco dicemus, ob Euangelium Christi coniectus, barbariem ipsius experiretur, vel torturarum cruciatibus nūquam delibatis, quæstus calamitatem, ad Deum clamorem sæpe intendens, Mi Domine, (inquebat) deerantne in mundo Scithæ, aut his crudeliores immanioresq; Cannibales in quorum manus, ne in istorum ungues inciderem, me coniecisses? Olmedus alter insignis tū pietate tū eruditione vir, qui ob piam doctrinam, in qua erat insigniter eruditus, in Inquisitorum manus Hispali inciderat atq; illius inhumanitastantū causa quæ vna Constantino quoq;

mortē conciuerat, primū grauitē decūbēs ac inter ipsas sordes & pedorem demum obiit diem, dicere quoq; erat solitus, quacunq; libuerit mi domine me præcipitē trahe, neq; istorum manibus me tradas oro. Namq; modus quo tractari solent qui ibi conijciuntur, is est, vt perpetua quædam tortura quàm carcer dici potius mereatur.

Primò, locum, qui priuatus singulis carcer est, angustia, pedore & si inferne est, humiditate sepulchrum, quàm viuorum carcerem rectius dixeris: si supernè, ob nimium æstiuo tempore calorem fornaci esse per similiorem. In singulis istorū sepulchrorū vt plurimum, (in fœcundis præsertim capturis, cum ergastulorum copia captorū multitudine superatur) bini aut terni vincti cōijci solent, quibus ad somno concedendum iacentibus, præter pedalem fortassis, qui excrementorum cedit matulæ, & frigida cantharo ad extinguendam sitim, nullus amplius superest in sepulchro locus. Quū dies est, præter eam quæ per foramen pōmo arantio minus, oblongamve fenestellam digito non latiore supernè miseros inuisit, liberaliore luce frui non licet. Sunt sanè ampliora aliquāto quædam ergastula,

atque ea haud paruo cōstant, ac tum quidē
ijs modò inferuiūt, de quorū religione nō
habetur existimatio omnino mala. Sunt etiā
prioribus illis angustiora quedam, eaq; horridiora,
ut pote quæ iacentem hominem uix recipiant, unde,
qui ibi conijciūtur, haud exeunt nisi dira tabe semipu-
tridi, quæ omnia conclauium genera iuxta uincto-
rum dignitatem meritumue, sæpius uero iuxta Inqui-
sitoris ipsius, aut custodis demum carceris uel odium
uel amicitiam dispensari consueuerunt. Atq; hæte-
nus de loco.

Victus ratio loci prorsus rationem se-
quitur. Diuites uincti per amplas pensio-
nes Sancto officio soluunt, personæ uincti
ratione habita pro ipsius Sancti officij ar-
bitratu. Ex ea pensione triginta dipondia
(marauedis vulgo vocant, 17. constituunt
bationem Germanicam. octo cum dimi-
dio, Gallicum solidum. 10. Brabanticum
Stuferum) ad singulorum dierum expen-
sas omneis uincto cedunt, quod si lautius
velit helluari, licebit quidem, sed ex suo.
Neq; ea indulgētia cum uinctis cuiuscūq;
cōditionis agi solet, sed cum illis tantū quo-
rum ex asse prædam Inquisitores non spe-
rant, quòd ob leuicula quædam capti sint.
Eos enim quos amissione fortunarum om-
nium

nium damnandos ex ipsa eorum delatione agnouerunt, nequaquam adeò lautè vivere permittūt panē atro & a qua breui, etiā si fuerint ditissimi, eos alentes, neq; extraordinarium aliquem quacunq; in re sumptum facere illis permittentes, certi tantundem ex fiscalis præda decessum iri sibi, quò cum ipsis egerint liberalius. Quos verò ceperint pauperes atq; adeò tenui fortuna, ut quo in carcere sese alant, non suppetat, victum habent à rege ipso constitutum, dimidij scilicet nūmi argentei (dimidjum realem vocant, Germanicam bationem, hoc est, solidos Gallicos duos continentem diebus singulis: atq; ex ea tātula pecunia ep̄tori victus (dispensator illis est) ac fulloni, & si quos præterea habuerint ad cōmunia vitæ subsidia necessarios sumptus, soluēdū est. Præterea, hoc ipsum victorū regiū dimensum, seu potius stipē, ad eos ipsos quibus est cōstitutum, non peruenit nisi per cōplures neq; eas satis fidas manus corruatū Receptoris primū, sic quæstorē (credo vocāt eum scilicet qui asseruatā apud se fiscale pecuniā in vsus postea exponit atq; hoc munus in ea Sācta officina est in primis quæstus osū neq; cōmitti solet nisi magna gratia psequitis.

Dispensatoris deindè, hoc est emptoris victus siuè anonæ, qui pecuniã dubia semper fide expendit. Tertiò quoque: qui escas parat, postrema demùm decumatio est custodis carceris, qui ex peculiari suo munere easdem inter victos diuidit. Istud verò adeo acurate recensuimus, quoniã omnes isti viuunt, habentq; certos suos prouentus ex modico illo victorum regio stipe, qui per istarum harpyarum aduncas manus deriuatus, nisi à singulis plusquam decumatus, ad victorum manus non peruenit. In hac enim schola cùm magistri tùm ministri à primo vsq; ad postremũ omnes auaritiæ, imò rapinæ, studèt. Quòd si quãdo accadat ex singulari dono Dei ex ipsis quempiam misericordia tangi erga victorum miseras, quas & vel ex ipsa humanitate, officio aliquo subleuare constituat, piaculum hoc fuerit in Sancta officina longè grauissimum, idemq; citra verbera & sanguinem omninò inexpressibile.

Constitutus fuit paucis ab hinc annis Hispali in custodem arcis Trianæ, qui Inquisitorius est carcer, vir quidã haud omninò malus (necdũ enim insignis auaritiæ & crudelitatis Sanctæ officinæ leges in pectus admi-

ARTES ALIQUOT DETECTAE, 109
admiserat) humanº alioqui, néq; prouectæ
ad huc ætatis. Petro a Herrera illi erat no-
men. Is qua poterat humanitate in suo
munere prosequeretur vinctos, sed clàm,
ac dissimulanter, Inquisitoria barbariei nō
ignarus. Contigit, vt in fœcundis promif-
cuisq; capturis solet accidere, vt inter alios
vinctos custodia suæ demandatos, haberet
probam quandam matronam cū duabus
filiabus, quæ diuersis in carceribus degen-
tes, se inuicem videndi ac mutuò in tanta
calamitate cohortandi magno desyderio
tenebantur. Ergo custodem illum obse-
crant, vt eas vel ad quadrantem horæ esse
simul pateretur, tantisper videlicet dum se
mutuò complectuntur. Ille, qua erat hu-
manitate, misericordia commotus effecit
vt ad dimidium horæ simul essent, collo-
querenturq; ac posteaquā maternis affecti-
bus nonnihil indulserunt, in suūquamq; er-
gastulum, prout antea erant, reducit. Ela-
psis postea paucis aliquot diebº, quū eæ-
dem acerrimè torquerentur, custos veri-
tus nè qua erga eas absq; Inquisitoris iussu
simul colloquendi ad dimidium horæ fue-
rat vsus, tantulam illā suam humanitatem
dominis patribus per sœuissima tormenta
pro-

proderent, metu correptus adit Sanctum tribunal, fatetur ultro piaculum, precatur veniam, impendentem sibi ex facto poenā anteuertere confessione sua stultè credens. At domini Inquisitores, quorum institutum est ab omni prorsus humanitate abhorrere, adeò graue crimen factum illud iudicarunt, vt eum è vestigio in ergastulum quoddam trahi iusserint, in quo ex summatum sæuitia qua cum ipso est actum, tum animi ægitudine inde concepta, atrabili redundante in furorem incidit: neq; propterea eius furor & infirmitas eum à grauiore multa liberarunt: siquidem post annum in diro carcere exactum in triumphale illud spectaculum eductum lutea veste insignitum & resti ad collum latronum more alligato, adducēta verbera per vrbis vicos & plateas primum ferenda, deinde ad sex annos ad transtra damnauere. Insequenti autem a triumpho die quum ab arce Trianna flagellandus consueta solennitate veheretur, corripit miserum hominem furor alternis horis eum miserè corripere consuetus, qui ex asello, quo ad ignominiam vehebatur, se deiiciens, in Alguazilium Inquisitorium irruit, illumq; arrip-

to ab eodem ense haud dubiè occidisset, nisi è circumueniente turba continuo comprehensus a fello rursus imponderetur, coq3 accuratius obligato ad repetenda flagra rediretur. Acceptis, iam ab eo ducentis flagris, iusserunt domini Inquisitores, vt quando in ipsorum Alguazilium immodestè se gessisset, quatuor ad transtra anni sex prioribus adderentur, adeò solent patres fidei benefacta ac pietatem, aut etiam humanitatem sæuitia summa compensare, neq3 vel insanire apud eos licet.

Hunc arcis custodem alter præcesserat Gasparus Bennavidius nomine, portentosa avaritiæ ac sæuitiæ homo, quando eò peruenerat nequitia vt miseris vinctis malè coctas ac toties decumatas escas bona parte defraudaret, furtumq3 Triannæ diuēderet haud magno pretio: eam præterea pecuniolam quæ ob purgāda vinctorum indusia fulloni debebat cedere, in solidum auerteret, neglecta ad complures dies illa qualicunq3 munditie vinctorum, deceptisq3 ipsis tum Inquisitore tum quæstore, recipientibus eam (animaduerte quæso tum eorum in suis officijs peragēdis negligētiā, tū custodis istius summā perfidiā)

pecuniam in rationes ab ipso Custode, ac si in victorum vsus, in quos deputata fuerat, singulis septimanis expēderetur. Neq3 difficile alioqui erat in rei veritate perquirenda non admodum laborantes decipere. Si fortè victus quispiam intollerabili iniuria laceratus conquerebatur, mussitabat, hiscebatue, sæuo homini & omni humanitate exuto remedium in promptu erat. Eductum videlicet ex eo carcere eiusmodi victum in profunda quapiâ cisterna aqua vacuam (mazmorram vocant) detrudebat, ibiq3 eum per dies aliquot detinebat solū, nihil ad cubandum nè stramen quidem cōcedens, victus verò illius adeò solebat esse corruptus, vt non saluti aut sustinendæ saltem vitæ, sed morbo potius corrumpendæ aptior videretur: atq3 id omne inconsultis prorsus ipsis Inquisitoribus, quorum tamen iussum apud victum fraudulenter ac malignè obtendebat. Si quisquam ex summa ista iniuria per eum affectis questurus apud inquisitores ipsum precabatur (neq3 enim, vt supra dictum est, per alium licet) vt audientiam sibi dari postularet, callidus homo in caput suum fabam cudi faciliè coniectans simulabat se petiisse, neq3
 eius

eius petitioni tūm esse locum, atq; eiusmo-
di confictis responsis detinebat miserum
hominem in profundo illo puteo adduo-
decim aut quindecim dies, plus minusue,
quousq; demum existimabat iræ & sæuitiæ
suar satisfactum. Dein eductum indè resti-
tuebat pristino carceri, illi persuadens, hu-
manitati atq; operæ suæ, qui eius commi-
seratus apud dominos suis precibus pro
illo intercessisset, illud beneficij esse tribu-
endum. Summa. Furta ipsius ac iniu-
riæ quibus vinctos alioqui satis miseros af-
ficiebat, fuere eiusmodi, vt qui eum apud
Inquisitores seriò accusarent viri alicuius
apud eos ipsos authoritatis porrò non de-
fuerint. Itaq; vincitur, ac complurium sy-
cophantiarum peractus reus dominorum
tamen Inquisitorum clemētiam in ipso iu-
dicio est expertus, eum pro sacro sancti cor-
poris sui membro fideliter agnoscentium.
Sententiam tulit, haud qualem alter, qui
ei suspectus matrē cum filiabus colloqui
atq; affectus gratia ad horæ dimidium vnā
coniunxit, etsi ob patrata ac comprobata
scelera, quæ alter postea ob pietatem tulit,
ferre meruisset. Sed quid lectorem remo-
remur? In theatrale spectaculum egredi

sum ceream candelam manu ferentem in exilium quinque annorum ab urbe mittunt: & quando à suis etiam fiscum expectant, ea pecunia mulctari iubent, quæ ex officij mercede à Sancto tribunali foret accepturus: atque ita demum satisfactum potius illis est, qui eum accusauerant, quam voluntati ipsorum in eiusmodi flagitia in membris suis deprehensa animaduertendi.

Is idem impius carceris custos habuit in sua familia, dum eo munere in arceungeretur, famulam quandam ætate prouectiorem quæ obseruata victorum afflictione ex nequitia ac barbarie heri sui, fame & squalore penè intollerabili laborantium, commiseratione permota (neque enim ab Euangelica pietate abhorrebat) eos pro carcerum foribus alloquebatur, consolabatur, atque prout poterat, hortabatur ad tolerantiam iniectis sepe subtus cibus pro tenuibus ac debilibus conditionis suæ uiribus pijs sermonibus obsequia quoque pia coniungens. Atque eius foeminae virilis pietas eò erat spectatior, quòd, cum nihil haberet de suo unde erga victos Christi tam esset liberalis, ab impio fure hero scilicet escarum quos ipse à victis furatus fuerat bonam rursus partem furaba-

batur, quam vinctis restituebat. Et quò magis miremur Dei Prouidentiam, quæ expressimis parentibus non semper dat pessimos liberos, nonnunquam optimos, in istis pijs furtis ferebat illi opem singularẽ paruula quædã filia ipsius heri sui. Istius eiusdem fœminæ opera vincti de aliorum conuinctorum fratrum statu rerum subinde fiebāt certiores, quod & solatio ipsis & causis quóq3 ipsorum adiumento erat. Ergo innotuit res dominis Inquisitoribus, à quibus, post vnus anni carcerem in quo eandẽ cum vinctis alijs fortunam experta est, in spectaculo theatri, sententiam demum tulit vestis luteæ, ac ducentorum flagrorum quæ in sequenti die per vrbs vicis consuetatũ pōpa tum crudelitate accepit, quibus accessit exilium decennium ab vrbe & ipsius tractu. Titulus fuit, Fautrici atq3 auxiliatrici hæreticorum. Commouit aduersum se implacabiliter dominorum patrum fidei indignationem, quod inter quaestiones indicatum est, eam quibusdam vrbs ciuibz, quo ad victus rationem quacum vinctis agebatur, Socrosancti tribunalis arcana reuelasse. Exemplum hoc adiunctum præcedenti de heri sui impietate, &

de poenis de utròq3 sūptis Sacrosācti tribu-
 nalis æquitatē in puniēdis sceleratis, decla-
 rat satis. Nulla trāstra, nulla deniq3 carce-
 rū genera ab hominibꝫ excogitata fuēre ha-
 ctenus, in quibus canendi libertas non sit
 miseris reservata, liceat modò per calami-
 tatis acerbitem sensum omnem lætitiæ
 nonnunquam occupantem, vt cantu saltem
 distendatur dilateturq3 aliquanto mœstitia
 atq3 egritudinæ fatigatus animus. At sãctũ
 Tribunal quotquot hactenus in torquendis
 mortalibus sæuitiam atq3 inhumanitatem
 suam exeruerunt, excellit, quandoquidē
 ad priuandos in tanta ærumnarum acer-
 bitate tātulo hoc solatio miseros vsq3 per-
 tingit. Si ex vinctis quisquam vt cunq3 præ-
 sentem leuaturus calamitatem canere in-
 cipiat psalmum aliquem, recitarēue sacra-
 rum Scripturarũ nō nihil, quo maiore illi so-
 latio, eò grauius atq3 intollerabilius illud
 fuerit dominis Patribus fidei eorumq3 mi-
 nistris: nēq3 enim leue existimant rerum
 suarum incommodum, si vincti lætiore a-
 liquanto animo fuerint: est siquidem eorũ
 demũ institutum, vt in perpetua atq3 nullo
 lætitiæ genere interrupta vnquam mœsti-
 tia atq3 afflictione illi sint. Itaq3 cū quē-

ARTIS ALIQUOT DETECTAE, 117
piam ex vinculis aut canere, aut silentio al-
tius loqui audierunt, illicò adest ex Furijs
illis vna & altera, Scriba scilicet cū ipso car-
ceris custode, qui hilaritatem cohibeant
ex patrum iussu, poena excommunicationis
denuntiata, quam si contempserit, atq; vt
re uera est, ridiculum duxerit, lupato in os
accepto cogetur obtemperare, pro rebel-
liq; habebitur, ac Patrum authoritatis ne-
fario contemptore: neq; loquatur nisi vo-
ce admodum depressa: atq; in quem tonum
sit deinceps loquuturus, exemplū ipsi prae-
eunt. Atqui hoc in duos praecipue fines.
Alter vt solatiū omne genus afflictis prae-
cidatur, quemadmodum dictum est: alter,
quoniā experiētia ipsa didicerunt veterato-
res scilicet, eiusmodi Psalmorum aut alio-
rum locorum Scripturae sacrae cantionibus
sefe mutuo vincētos consolari, adhortari, ac
propemodū iacentem sociorum fidem eri-
gere vel in diuersis longē carceribus con-
stitutos. Cauent praeterea Patres hoc silen-
tio ne cantu aut altiore sermone mutuó se
agnoscant uincti. Accidit enim saepe numero ut exa-
ctis in Inquisitorio carcere binis, aut ternis annis a-
micus de amico, pater, de liberis & uxore in eodem
carcere detentis, prorsus ignoret, quousq; in die spe-

et aculi sese mutuò conspiciant. Atq; hac in primis de causa (vna ex cōmunibus ac vsitatīs quæstionibus in audientijs esse solet, an secum inuicem colloquantur vincti ex diuersis carceribus, aut sese mutuò agnoscat) quod si ita esse deprehenderint, commutatur cōtinuò carceres, ac noua demū quæstio, vt pilum ex pilo, textitur, ecquid fuerint colloquuti, quāue de re mutuo sese cōmonefecerint.

Ea est demum erga vinctos totius vitæ ratio, vt qui ex illa miseras non egrediuntur ad rogam, vt plurimum aut in illo carcerum pedore animas exhalare soleant, aut sæuo illo morbo, quem Gallicum vocant vulgo bubas, ex victus & humorum corruptione contracto egressi cōtabescāt, aut ex atrę bilis redundantia in infaniā incidant, aut deniq; pessimo corporis habitu sint vtiq; dispositi ad has easdē ægritudines, aliasue grauiiores sibi postmodum cōciliandas, in quibus perpetuò contabescētes vitam trahant miserabilem planē, ac ipsa morte duriores. Ex compluribus exemplis quæ ex vna Hispalensi Inquisitione in eam rem adduci poterant, vnum modò deligemus, quod in singulari humanitatis

exem-

plum in omnibus historijs referre dignum censeamus.

Appulit paucis ab hinc annis in portum Gadditanum aut Sancti Lucari (quod vocant) nauis quædam Angla quam cum Familiares Inquisitionis , ante quam ex ea quisquam ad terram descenderet, pro more religionis ergo visitarent, nonnullos ex Anglis qui in ea erant ob edita Euangelica pietatis ac melioris institutionis certa indicia comprehesos in carcerem secum duxerunt. In ea naui erat quidam puellus decem aut ad summum duodecim annorum, Angli cuiusdam prædiuitis filius, ut pote ad quæ (ut ferebatur) cum nauis tum mercium omnium pars præcipua pertinebat. Inter alios ceperunt quoque hunc puerum. Prætextus fuit, quod librum Psalmorum Dauidicorum Anglicè in manibus haberet: at qui istorum et auaritiam et artes pessimas ut cunq; norunt, citrà ullam sanctæ Inquisitionis iniuriam pie credent, subol factas paternas opes, captiuitatem, et quod postea subsequutum est calamitatis puero poperisse. Igitur naui cum mercimonijs omnibus in Secreti rationes redacta puerum cum alijs captiuis Hispalim in arcem Inquisitoriam ducunt, vbi exegit sex aut octo menses. Por-

ro pietatis doctrinam quam à pijs paren-
tibus puer acceperat, in tenero eius animo
adeò altè Deus inſeuerat, vt vel in tam præ-
duro carcere atq; in tenerrima illa ætate
tanta afflictione occupatus, illuſtria de ea-
dè pietate teſtimonia edere haud obliuiſce-
retur, crebrò, ſed manè in primis ac veſpe-
re ocellis in cœlũ ſublatis, vndè auxilium
ſibi certũ poſtulare ac ſperare edoctrus fue-
rat, precès fundens. Conſpicabatur nōnun-
quam in eum modum orantem ipſe cuſtos
carceris, próq; rubore illo quo paganif-
mi ſui eiufmodi exemplo pietatis ob ocu-
los poſito pudere eum vehementer debe-
ret, vt eum videbat ſublatis in cœlũ ocu-
lis pias preces aut Pſalmum aliquem angli-
cè alta voce recitantem. Iſte (inquebat)
in magnũ hæreticulum iam euafit. Exaſto
ergo in illo Cyclopeo carcere prædicto tẽ-
poris ſpatio puer, vt erat in paterna domo
teneriuſcule educatus, ex humiditate car-
ceris & ex peſſima tota victus ratione in
aduerſam valetudinẽ grauiter incidit: qua
perſpecta domini Inquiſitores eum è car-
cere educi & in Xenodochium, quod Car-
dinalis vocant, recuperandæ valetudinis
gratia deferri iubent. In illud Xenodochiũ
defer-

deferri ex more solent, quos in Inquisitorio carcere ægrotate grauius contingit: neq; præter medicamenta (quæ tamen ex pio Xenodochij instituto abunde ipsi suppetunt) & lautiores pro ægritudine corporis curâ ex carceris pristini sæueritate quicquam remittitur nemine præter medicum & Xenodochi ministros ægrotum inuisente. Quòd si meliusculè habere cœperit valetudine nondum admodum confirmata, in pristinum carcerem restituitur. Igitur puer ex contractis in diuturno ac barbaro illo carcere grauioris infirmitatis causis transfatus in Xenodochium ambabus curibus obrigit, neq; quid postea de illo actum sit, scitur. Inspiciat nunc ac iudicet quis, an Patrum fidei pietati decorum fuerit tanta inhumanitate egisse cum puero quopiam aduenam inueniri uè poterit vel inter immaniores Scythas adeo barbara agendi ratio: etsi immane latrocinium tum nauis tum mercium missum fecerimus.

Eodem ferè tempore captus fuit ad eundem carcerem quidam qui mahometica impietate spontè obiurata è Marruchio celebri Mauritaniæ vrbe ac regni capite in eum Hispaniæ tractum qui interiecto Herculeo

freto Mauritaniā respicit, daturus no-
 men Christo, paulò ante venerat. Is, vt qui
 in labijs adhuc haberet pestiferū illud lac
 quo ab ipsis incunabulis per totam antea-
 tam vitam fuerat enutritus, (neq; Christi-
 anismi purius ac salutaris deficiēte do-
 ctore adhuc forte prægustarat,) quū plura,
 quā inter suos Mauros ipse reliquisset,
 vitia atq; corruptiones, mores inter Chri-
 stianos inuenisset, in tuto omnia esse arbi-
 tratus ac proinde minus sibi cauens for-
 te dixerat, videri sibi Maurorum legem
 (hoc est religionis institutum) Christiano-
 rum lege potiore. Incidit ob id in Pa-
 trum fidei manus, qui ad eum ad melio-
 rem scilicet mentem reuocandum eiusmodi
 catechismo erga illum vsi sunt, vt etiā
 in ipsis vinculis apertè diceret, ab eo die
 quo esset baptizatus, Christianismi se
 nunquam poenituisse, nisi postea
 quam in Inquisitione foret, vbi
 violentias & iniurias omnis
 generis vel inuitus vi-
 dere cogeretur.

VISITATIONES CARCERVM.



N omnibus tribu-
nalibus quæ ex re-
cta iustitiæ admi-
nistratiōe veram
ac immortalē om-
nibus sæculis glo-
riam captant, inos
inoleuit, vt, oc-
curratur iniurijs

quibus vexari vincti aut solent aut possunt
ab ijs, quorum curæ demandati sunt, Visi-
tationes carcerum (quas dicunt) institu-
antur, quæ & crebrò per iudices superiores
provt necessitas postularit, habeantur.
Requirit hoc ipsa æquitas, ipsa humani-
tas, ipsa optima rerum constitutio, ac
ipsa demùm diuina Lex qua peculiari qua-
dam cura vincti hac ipsa ratione in pri-
mis commendantur. Itaq; ad depellen-
dū tot iniurias præter eas quas adhuc igno-
ramus, in quibus in Sancta Inquisitione vin-
ctos, affici indicatum est, illud vnum reme-
dium relinquebatur, nempe (hic etiam
animaduerte simulatam Inquisitorum san-
ctitatem)

124 INQUISITIONIS HISPANICÆ
carcerum visitationes, quæ utiq; eò benig-
niores, humaniores, magis consolatoriz
magis piæ, ac denum in propulsandis mi-
serorum hominum iniurijs, in prospicien-
do eorum necessitatibus, in puniendis ijs qui
aut avaritia aut crudelitate ducti vlla eos
molestia effecissent, æquiores sanctioresq;
esse debuissent, quò Sanctum hoc tribunal
vniuersa alia profana scilicet tribunalia ti-
tulis istis plausibilioribus & ipsa porró san-
ctitate excellere videri cupit. Atqui tan-
tum abest vt ita sit, vt potius videatur visi-
tationes carcerum in Sancto tribunali in
diuersum atq; aduersum ex consilio & af-
fectato quodam studio esse comparatas: a-
deò vt is dies quo haberi solent, alius mi-
seris vinctis torturæ dies quàm illius reme-
dij suarum miseriarum meritò dici possit.
*Elucescit id melius ex ipsa ratione & methodo quæ in
eiusmodi uisitationibus observari semper solet, quem
iam subiiciemus.*

Igitur hæ carcerum visitationes per eodẽ
Inquisitores, notario seu Scriba cum ipso
carceris custode sibi adiunctis, semel aut bis
singulis mensibus haberi solent, vt plurimũ
dominico aut festo aliquo die. Quum pri-
mũ ingreditur carcerem dominus Inqui-
sitor,

fitor, vinctum totidem verbis interro-
 gat quî habeat, quî valeat, indigeatue re-
 aliqua, an verbis cum ipso benè agat custos
 carceris (vult dicere an verbis aliquando
 contumeliosis aut certè asperioribus eum
 lædat) an cibum sibi constitutum bona fide
 ei det: an indusia munda, & alia huiusmo-
 di. Nam re ipsa, non est quod aliquid boni
 ab eo speret. Hæc sunt veluti ad numerum
 illis præscripta visitationis capita atq3
 verba, quibus neq3 addunt amplius, néq3
 ea præstant. Si vinctus fuerit seminudus,
 aut caruerit lecto ac suæ indigentiae prof-
 pici oret, habent responsum tum æstium
 tum hybernium, id est, quod loco eius quod
 petit inferuire vincto possit tum æstate tū
 hyeme. Vere enim æstium responsum est,
 Bene quidem (inquiunt verbis quam lenis-
 simis, vt patres decet) nunc calet, bene po-
 teris sine veste aut lecto viuere. Hyeme ve-
 rò, hybernium responsum est, verum quidem
 est hisce diebus ingruisse frigus: at iam nūc
 delapsis è cœlo pluuijs lenietur tempus: ve-
 stem animæ curatote vos, quæ in veritate
 indicanda & in exonerandis in hoc sancto
 tribunali conscientijs vestris consistit, hoc
 est enim quod imprimis curare debeatis:

ac sic prospicientes scilicet uinctorum necessitati, de qua tamen primum interrogarant (irrisores) egrediuntur. Ergo si vel diebus singulis haberentur carcerum visitationes, miser uinctus in suis necessitatibus tantundem solatij à patribus esset accepturus. Verum est tamen fauore prosequutos nō nihil accipere solere: neq3 difficile intellectu erit, quinam fuerint eiusmodi fauore prosequuti ubi auaritia & inhumanitas ad clauum sedent.

Quandò aliquis ex uinctis literatus aut quiuis alter obsecrat ut boni alicuius libri sacrorumue Bibliorum sibi fiat copia, è cuius lectione tædiosissimum alioqui & solitudinum & molestiarum plenum tempus aliquo cum fructu possit fallere, illud ipsū responsum, quod nudo aut discooperto vestis & operimenti loco fuit, huic accommodatur libri loco. Respondebit enim tum censoria grauitate dominus Inquisitor, Verū librum esse veritatem indicare, & in illo sancto tribunali conscientiam suam exonerare, inq3 eo libro incumbendum esse, ut memoria omnia fideliter repetendo continuo, suis dominationibus manifestet medelam languenti animo illicò præbituris, atq3 hunc esse verum librum &c. Quod si
adhuc


adhuc in eadem aut altera visitatione perrexerit vinctus ea de re esse importunus, audiet pro imperio vt taceat, quoniã si ipse, prout magis collibet, petat, eos quoq3, prout magis collibuerit, cõcessuros aut dene-gaturos. Summa. Videntur singulari ac accurata quadam diligentia in hoc esse intenti, vt præter præsentem calamitatem vinctus nihil habeat, quod intueri possit, vt ea quoq3 ratione afflictio gliscēs cū cogat illorum votis, quo ad fieri possit, obtemperare.

Si nonnulli fortassè amici affinesuè extra Inquisitionem vincto sint, qui cum quoquo modo in sua afflictione subleuare possint, ij in apparandis nonnullis xeniolis, quibus immanitatem Inquisitorum deliniant, nonnunquam occupantur, ne ipsorum saltem vinctus adeò sordide tractetur. Iam difficultas modò in eo est, an ea ipsi velint accipere. Atqui quùm ex ministris Inquisitionis quispiam, qui non sit ipse Inquisitor, eiusmodi muneribus colendus est, nulla est rei difficultas, quando facile dantur & accipiuntur, modò aut clam aut noctu porrò fiat. Facile enim possunt eius ordinis ministri muneribus corrumpi.

Erga ipsos dominos Inquisitores est maior difficultas, imo est prorsus impossibilitas si in primis ipsorum responsis esset consistendum. Ea sunt, Sanctum illud tribunal, esse tribunal quoddam incorruptum quod cuiuscunq3 generis munera accipere nullo modo terat &c. Enimvero vt cuiusmodi responsa ex animo nō proficiuntur, dum nimium sese excusant, se nihil aliud magis cupere, haud obscurè ostendunt. Néq3 deest vnquam domino Inquisitori in suo famulatio aliquis ex fratre aut sorore nepos, aut saltem famulus perquā charus æquè atq3 ipsemet suspiciendus, néq3 alter quoq3 ex famulis qui contentioni subornantis & Inquisitoris interfuerit, quiq3 in speciem victo ac prorsus repulsam passo, indubitatae victoriæ fenestram mox aperiat, ad eum paulo post accedens, ac nepotem domini Inquisitoris vel omnino extra rem, digito illi ostendens. Tum, qui munere quopiam Sancti tribunalis integritatem antea frustra tentauerat, modò non sit stipes, facile intelligit offerendæ receptaculum illud esse ac sibi dictum putat. Hac demum ratione non nihil refrigerij miseri victi recipiunt, vnde quoq3 apparet satis quo demū

spiritu Sanctum tribunal gubernetur, quando ad quicquam præstandum quod virtutis sit, vna ipsa auaritia indubitato præstat, quod sola virtus assequeretur nunquam.

ACTVS FIDEI.



Am ad tragediæ catastrophem, vt accedamus superest. Ea est postrema Sancti tribunalis actio, in qua & diuturnis victorum angoribus, & Inquisitorijs frau-

dibus, versutijs, stratagematibus, sæuitijs, optatus demum vtriusq; finis imponi solet. Namq; in ea feruntur sententiæ causarum, quæ longo dierum, imo annorum, curriculo ni Sæcto tribunali agitate sunt, idq; in totius populi tam frequenti theatro, quale hætenus vel in Olympo ipso nulla ætas vidit. Actionem siue Actum fidei (Auto vulgò vocant,) neq; immeritò, quando in ea actione victorū fides ad ipsas vsq; fæces explorata aut abnegata publico ac lōge solēnissimo testimonio, Dei veritate, aut

130 INQ. VISITATIONIS HISPANICAE
eadem solennitate strenuè asserta ob ocu-
los vniuersi populi ad spectaculum certa-
tim concurrentis qualis re vera fuerit, sese
prodit. Interpretentur nomenclaturam
suam Patres fidei vt voluerint, nos hanc in-
terpretationem, quæ diuino utiq; consilio
est affinior, recipiemus.

Habet hæc actio sua parerga quædā,
seu vt aptius dixerimus, habet hoc populi
Dei Pascha (pelah id est transitus ab Aegip-
to ad terram illam promissam, è mundo ad
Patrem) suum Parascene, id est præparatio-
nem. Ioa. 13. 1. Paucis aliquot diebus antè
hunc festum diem, vocare solent domini
Inquisitores ad tribunal eos omnes (sepa-
ratim tamen) quorum bona omnia iudi-
cio suo addixerunt Fisco: inquiruntq; ab
illis ecquas opes habeant, quibus etiam in
locis, seriò admonentes ne quid celaue-
rint, alioqui si quid sibi ex suo asseruasse
postea fuerit deprehensum, fore vt ob illud
& furti crimen referant, & pœnam subeāt,
ij apud quos illud fuerit deprehensum. Igi-
tur præter eas domesticas opes, quæ initio
incarcerationis, vt supra dictum est, in Se-
questrum venerut, omnibus indicatis atq;
in Fiscales rationes acceptis, ad sua erga-
stula

stula remittuntur haud dubia coniectura certi, quòd, etsi quo ad vitam, fortunæ suæ sint incerti, ad minus tamē implumes prorsus inde egressuri sint.

Propius & Paschæ aptius Parasceue est, quòd eo die qui ipsum diem festum proximè præcedit, aduentante iam nocte, congregari iubēt viros omneis in peráplo quodam carcere, qui diuersa pœnitentiarum genera, quæ non sint necis, insequenti die inspectaculum sunt educendi. Pœnitentias vulgò vocant mulctas atq; animaduersiones in reos, ex veteris scilicet Ecclesiæ more mutuata nomenclatura. In alio eiusdem formæ carcere congregantur simul scœminæ. Qui verò necis iudicium subituri sunt, seorsum in singulis carceribus reponuntur, & nona aut decima noctis hora mittitur ad quēquam illorū sacrificus, qui funestum illi fortunæ suæ nuntium perferat, & a confessione simul sit. In eo tēporis articulo is cui Deus cōstanti ac inexpugnabili animo esse dedit, penultima fidei suæ fulgetra vibrat in pudorem confessoris sui & aulę totius infernalis. At qui contrà neq; ad illud vsq; tempus constans fuit, neq; tunc est, habet adhuc resipiscendi locum, atq;

ea singularia Christianæ constantiæ dona
 à Patre luminum accipiendi. Vtrique agut
 cum suis confessoribus magnis clamori-
 bus, illi fidem suam in articulo illo tempo-
 ris longè periculosissimo strenuè defendē-
 do, ij de morte sua inaniter ac frustra con-
 tendendo. Porro nemo ex vtrisque est qui ea
 nocte nō habeat negotij satis, quādo haud
 dubiè tentatio magna est, carne præsertim
 supra modum imbecilli, néq3 satana inte-
 rea quiescente. Cæterum pro indubitato
 quoq3 habendum est, Cœlestem parentem
 ea hora suorum non esse oblitum. Apparet
 hanc agonis membrorum suorum noctem
 cum illa agonis Domini haud ineptè com-
 poni posse cū in patientium angore, tū
 etiam in solatio è cœlo misso.

Splendescente mane, ministri ac fami-
 liares omnes Inquisitionis, qui ad solen-
 nem victimam ad sua quisq3 munia vndiq3
 maturè conuenerunt, eos omnes qui ad
 spectaculum sunt educendi iuxta vniuscui-
 usq3 sententiæ præscriptum studiose ador-
 nant. Qui constanter fidem suam aduer-
 sus impia mendacia tutati sunt ad ipsum
 vsq3 incendiū, Sambenitum ferunt: ea est
 vestis quædam colore luteo, citra manicas

NO. 1. ET ALIQUOT DE RECTA. 133
tamen paludamento persimilis, malorum
geniorum atris imaginibus (ex quibus sa-
nè triumphat generosus Christi miles in
victoriæ signum) tota respersa. In capite
gerunt thiam quandam papyraceam ob-
longam in modum turris, in qua est homi-
nis effigies in incendio conflagentis & à
compluribus malis genijs materiam foco
veluti aggerentibus vndiq; obsessi. Genus
est militiæ (vt conjicio) atq; prælia ipsa
hostesq; quos gloriôsè deuicit ad maiore
triumphi gloriam ibi expressa. Linguas
habent ligneis lupatis acerrimè ac ingen-
ti cum cruciatu captas, (quas mordazas à
mordendo sanè dicunt) nè de innocentia &
fide sua in Dei laudem testari coram plebe
possint: colla vero præ lōgis ac nouis resti-
bus ex sparto inserta manibus ante reuin-
ctis, quo (meo quidem iudicio) testatū
facit ingentis alioqui meriti miles nullo
suorum operum merito fesus sed vna ineffa-
bili Dei bonitate ac clementia merito in-
nitens pro cuius confessione vel accerbis-
simam mortem mox sit generosè appetitu-
rus, coram Dei tribunali se velle comparo-
re: qui vel si illa adeò gloriosa facinora, qui-
bus iam illustrat nomen suum, ad summum

legis suæ ius velit exigere, nihil aliud quàm
suspendium indignissimi latronis more si-
bi reliquum fore. Atq; istis stemmatibus
insignitus in theatrum primum prodit Fi-
delis, deinde in incendium. Ij vero qui ab-
negata turpiter Dei veritate bonam scili-
cet spem de salute sua patribus fecerint, iu-
dicium nihilo secius mortis subituri ea-
dem planè ratione adornantur, a motis mo-
dò diabolorum imaginibus, in quorum lo-
co sufficitur imago crucis manibus inter
ipsa vincula inserta, vt quemadmodum fi-
dei ac strenuitatis suæ alij, isti quoq; i-
gnauitæ ac perfidiæ suæ insignia præ se fe-
rant. Reliqui omnes eisdem istis notis pro-
deunt insigniti plus minusue prout Sancto
tribunali eos plus minusue in populo deni-
grare fuit visum.

Ea hora, qua ex arce ipsa carceris fo-
ras educuntur, Sanctum tribunal Charita-
tem ac clementiam suam omnem erga eos
coram spectante iam populo explicare af-
fectat. Vincitis omnibus in hunc modum
personatis atq; ad progrediendum in spe-
ctaculum in suo ordine collocatis, iubetur
vt consistent, atq; è vestigio adornatur stā-
tibus splendidissimum in speciem ientaculū

ex gallinis hædisq; asis, quo utiq; præstigio & vulgo persuadēt haud multò secus in vinculis eos fuisse tractatos, & ipsis simul vinctis anteaactam carceris acerbiteriam compensant. Verum miseri eo animo tum temporis sunt, vt non magnum escis detrimentum inferant: euenitq; vt plurimum vt sicarij ipsi familiares, ex quibus (vt mox dicemus) duo vinctis singulis custodię causa vtrumq; latus claudunt, arreptis escis & vinctorum manibus lauticijs illis, nemine prohibente, frui soleant.

Enimvero eiusmodi est apparatus ac pompa qua in triumpho illo progreditur, vt nulla Persica pompa Romanusue triumphus vnquam fuerit, quem cum isto rectè composueris. Primo in loco procedūt pueri Doctrinæ (ex collegio scilicet in quo pueri instituuntur asciti) qui tū veste, tum cātu, tū ordine in quo per clericos aliquot superpellicijs indutos cōtinētur, religionē incutiūt. Cātiones sunt Litaniæ sacrorū alternis vicib; repetitę alterno choro respōdēte ora pro illis. Hos sequūtur è vestigio vincti ipsi, Pœnitētiatos vulgo vocāt, hoc ordine per quasdā veluti clasces dispositi. Qui leuioribus censuris sūt notati, primū ab ordine illo puerorū locū tenēt. I iij lis

Iis candelæ absq; lumine, restes collis in
 fertæ, lupata lignea, thyaræ papyraceæ, si-
 gna reatus esse solent. Apertis incedunt ca-
 pitibus, ni thyara operiat, & seruorum mo-
 re sine pallio, qui natalium dignitate so-
 cios opibusue antecellunt, subsequuntur
 ignobiliore. Secundum hos, procedunt
 qui Sambenitis, hoc est paludamentis illis
 militaribus rubra cruce in transuersum dis-
 secatis, insigniti sunt, eisdem quæ supra,
 qualitatibus personarum observatis, qui sa-
 cris ordinibus contaminati sunt, dignitate
 ac proinde loco etiâ suæ classis alios præ-
 cellunt. Hos sequitur tertia ac postrema
 classis eorum videlicet, qui rogo sunt de-
 stinati: ex quibus qui Dei veritate repudi-
 ata ac in eius locum mendacio admissio ad
 hominum misericordiâ confugerunt, con-
 stantiores meritò præcedunt qui in postre-
 mo totius phalangis loco positi vel ipsis
 Inquisitoribus arbitris dignissimum virtu-
 tis ac fidei suæ ordinem sunt sortiti. Vin-
 ctis singulis claudunt vtrumq; latus fami-
 liares duo armati custodiæ causa, quibus
 duo quoq; adduntur monachi aut theatini
 (quos dicunt) singulis morituris, vt eis pro
 viribus suadeant nè veritati dei in qua edo-

& si sunt, in fine demùm vitæ acquiescant,
 quæ impia importunitate, qui in Dei veri-
 tate permansit firmus, tormentum grauius
 meo iudicio, nullum tulit. Vinctorum or-
 dinem, qui ex triumphi more primus me-
 rito esse debuit, Urbis senatus vn̄uersus in-
 sequitur, Alguazilijs, Iuratis, Viginti qua-
 tuor Graduum iudicibus, Prætoribus cu-
 rialibus, Regente ac ipso Pro rege siue a-
 sistente, constans, quem nobilium equitum
 ingens turba comitatur. Mox sequitur sta-
 tus scilicet ecclesiasticus, clericis, benefici-
 ciarijs, curatis, primum in hoc ordine locū
 tenentibus. Secundum eos vniuersum tē-
 pli summi capitulum, vulgo cabildum Ec-
 clesiæ maioris. Tertium locum occupant
 Abbates, & Priores ordinum monachaliū
 cum suis comitibus. His omnibus sanctū
 tribunal, quod eo die planè triumphat, ho-
 noris ergō anteaſcendantibus, spatij non-
 nihil vacui relinquitur, in quo Fiscalijs In-
 quisitorijs, vt qui in ea parāda victoria haud
 medioerem Sancto tribunali operam nau-
 rit, prætenso ac explicato ex serico dama-
 sceno rubro vexillo, militari sanè fastu, Ve-
 xilliferi locum tenet. Vexillum est opere
 Phrygionico apprime elaboratum, altere

facie, illius Papæ qui Inquisitionem concessit, Itemmata cum ipsius nominis inscriptione, altera Regis Ferdinandi, qui illam in orbem inuexit primus, ostendit. Multo serico, auro, atq; ostro elaborata omnia. In huius vexilli summa cuspide infixæ est argentea crux deaurata magni pretij cū suo crucifixo, quam singulari quadam præ alijs omnibus veneratione superstitiosa turba prosequitur, hac vna de causa quòd Inquisitionis sit. Sequuntur demùm ipsi Patres fidei incessu lento & ad summam grauitatē composito re vera triumphantes, vt præcipuos decet eius victoriæ imperatores. Habent è vestigio familiares omnes Sanctæ Inquisitionis equis insidentes, quales videre olim erat in Romanis triumphis milites, omnes suorum triumphantium ducum terga sequentes. Hos sequitur multitudo plebis ac vulgus innumerabile absq; vllò vel ordine vel nomine. Hac pompa itur ab Inquisitorio carcere ad theatrum quoddam sublime atq; operosum, quod imponēdis ad spectaculū poenitentibus & audiēdis eorū sententijs è lignea materia fabricatū est in platea vrbis celeberrima atq; capacissima. In eo theatro sedere eos faciūt eodē plane ordi-

ne quo venerunt. Est & alterum theatrum eiusdē ferē cum priore magnitudinis ē regione illius, in quo est erectum tribunal minorum Inquisitorum, vbi sedent in Inquisitoria sua ac penē diuina maiestate vniuersa illa comitati amplitudine qua venerunt.

Haud extra præsens institutum fecisse arbitraremur, si in isto hostium triumpho componendo cum pijs illis publicarum poenitentiarum spectaculis quæ in Primitiua Ecclesia a pijs illius episcopis & pastoribus edebantur, nonnihil spatiaremur: in quibus nihil erat quod meram non spiraret pietatem, ac sanctitatem, & remedij demum ac salutis poenitentium ardens minimēq; fucatum desiderium: in quorum ordinem nemo intrabat qui quamuis egrederetur rubore perfusus, simul non egrederetur consolatione plenus. Pudori enim solum erat errauisse se, at in ipso remedio ac medicamento quod pastores sui confracturæ applicuerant, re ipsa experiebatur verū mali remedium, firmum solidumq; solatium atq; confractæ exulceratæq; conscientia suæ consolidationem. Neq; triumphabant eo die qui sua eum castigabāt censura

neq3 splendidioribus ex arca sua deprōptis vestibus in lætitiæ & triumphī signum prodebant induiti. Luctuosis cooperti vestibus tum ipsi tum Ecclesia vniuersa incedebant, ea luctuosa ac plena funebri specie testantes malis fratrum se tangi ex animo: quin non semel vsu veniebat, vt censores ipsi quam ij qui censura notarentur, vberiores lachrimas funderent, vt pote qui illis dedecus prout par erat ex errore suo ferentibus minimè fictum dolorem pastores ipsi ferrent. Neq3 ad mortem vel acerbiorē vel leniorem quisquam tum educebatur, neq3 ad adeò dura verbera vt per ipsos vibices ossa conspicerentur: neq3 ad honestā alioqui existimationem suam & pro se & pro vniuersa sua posteritate apud vulgus amittendam, sed ad quæ amissa ex delicto apud Ecclesiam fuerat, recuperandam honestatē. Cuiquam vero ex pastoribus nihil ex fisco adherebat lucri, neq3 cincinnum velleris ouis suæ, in ipsius manu deprehendebatur, neq3 quicquam ex rapina pauperis in ipsius domo Ezech. 34. 8. Isa. 3. 14. Væ pastoribus &c. Verūntamen hæc licet iustissima querimonia aliās fortasse fuerit æmpestuior: tantum rudia isthæc absq3 vllō

ARTES ALIQUOT DEFECTAE 141
villo ordine lineamenta ducere hoc in loco
visum est, vt quibus ex humano sensu quicquam
in tanta omnium ferè ordinum de-
mentatione reliquum est obseruare saltem
incipiant quid porro sit discriminis inter
hunc triumphum tanto apparatu ac læti-
tia celebratum & veteris illius Ecclesiæ pu-
blicas pœnitentias quas sanctum Tribunal
retinere se ambitiosè iactat.

Igitur in suo ordine sedentibus omni-
bus concionem auspicatur quisquam, quæ
accurata tum habetur in laudem Sancti tri-
bunalis & confutationem hæresum in quas
eo loco animaduerti dicunt: in primis ve-
rò in obruendo probris ac contumelijs mi-
seros, & afflictionem addendo afflictis po-
tior illius concionis pars insumi solet: qui
si eam præsentem, se videlicet videre illic
spectaculum ignominix & scopum iniuri-
arum factos, minus iniquo animo ferre vi-
dentur, ideò utiq; fit, aut quia in fidei cly-
peo impenetrabili eas omnes excipiunt,
aut quia precedentes totum animū ex diu-
turna patientia occupantes nullum ferè
præsentibus sensum relinquerunt. Finita
demum consolatoria, scilicet, illa concio-
ne, sententiæ pœnitentium legi incipiunt,
eodem

eodem quo ipsi sedent aut venerunt ordine, videlicet ab ijs qui leuioribus notandi sunt censuris lectoribus initium auspicantibus. Hæc pars actus longa & præcipua est, requiritq; proinde peculiarem & accuratorem aliquanto observationem, sed suo loco. Perlectis sententijs primarius Inquisitor occidit aliquot precatiunculas pro conuersis (vt ipsi dicunt) mortis censuram nihilominus subituris. In illis Deum suum precatur, vt fauorẽ suum eis conferat, quo in confessione doctrinæ Ecclesiæ Romanæ perseuerent, ac demum moriantur. Iis finitis incipiunt canere Psalmum. 51. Misere mei Deus &c. ad implorandum scilicet ergâ poenitentes suos Dei clementiam, et vt Patrum fidei ergâ eos ipsos tum censuræ tum absolutiones sint veræ resipiscentiæ efficaces. Sunt verò pleræq; censuræ mors omnium acerbissima, verbera, ex quibus, qui acceperit, aut vix aut nunquã conualecat relegationes ad transtra, bonorum omniũ præscriptiones & eius generis alia, quibus mater Ecclesia Romana pietatem suã erga suos filios per dominos Inquisitores exerit, quæq; reuera nõ esse verę resipiscentię efficaciam haud possunt, videlicet, vt agni

ta per eiusmodi scuitiam istorum Cyclopū immanitate, qui se pro Ecclesia Christi tādīu sceleratē atq3 impudēter venditarunt, non modo qui eas censuras subeunt, verum vniuersus orbis ad mentem redeat, eosq3 omnes quo demum merentur loco habeat.

Igitur finito Psalmo, quo tam impiē quam impudēter irrisoriēq3 vt omnibus alijs scripturæ sacræ locis, ad suum institutū abutuntur, Primarius Inquisitor occinit aliquot versiculos, quibus vniuersus cātorum Chorus arti ac guturi in tēpore scilicet indulgentiū magno ac sonoro vocum concētu responder. Iis finitis Inquisitor, pro ea qua pollet authoritate, absolutionē cantu pronūtiat, qua conuersos ōnes ad Romanę Ecclesiæ gremiū (à Christo veró auersos) absoluit ab ijs omnibus in quibus ab Ecclesiæ Romanæ cōsensu defecisse eos pœnitet: atq3 hæc absolutio (Ecclesiæ utiq3 Romanæ more) à culpa tantum accipienda est: pœnas enim, easq3 nulla vel clementia vel humanitate vel etiā æquitate rēperatas, è vestigio eos subire est necesse. Peraçia absolutione domini Inquisitores insigne quoddā stratagema ordiuntur, & ad regnū veluti caly-

calybeis anchoris retinendum mirè cōducens, vt pote qui eo ipso facto detegunt, haud citrà metum ac certa quædam præfagia ruinæ sibi regnóq; suo impendentis eos esse. Stratagema illud est, quòd vniuersus populus, prout est ad celeberrimum spectaculum, nonnunquam etiam ex locis viginti leucas distantibus, congregatus, solennissimum sacramentum eis dicat verba ipsa, quibus se deuincit, ac nisi præstiterit, deuouet, præcuntibus, Victurum scilicet ac moriturum se in Ecclesiæ Romanæ secta ac subiectione, eandemq; propugnaturum pro sua virili, fortunas omnes ac vitam ipsam aduersus eos qui eam oppugnaverint exponendo. Præterea eiurare, abnegare, atq; execrare se quicquid contrarium fuerit ei quod Ecclesia Romana tenet, atq; affirmat. Item propugnaturum ac se defensurum pro sua virili portione Sanctum tribunal Inquisitionis, eiusq; ministros omnes &c. atq; ad eius rei fidem ac firmitatem se mutuò testes constituunt. Videas hîc ad terram procubentem miseram plebeculam atq; omnium ordinum status cum summa religione in fauorem impietatis aduersum Iehouam & Christum eius

per errorem sacramenta dantes, qua non minus impia quam temeraria coniuratione ductus exinde Inquisitionis minister pro sua quisq3 facultate constituitur. Iam igitur si de abolendo, imò ex orbe terrarum pro merito funditus exterminando eiusmodi tum iniquitatis tum impietatis portento cum quoquam egeris, si quidē illius duritiem ac immanitatē inficiari non possit, iuramentum obijciet solennissimis verbis in concessu frequentissimo cōceptum: quote veritas? Nempè obijciemus contra ex ludæis quosdam cæca religione ductos sacramento se obstrinxisse, ac deuouisse olim nihil se sumpturos cibi antequam Paulum occidissent. Act. 23. Hos ter peccasse contendimus, tantum abest vt iuramento impiè cōcepto teneri eos arbitremur. Primū, quod cæca ac proinde impia pro lege Zelotypia Euangelium Christi obstinatè ac pertinaciter oppugnent. Deinde quòd pro mala causa defendenda & bonā vel præter vires oppugnanda iuramento in nomē Dei concepto temere & nefarie, ipsum Dei nomen prophanarint, eòq; ad impietatem abusi fuerint. Tertio, quòd cum retracare omnia vt impiè & contra Dei ipsius vo-

luntatem inita maturè debuissent, iudaica
 sanè pertinacia in instituto progrediantur.
 Ecquis ista negat? Igitur quum expugnare
 ex professo Regnum Christi cū Iudæis illis
 dominos Inquisitores euincetur, constabit
 quoq3 eos qui se illis iuramēto astrinxerūt
 triplici illo peccato, licet per errorem, esse
 irretitos. Itaq3 si maturè velint saperé, ea
 erit istis vna salutis recuperandæ ratio, Pri-
 mū vt quam diligentissimè inuestigent,
 qualem causam Inquisitores tueantur, vt vi-
 deant demum, an pro Christo an contra
 Christum sub auspicio Inquisitorum arma
 sumant. Deinde obseruent, retractentue iu-
 ramentum, prout rebus sibi iam comper-
 tis expedire videatur. Iam ad rem.

Porro his absolutis, si qui sint inter poeni-
 tentes, qui ea censura notari cōméruerunt,
 Ecclesiastici muneris quo fungebātur gra-
 du amouent, degradari vulgo vocant. Ea
 functio degradādi scilicet, episcopo, vt qui
 illos initiauerat, pōtificalib9 induto cedit.
 Morituri ex sentētia Patrum eo die actuali-
 ter vt ipsi dicūt, degradant, ceremoniæ sunt
 planè tragicæ ac mirabiles. Indutum prius
 missaticis vestibus omnib9 veluti impia se-
 ra facturū particulatim post modum exu-

unt tùm in gesticulationibus tùm in verbis
certa forma excantationum ad ornamenta
singula, adhibita, ijs contrariarum quibus
antea, cum initiatus fuerat, vsi sunt. Ra-
duntur deinde manus, labia, tonsura capi-
tis (fragmento vitri aut peracuto cultro)
abradi sibi oleum significantes, quo quùm
eum excantarunt, fuit per vnctus, specian-
te atq; ad ea singula mysteria obstupescēte
populo, alijs vicem miseri hominis cōmi-
serantibus, alijs vti perfidum ac execrabi-
lem detestantibus, qui, vtiq; meliore iudi-
cio, vel eo vno fuerit fœlix, quòd eiurata
demùm solenniter in fine vitæ putida illa
vnctione, & abrafo, quoad fieri potest, illo
impietatis caractere, è vita migrarit. Nō
morituri verò verbaliter, quod ipsi dicunt,
degradari solent. Id in summa est ab officio
& dignitate suspendere quantisper Papæ vi-
sum fuerit.

Ceremonia quædam negligenda hîc
iure non est, qua Sanctum tribunal impu-
dētissimè ac prætextu nullo obducto aper-
tè irridet & Deum & vniuersam, quæ adest,
multitudinem, seq; vel ea vna dignum effi-
cit, qui ab omnibus pro merito vicissim ir-
rideretur. Ea est, quòd in fine sentētiæ illius

quem iam incendio adiudicarunt, qui tamen ad Romanæ Ecclesiæ gremium conuersus est, addunt, publicèq; ibi pronuntiarì iubent: eó quod Sanctum tribunal cōuersionem eius hominis haud veram & ex animo profectam existimat, atq; metus sibi sit ne sub ouina pelle lupum relinquat, ipsius conuersione non obstante, seculari tribunali illum sinere traderèq; : quod vehementer orant, vt multa erga eum misericordia vtatur, nèq; membrū, ósue quodpiam illi confringat, neuè sanguinis quicquā hauriat. Eum autem, quem à pia cōfessione non dimouerunt (cuiusmodi pertinaces ac obstinatos vocant) ijs verbis seculari brachio commendāt. Quoniam ipsi omnem suam diligentiam adhibentes vt ad gremium Romanæ Ecclesiæ hominem reducerent, nihil effecerint, in suis opinionibus contumaciter perseuerante &c. idcirco eiusmodi hominem tradunt ac permittunt seculari tribunali, vt in eum iuxta leges animaduertat: verū tamen orare se vehementer illud, vt si aliqua resipiscentiæ veræ signa ediderit, multa erga eum misericordia vti velit &c. Qualis est hæc impudentia? Addixerunt ipsi hominem mortis iudi-

iudicio ; tradunt ipsi eundem brachio seculari utiq; comburendum, atq; adeò ut si, qui irrogaturi sunt ea supplicia, hominem aut dimitterent aut deniq; non comburent, illi ipsi ex sancto scilicet officio opponerentur, obsecrât verò ut magna erga eum commiseratione seculare tribunal velit uti. Qua ergo commiseratione educunt miseros in eum locum dissolutis ac difractis plane membrorum omniû iuncturis quasi-
 fatos, ac per artus singulos contractis ossibus, venis, etiam ipsisq; visceribus interne disruptis ex sæuissimis illis torturis, in quibus etiam complures inter ipsorum manus extremos spiritus exhalant : obsecrant verò seculare brachium ne membrorum aut os quodpiam illis confringat, neue sanguinem hauriat ? videlicet quia quæ dâna torturis suis, miseris hominibus intulerunt ipsi, intra cutem sunt, neq; sanguinem hauserunt nisi per ipsum os, tenui etiâ linteolo aqua in imum guttur demisso, non cultro aut lâcea, infontes iam sunt ab effusione sanguinis & confractura membrorum ? Tractant ipsi eos absq; vlla prorsus commiseratione aut humanitate, excogitatis subinde novis cruciatuum generibus, quibus tor-

150 INQUISITIONIS HISPANICAE
querent miseros plusquam barbara sæui-
tia. Precantur vero iam seriò seculares iu-
dices obtestanturq; , vt multa misericordia
cum eis agant? Sed irrisores homines hac
vna obtestatione videtur sibi probè excussis-
se canonis sui cēsuras in eos , qui ex ordine
ecclesiastico aut sanguinem fuderint , aut
membro quempiam mutilauerint, anathe-
mata atq; irregularitatem intentantis.
Censuræ enim nihili ac pro delicti magni-
tudine ridiculæ ridiculis quoq; ac nihili re-
medijs vitari possunt . Audiunt vero tùm
principes tùm populus, atq; ipse in primis
secularis magistratus , qui iniquissimas il-
las sententias exequendas suscipit , eius-
modi irrisoria impudentissimaq; nugamē-
ta , & prætereunt : alioqui enim nemo est
adeò vecors, qui non intelligat confictæ ad
ludibrium omnium misericordiæ ea verba
esse , quæ nequaquam vt ita fiat , proferan-
tur. Et sic quidem sanctæ matris Ecclesiæ
in errantes filios pietatem, commiseratio-
nem , ac misericordiæ maternæ viscera re-
tinet sanctum tribunal. Illud etiam obseruet uel
cæcus lector, quòd de illo cuius conuersio suspecta æ-
dhuc est Sancto tribunali, nè uidelicet lupum relin-
quat ouina pelle contextum, nullam rationem incen-
dio

dio aptiorem in artium suarū scrinio reperire potuit
Sanctum tribunal.

Diximus superius eam actus partem,
quæ sententiarum lectione constat, præci-
puā esse, ac peculiari quòq3 observatione
indigere, quòd singulari quadam perfidia
non solum ea plerunq3 recitent, quæ accu-
satus confessus est, verum etiam quæ nèq3
dixit vnquam, nèq3 cogitavit quidem: ex-
cogitavit ea verò Sanctum tribunal par-
tim impura, partim nefanda, partim etiā
blasphema, vt pœnitentis cum personam
tum doctrinam apud vulgus reddat abomi-
nabiliorem, atq3 ampliorem sibi authori-
tatem ac existimationem acquirat, vt quod
ad perpurgandam ab eiusmodi diris pesti-
bus terram per quam necessarium orbi fue-
rit. Hæc illis in suis sententijs ad populum
recitantibus, lupatum ligneum pœnitentis
linguam vehementi cum cruciati mordi-
cus tenet, nè respondere ac inficiari quic-
quam & tueri suam innocentiam possit:
quod si fortè detur, mendacij illos, quod
non semel accidisse constat, in publico the-
atro insimulat. Ceterum haud diu durat
acris illa disceptatio, lupatum enim ligne-
um in pœnitentis os proteruè disputantis

132 INQUISITIONIS HISPANICAE
confestim inectum, liti finem imponit,
ac veritatem, nè in publicum prorsus erū-
pat, prohibet. Id autem quod accusatus
ingenuè, aut secus confessus est, adeo ve-
teratoriè, peruersè, transmutatis ac immu-
tatis verbis recitant, vt eodem ferè loco cū
eis quæ nunquam cogitantur iure haberi
possit. Eius rei exempla quia grauiasunt,
nèq3 de facili irrefragabilia, vt pote quæ in
orbis theatro sint edita, seorsim infra po-
nemus.

Perlectis sententijs, peractisq3, vt su-
pra dictum est, degradationibus, secularis
magistratus morituros solenniter suscipit
pro officio à Sancto tribunali ei iniuncto,
atq3 ad supplicij locum deducit, illis satha-
næ procuratoribus eos comitantibus, qui
summa ac indefessa prorsus improbitate in-
cessanter ab eis extorquere contendunt, vt
veritati quam receperunt, abrenuncient.
Accidit sæpè numero vt in pia confessione
constanter perseuerantibus ad palum sup-
plicij gulam citò frangant, ac mox in cla-
mores ad vulgus erumpant, eos errorum
pœnitentia ductos ad Romanæ Ecclesiæ
gremium inter extremos spiritus recurrif-
se, ac ignem proinde nō sensisse scilicet in-
qui-

quisitoria in conuersos misericordiae beneficio. His ac cõsimilibus artibus veritatem sepelire student, perinde ac si illius vindex Deus ad eam è tenebris & sepulchro erundã minus esset potens. Reliqui qui mortis supplicio non sunt destinati, in carcerẽ Inquisitorium reducuntur, & in sequenti die educuntur ad verbera, qui ad ea fuerunt damnati: ex quibus complures post verbera mittuntur ad transtra, alij ad perpetuum carcerem Inquisitoriũ, vel in aliũ quempiam locum sibi in carcerem destinatum, admoniti prius vt depromant, siquid aut de ipsiis aut de aliis in memoriam præter iam deprompta redierit, alioqui si quid postea eos astutè oculuisse dephehensum fuerit, pro impœnitentibus habendos atq; grauissimè in illos fore animaduertendum. Omnium verò maximè summa eis seueritate præcipiunt, ne quid vllò modo reuelent eorum quæ toto captiuitatis suæ temere ibi viderunt, audieruntue, aut quo modo fuerint tractati, quãue methodo aut ratione in audientijs, in torturis, in ipso carcere ac in vniuersa demum inquisitoria œconomia cum captiuis procedi soleat, quin potius eo toto tempore quo ibi degerunt,

se mortuos planè existimauerint: fore alio-
 qui vt si quicquam eorum mysteriorum te-
 mere effutierint, idq; ad Sancti tribunalis
 aures vsq; dimanauerit, pro relapsis ha-
 biti seuerissimam omnium censuram sube-
 ant. Relapsorum autem, quos vocant, cen-
 sura, mortis est suppliciū inexorabile. At-
 qui hæc diligētia qua indubitati exitij me-
 tu egredientium indè ora consuunt, est illis
 omnium sacrarum artium lōgè necessaria,
 hoc seuerissimo mysteriorum silentio, velu-
 ti fidissima quædam clavis, totam tyranni-
 dem obserante ac communiente. Comper-
 tū enim in primis pisis est, quòd si rex, qui
 in eo munere eos cōlocat quoquo modo
 noscet eorum perfidias, violentias, impie-
 rates, mendacia, dolos, diabolica stratage-
 mata, strophasq; mirabiles, quibus ad irre-
 tiendum complures innocentes, qui néq;
 dixerunt, néq; viderunt, néq; audierunt,
 pleraq; de quibus accusantur, vti solent:
 præsertim verò eorum tūm auaritiam, tūm
 sæuitiam ac plusquam barbaram inhumana-
 nitatem ex auaritia utiq; prognatam, In-
 quisitione in eos ipsos seuerè cōuersa, prof-
 pecturus haud dubiè esset & reipublicæ ac
 subditorum suorum incolumitati, & iusti-

ARTES ALIQVOT DETECTÆ, 155
tiz ipsi in primis, cuius legitimus patro-
nus est à Deo constitutus, potius quam ini-
quissimo Fisco eiusmodi artibus & parto
& aucto: rege verò pietatis ac iustitiæ eius-
modi officiū negligēte, ipsa plebs iniecto
in eos ipsos igne, quo in primis hætenus
fuere formidabiles, sibi certè non esset
de futura.

Tanto demū studio laborant in sepe-
lienda veritate & ne ipsorum iniqua tyran-
nis in lucem aliquando veniat, vt complu-
ribus viris authoritate præstātibus post diu
turnos carceres & triumphale illud dede-
cus, inter alias sçuioris mulctæ partes inter-
dixerint omnium hominum colloquio, nisi
tantum eorum quos ipsi præscripserint: itē
nè literas ad quēquam dent ipsis inconsul-
tis, qui & eas prius sint inspecturi. Prætex-
tus est speciosus sanè, ne videlicet collo-
quio suo aut literis ad absentes missis erro-
res suos latè disseminare possint: atq; re ve-
ra id conantur nè eiusmodi homines, qui-
bus & amicitix & affines præclariores fa-
to ipso cōtigerunt, iniuriarū quoquo modo
apud amicos affinesue cōquesti, apud ipsū
demū Regē periculū cōficiāt Sancto tribu-
nali in lucem cum suis artibus præcundi.

130 IN QUAESTIONE INTER ANTI-
Istius eorum consilij argumentum est, quòd
hoc multæ genus, intactis vt plurimum in
ferioris conditionis pœnitentibus, percel-
lere tantum soleat clariores.

In initio quùm primū eiusmodi actus
triumphales ob Lutheranos, quos vocant,
cœperunt agitari, qui eis intererant curio-
siores solebant ad absentes amicos intra
atq; extra regnum ipsum ea omnia perscri-
bere quæ in eis spectaculis prodebantur:
in primis verò circa ipsos pœnitētes quic-
quid ex eorum sententijs, in quibus causæ
suppliciorum reliquarumq; multarum re-
ferebantur, audiuiſſent. Sanctum tribunal
(vt experientia ipsa in dies edocente noua,
artifices se ipsos superare solent) qua est in
rebus suis sagacitate, maturè subolfecit
in ipsius damnum illud posse recidere: vi-
delicet, eam doctrinā à qua ipsum tanto-
pere abhorreat ea vna ratione diuulgari ac
propagari latius posse quā sibi expediret:
complures enim qui alioqui eiusmodi re-
lationibus nunquam visis potuissent in an-
qui sua cæcitate permanere, illarum adiu-
mento inciperent aperire oculos ad agnos-
cendum & doctrinam ipsam, & eorum ini-
quitatem, qui illam persequantur. Huic

m alo

malo occursum est Sancto tribunal eam curam suscipiente, & earum relationum aliquot exemplaria, breuia, ac vt videntur minus nocere posse, perscribente, edēteq; in vulgus, vt qui voluerit, quæ acta sint, ad absentes scribere, illarum formularū præscriptum sequatur, grauissimis intentatis pœnis, ijs qui ad ampliorem narrationem calamum intenderint. Ratio verò conditarum ab eo relationum est eiusmodi: persona pœnitentis ex nomine & conditione expressa mox addunt, quia habuit errorem seu errores Lutheranos (erroribus qui tamen ante speciatim referebantur minimè expressis) combustus, aut ea vel ea multa castigatus.

Porro quando Sanctum tribunal errare certè potest (etsi eo dementia iam peruenierit hominum superstitio atq; adulatio, vt secus asserat, spiritu Sancto vt voluit illud gubernante) accidit vt aliquando erraret, quibusdam nulla prorsus causa aut leuissimis demum indicijs cōprehendi iussis, cum paucissimos alioqui comprehendat ex sufficiēti ac legitima informatione. Plerosq; horum, posteaquā in supradictis ergastulis atq; in ea miseria quam superius

reci-

recitauimus, tantisper dum de eorum cau-
sis cognoscitur, ad annum & annos &c. vin-
ctos habuit, comperta demum eorum in-
nocentia cum eos iudicio absolvere est ne-
cesse, vno aut altero die post theatricū illud
triumphum eos ad audientiam vocant, ac-
cerfitosq; nouis atq; grauissimis obtesta-
tionibus oppugnant, vt veritatem depro-
mant rigorem iuris alioqui experturi: intē-
tatisq; torturis minitantur asserentes exta-
re aduersus eos sufficientem informationē
&c. Si terri culamentis illis quisquam per-
motus verbum aliquod ex ijs quæ ipsi op-
tant, emiserit, eo in ergastulum continuò
reduci iusso, litem de nouo redintegrant;
Si vero nihil se ab eo extorquere posse vide-
rint, neq; quicquam alioqui aduersus eum
alicundè habeant, remisso illo commina-
tionum rigore, ad blandiora verba conuer-
tuntur, se videlicet meliorem de eo existi-
mationem habere inquentes, quare in do-
mum suam eum remittere constituerint;
officij vero ipsius fore vt illis dominis gra-
tiam ingentem habeat, qui ipsi rebusq;
ipsius vehementer ac paterne consuluerint
persuasum proinde habeat, eos ob perso-
næ ipsius intuitum in primis verò optimi
de

de se exempli quod in sua captiuitate ipsis exhibuerit, tollerantiæ quam toto eo tempore præse tulerit, singulari eum misericordia prosequutum esse, ac tum quidem prosequi &c. Huiusmodi vnguentis delinire conantur probi ac æqui, scilicet iudices vetera vulnera quæ innocenti prorsus inflixerunt, ac sic demum ad sua remittunt, commendato tamē in primis silentio, atq3 eodem vel post cognitam exactè ipsius innocentiam in carcere adhuc (ecquid enim eorum interest alterum vel innocentissimum in prædura illa captiuitate pati?) per multos dies ad vnum atq3 alterum à triumpho diē astutè asseruato, vt illo quoq3 eodem ferè tempore quo mulctati alij in publicum egrediuntur, egrediente, eum quôq3 mulctatum inter alios, leuiore tamen quadam mulcta vulgus existimet, neq3 de Sancto tribunali sibi vnquam persuadeat absq3 sufficienti informatione quenquam comprehendere.

Qui inter cæteras mulctæ partes ad perpetuas siue etiã volutarios carceres, aut certè ad cōstitutū (Hic novos laq̃os lupi rapaces miseras & incautas irretiēdiones moliunt)

tem-

tempus aliquod damnati sunt, etsi in Inquisitorio carcere amplius non sint, nè credāt nihil amplius negotij cum sancto tribunali sibi superesse: vbicunq; enim gentium sibi fuerit destinatus extra Inquisitionem carcer, constitutas insidias quoq; habent, quæ attentè ac continenter obseruent, eoque animo, lætonè an iniquo, eam conditionem ferant: quibus etiam verbis animi habitum pròdant. Namq; si hilariore animo sint, aut quouis modo in sua afflictione lætitiā præsētulerint, reus erit concilio Inquisitorio, qui sic fecerit, ac multā proinde sentiet grauiorem. Visitantur in illis destinatis carceribus ab ipsis Inquisitoribus, verū eadem plane ratione qua eos in Inquisitorio suo carcere antea visitabāt, atq; in eosdē omninò fines, vt supra dictū est, nempe vt specimen aliquod humanitatis ac misericordiæ apud vulgus edant: at re vera nouum terrorem ac cruciatum haud iam adeò miseris incussuri. Ibi inquirunt ab ipsis captiuis, & ab eis quibus curæ sunt an posteaquam Inquisitione egressi fuerint, quicquam quod ad piā doctrinā pertinere videatur, à quoquam ex cōcaptiuis audiuerint? à quonam? quo vultu id

id quicquid fuerit, alij exceperint? Item, an conqueratur aliquis acceptæ mulctæ? Omnium maximè an mysterium quodpiâ Eleusinae matris, Inquisitionis inquâ, quisquam reuelauerit. Item an fugam e carcere quisquam est meditatus, & eius generis complura. Si nihil eiusmodi inueniant, vacuo ac frustrato reti reuertuntur. Si vero quicquam inuenerint, aduersus reum nouâ litem intendunt. Accidit Hispalij haud ante multos annos in quadam eiusmodi visitationum, vt captiuo quodam ab Inquisitore Licentiato Gasco post nescio quot annos in arbitrario illo carcere exactos missionem obnixè obsecrante, dominus Inquisitor, qua erat in legibus & vtroq; iure eximia eruditione, adeò se pium in sua responsione ostendere affectans vt pietatis cancellos, quos vtiq; nouit nunquam, pretergressus inquisitoria grauitate responderet: Sat nunc (inquit) ferte æquo animo hanc calamitatem: hic enim suffertis pro peccatis omnium, & pro nostris quoq;, atq; etiam pro vestris: ego interea alloquar cæteros dominos Inquisitores, fietq; quod fieri poterit. In has ineptas blasphemias, aut blasphemias ineptias nullus Inquisitor in-

162. INQUISITIONIS HISPANICAE
quisiuit. Cæterum egressus conclaue illud
in quo eos captiuos tuerat adeò theologi-
cè consolatus, custodem captiuorum solen-
niter, ac pro inquisitoria autoritate ob-
testatur, vt diligenter eos obseruaret, caue-
retq3, nè ex iplis quisquam effugeret, alio-
qui daturus & negligentię pœnas & ad
elapsum persequendũ sump-
tus omneis.

INTERPRETATIONES SENTENTIARVM.



ABET Sanctum
tribunal peculiaria
quædam vocabula,
quibus nominat
multarum singu-
las, quibus in pœ-
nitêtes suos solet a-
nimaduertere. Ita

que, quando hic quoq3 artem inquisitoriã
subesse non est obscurum, ea etiam ex ipso
rũ Inquisitorũ scrinio ac mente hoc in lo-
co interpretari haud superuacaneũ fuerit.

Igitur ex sententijs alię sunt in quibus
ad incendium damnantur viui, atq3 vt su-
pra dictum est, has in eos modò ferre so-
lent,

lent, qui puram ipsis fidei confessionē ediderunt, in qua & constanter ad finem vsq3 perdurarunt, quos pertinaces ipsi vocant. Alijs ad incendium quidem damnantur, sed mortui, laqueo scilicet ad palum supplicij confracta prius gula, his in eos animaduertunt, qui propria veluti fragilitate victi ipsorū assētiuntur votis sic tamē vt iudicijs aliquot sufficientibus suspicionem de se fecerint, etsi ore piam doctrinam abnegauerint, animo tamen illis haud effeulsam. Nonnullos ex eis quos ipsi pertinaces vocant, antē incensum rogi eodem modo extinguunt, vt populo ē vestigio suadeant, eos igni admotos, hæresibus scilicet eiuratis, ad Romanæ Ecclesiæ doctrinam recurrisse. Sed de his supra. Feruntur & aliæ sententiæ in speciem mitiores, quas Reconciliationes vocant, eò quòd eis veluti expiati multis, qui veritati Dei renuntiarunt, in Romanæ Ecclesiæ gremium recipiantur. Ex cereis extinctis gestatis in manibus die illo triumphi, restibus collo incertis, Sambenitorum ornamentis, veluti signis quibusdam reatus, perpetuò aut ad præscriptum annorum spatium super alia indumenta gestatis : Item carceribus

seu potius reclusionibꝫ, aut in claustris monachorum, aut in priuatis alijs locis consistere solent: quarum scilicet reclusionum vt sunt diuersa genera, ita quoqꝫ sunt diuersa nomina. Alias vocant perpetuas irremissibiles, alias simpliciter perpetuas, alias ad statutum aliquod tempus, quo elapso hærendum in eisdem sit postea ad ipsorum Inquisitorum arbitrium: alias præcise ad arbitriũ primarij Inquisitoris, quem, & omnibꝫ totius Regni inquisitorijs tribunalibus imperet, Generalem vocant, alias porro ad ipsorum minorum Inquisitorum, qui sententias ipsas tulerunt, arbitrium ac voluntatem. Omnes istæ carcerum differentię imitantur rationem Purgatorii, Reseruatiõis tũ casum in negotio Pœnitentiariorum, tũ gradum consanguinitatis atqꝫ affinitatis in negotio Matrimoniali, nãqꝫ ad emũgendum postea quod supererat pecuniæ pœnitentibus, plus minúsue pro redimendi reatus qualitate iuxta pretium ab eisdem ipsis constitutũ singulis inuentæ sunt: Atqꝫ hæc ex inquisitoria misericordiæ cuius vnus beneficio Pœnitenti, alioqui ob erratum suum qualecunqꝫ perituro eiuratione in primis veritatis, ac deinde his rationibus redempta salus constat.

Quùm habitum (sic enim vocare solēt
 tanquam honestiore vocabulo Sambeni-
 tum) & irremissibilem perpetuum carce-
 rem sentia continet, eo nomine intelli-
 gendum est, quòd nisi post nouem aut de-
 cē annos in carcere atq3 ea vestis nota ela-
 pso nullus de eius mulctæ remissione ser-
 mo sit habendus, nisi Regis munificentia
 qui, quo libuerit demum tempore præsta-
 re id solus potest, illud beneficij mulcto
 fortè eueniat. Eo verò spatio tēporis exa-
 cto, ni fortè nouam de se suspicionem mul-
 ctatus fecerit, Primarius Inquisitor accura-
 tè tamen rogatus cultusq; remittere id to-
 tum solet. Quùm dicunt habitum & perpe-
 tuum carcerem, nèq3 addunt irremissibi-
 lem, ad tres annos accipi plerumq; solet,
 cæterum reseruata postea Primarij Inquisi-
 toris voluntate, è cuius arbitrio pendet vt
 decursis tribus illis ānis ab eo reatu ex inte-
 gro reus absoluat aut vt in eo dedecore quo
 ad vixerit postea vitam degat. Porro quum
 dicunt, habitum & carcerem ad tot annos,
 mensesue, ijs elapsis reus euadit liber, nisi
 forte præscriptioni illi temporis addide-
 rint quoq; voluntatē Inquisitorum. Clau-
 sulam eam vt plurimum adhibere solent.

ut eo veluti iniecto compede, quos voluerint per totam vitam sibi maximè deuinctos reddant. Enimuero quum dicunt habitum & carcerem ad Primarij Inquisitoris seu aliorum voluntatem, in ipsorum potestate est multas illas pro arbitrio aut retinere aut sustollere. Summa. Quibus cumq; vsi fuerint sententiarum formulis, ad ipsorum demum arbitrium ac voluntatem negotium vsq; reuocatur.

Ratio hunc carcerem ac reatus indumenta redimendi ea frequentior esse consuevit, quod Rege aulicis puellis puerisque, aut alijs, quibus ob gratiosa obsequia gratificari constituit, aliquot Sambenitorum redemptiones dono dante, is qui accepit donum, soletter inuestigat, vbi & qui ea multati poena sint, quibus illam maioris redimendi & facultas & voluntas suppetat, cum quibus postea de pretio paciscitur, prout potest commodius, pluri minorisue, tum personae coementis, tum etiam ipsius Sambeniti ratione habita: qui enim erant irremissibiles, carius, qui cum carcere perpetuo erant adiuncti, minoris: qui ad certum tempus & Inquisitoris voluntatem, viliori: qui ad Inquisitoris voluntatem tantum adhuc

minor

187 INQUISITIONIS HISPANICAE
minoris vendi solēt. Consuevit etiam Rex
eadem munificentia vti erga nōnullos, qui
ad redimēdos ex Turcica aut Maurica cap-
tiuitate fratres aut affines suos ea pecunia
Sambenitorum iuuari orant. Ei vero qui
Sambenito exui curat, vt vel apud Regem
ipsum voti fiat compos, beneuolentiam
Inquisitorum atq3 etiam scribarum vt sibi
antea conciliet, omnium maxime est opus:
alioqui vel concedente Rege & pecunia nu-
merata, omnis opera ab ipsis eludi solet
vaffricè ac malignè efficacia opponentibus
obstacula vel vno hoc verbo, oportere vi-
delicet Regem (atq3 etiam Papam ipsum,
si is fortè fuit qui absolutionem concessit)
melius edoceri de eo negotio, quòd si eo res
fuerit deducenda, facile est iplis antea mi-
nus studiosè cultis comminisci, hominem
non esse a reatu suo adeò perpurgatum vt
tutò fuerit dimittendus.

Quum quispiam ex inquisitoria censu-
ra carcerem tulit ad Primarij Inquisitoris
arbitrium duraturum: & is ob eas causas
quas ipse nouit, exorari non vult, tamen
néq3 saluo pudore repellere intercessores
potest, etsi captiuo ipsi aperta iam iniuria
fiat diutius detento, negotium se deferre

ad Inquisitores, qui de ea causa sententiam
rulerunt captiose dicit. Quum ad illos ven-
tum est, respondent, ad Primarium inqui-
sitorem illud ex sententia pertinere, ac sic
demum sese mutuò intelligentes captiui-
tatem miseri hominis per ludum distinent,
quousq; aut libet, aut quem cupiunt hac
arte cultum extorquent. Hoc ipsum usu ve-
nire solet quum multa ad arbitrium mino-
rum Inquisitorum est imposita, quum enim
& ipsi exorari nolunt, ad Primarium Inqui-
sitorem rem deferunt mutuò se scalpentes.
Itaq; nisi arte quoq; Inquisitoria ac pecu-
nia in primis eaq; haud tenui, à scriba
quopiam aut Sancti tribunalis famulo ali-
quo, qui authoritate præstet, libertatem
auspicatus, cum ipsis egeris, nihil efficies.
At verò altero ex Inquisitoribus aut præ-
cipuò quopiam Sancti tribunalis membro
pro captiuo preces intendēte, illicò cæteri
intelligunt aliquam occasionum sibi nota-
rum, quæ misericordiam ergà captiuū ci-
et, præcessisse, ac in primis intercessore
ipso precum formulæ inter eos ea de re vsi-
tatæ verbis inherente. Formula est, Precari
ipsum dominationes suas, vt negotium ta-
lis captiui inspiciatur, de cuius persona
deq;

deq3 ipsius vita intulpata, maximè vero de optimo patientiæ exēplo, quod in sua captiuitate exhibuerit, ipse sit abūdè edoctus. Adduntur hīc nonnulla verba in commendationē captiui, modesta tamen nè impēse studiosus illius videatur: ac demum conclusio est vt dispiciant domini an remittendæ mulctæ aliquis sit locus &c. Ex ijs quoque qui eiusmodi durioribus expiationibus reconciliantur, alij dimidia parte bonorum, alij toto, alij certa quadam pecuniæ summa prout dominis visum est rei hominis accidere fortunas, mulctari solent: id enim a fide quoquo modo deciscentibus, vt ad rectam eiusdem normam reuocētur, Fidei patribus videtur in primis conducibile, aut quia iudicio Sanctj tribunalis nouum quoddam piaculum sit hæreticum esse & simul habere vnde viuatur, aut fortasse in suis artibus deprehenderunt, vt helluoni temperata dieta, ita etiam homini ad hæreses procliui, nè in eas incidat, antidoti esse genus carere victu vel vsq3 ad mendicitatem. Ex ijs nonnullos, vt supra dictum est, ad verbera quoq3 damnant, alios ad verbera & ad trāstra: atq3 hoc sæuioris mulctæ genere in aduenas vt plurimū vti solent

vel leuiter peccantes, quo Sambeniti contemptum (est enim illis ridiculum) acrioris multæ grauitate compensent. Atq; hæc omnia ex Inquisitoria misericordia. Postremo atq; eodem leniore multæ genere in eos animaduertunt, qui ipsorum iudicio leuissimè errauere. Illud verò est, discooperto capite & absq; pallio, tum cerea candela in manibus gestata in theatricum illud spectaculum educi. Ex his quosdam iubent abiurare de vehementi, alios de leni: sunt verba ipsorum. Abiurationem de vehementi vocant, cum de cuiuspiam causa non satis apparuit quid demum fuerit statuendum, comprobationibus legitimis delatorem destituentibus, neq; eo ipso delato quicquam césura Inquisitoria dignum confitente. Hunc quia neq; vt apertè hæreticum damnare possunt, neq; omnino immunem pronūciare labet, præsertim extatibus qualiscūq; fidei malis indicijs, pro vehemēter suspecto pronuntiāt, ac demum iuxta hanc suspicionē eiurare iubent. Eiusmodi reum deprehensum postea vel in leuissimo næuo Papisticæ doctrinæ, pro relapso habēt, ac incendio adiudicāt. Abiurationē de leui vocāt eadē plane ratione, nisi quod

ARTE. ALIQUOT DELECTAE, 191
stent, siue minus, tam præcipiunt: neq; si in
eisdem postea mulctatus relabatur, pro re-
lapso habetur, vt mortis iudiciũ ferat, licet
delicti repetiti qualificatio, hoc est estimatio,
penes Inquisitores ipsos futura sit. Hoc
abiurationis genere, vt plurimum, vtĩ solēt
in erratis alijs, quæ lutherana nō sint, quale
est, si dijs placet, Fornicationē simplicē non
esse peccatũ. Hic error cerea cādela & ab-
iuratione de leui, vt res planē leuicula, mul-
ctari solet. Nōnunquā etiā cum ijs qui eo
errore detinētur, agunt verberibus & quidē
benē inflictis: cæterũ, vel si millies postea
repetiuerint errorē modò ad Inquisitoriam
miseriordiā cōfugiant, non erit capitale.

Et his quidē rationib; Patres fidei sus-
ceptos in fide infirmos, iuxta Pauli senten-
tiā, in rectā viā reducūt. Atq; hæc de Arti-
bus Inquisitorijs, tātisper dūm diffractio to-
to illo nequitie scrinio, apertis vulgatisq;
thesauris illis recōditæ iniquitatis, id quod
in omnes impios hypocritas deuastationi
Regni christi & gloriæ ipsius cōtēptui, eius-
dē defensionē, zelū, ac propagationē impiet
atq; ipudenter obtēdētes per Prophetā suū
Deus cōminatur, in Sāctā Inquisitionē, Pa-
tres fidei, Sāctū officiū, ac demū in totū illū
mysticū peccati hominem suo tēpore pro-

culdubio reuelādum adimpleri videamus.
 Mala. 2. Et nunc (inquit) ad vos manda-
 tum hoc ò Sacerdotes: si nolueritis audire,
 & si nolueritis ponere super cor, vt detis glo-
 riā nomini meo, ait Dominus exercituum,
 mittā in vos maledictionem, & maledicam
 benedictionibus vestris, imò & maledixi
 illis, quoniam non posuistis supra cor. Ec-
 ce ego corrumpam semen vestrum, & dis-
 pergam super vultum vestrum stercus solē-
 nitatum vestrarum, & assumet vos se-
 cum, & scietis quia nisi ad vos
 mandatum istud. Resi-

piscite.

Exem-

EXEMPLA

QVAEDAM SPECIALIA QVI-

BUS INQUISITORIAE ARTES

in ipso portò exercitio atq; vsu

dilucidius inspicie-

untur.



Pponere hoc in lo-
co visum est inquisi-
toriarum artium exē-
pla quædam, in qui-
bus, licet veluti in
aceruo quodā nul-
lôq; ordine tumul-
tuariè cōiectis præ-

ter illa quæ in suis quæq; locis apposui-
mus, inspicere licebit dilucidius inquisito-
rias artes, vt pote in ipso vsu atq; exerci-
tio eorum etiā tūm immanitas, tūm aua-
ritia inexplebilis, tūm iniquitas, iurisq;
omnis peruersio veluti in tabulis, suis co-
loribus depictæ & in sublimi defixæ apud
eos, qui illas intuiti fuerint, cōmodius pro
meritò traducetur. Adde etiā, quòd vel in
eorum gratiam, qui propter Euangelium

Chri-

183
septem annos, cum primum in Lutheranos
in Hispania, Hispalī præsertim ac Vallcole
tī in magno numero repētē atq3 ex impro
uiso erūpentes animaduerti cœptum est. Id
verò fuit āno Quinquagesimo septimo aut
octauo à parta per christū salute supra ses
quimillesimū, a d annū sexagesimū quartū.

In Inquisitione Hispalēli captus fuit ob
Religionē eo tēpore Anglus quidam Nico
laus Burtonus vir in primis pius, quē po
stea in fidei cōfessione & eiuratione impie
tatis immobiliter perseuerantē cōbuserūt.
Huius, quū primū captus est bonis omni
bus ac mercib3, quarū causa in Hispaniā ve
nerat, in Sequestri rationes, pro more Inqui
sitorio, redactis, inter ea quæ ipsius erant,
multas quoq3 opes merciū inuoluerāt, quæ
ipsi ab alio Anglo mercatore Lōdini agēte,
pro more mercatorū, factoris nomine, vt
dicūt. fuerant cōmēdata. Is accepta Londi
ni factoris sui ac merciū suarum captiuita
te, procuratorē cum tabulis in Hispaniam
misit, repetitū res suas. Igitur procurator
Hispalim appulsus, tabulis ac scriptis om
nib3 apud Sāciū tribunal repræsentatis, pe
tit illarū merciū sibi fieri potestātē. Respō
dēt domini, vt scripro agat, & aduocatum
deligat, (haud dubie p̄trahēdæ litis gratia)

atq3 illi ipsi humanitati scilicet, consulentes, ei quendam designarunt, qui supplices libellos ac scripta omnia, quæ in Sancto tribunali offerenda forent, illi conficiebat, pro singulis scriptis octo realibus avarè exactis, licet tantundem illi commodi, ac si nulla forent, scripta ea præstitissent. Ade-rat hic homo per totos tres aut quatuor menses singulis diebus bis, manè videlicet & à prandio, ad fores Inquisitoriae arcis petens ac obsecrans genibus ad terram flexis dominos Inquisitores, vt expediretur, præsertim verò dominum Episcopum Tarraconensem, cuius supra mentionem fecimus, qui primarij Inquisitoris loco Hispalitunc erat, vt is, pro primaria sua auctoritate, iuberet res suas sibi restitui. Præda verò erat ingens ac opima recuperatuq3 proinde difficilis. Post quatuor demum totos menses in precibus ac inanibus obsecrationibus insumptis responsum tandem accipit, scriptis quibusdam, eis quæ antea attulisset amplioribus, ex Anglia allatis vt rerum sibi fierat potestas, esse opus. Proficiscitur continuo Anglus Londinum, & allatis secum quas desiderauerant amplioris fidei tabulis Hispalim redit, eisq3 in Sancto

tribunali repræsentatis, domini responsum differunt, grauioribus occupationes, quibus tum distinerentur, causantes. Eodem responso singulis diebus repetito hominē distinuerunt totos alios quatuor menses. Exhausto iam pecunia Anglo, & expediri adhuc instanter supplicāti, rem ipsam ad Episcopum reijciebāt: consultus Episcopus se vnum tantū esse, rem verò ad alios Inquisitores quoq3, vt expediretur, pertinere aiebat: atq3 ea arte ab alijs in alios relata culpa, nullus apparebat liti finis. Tandem die quadam expedire hominē ipsius victi importunitate decreuerunt. Expeditio verò fuit, Licentiatus Gascus, vnus ex Inquisitoribus, homo inquisitorijs fraudibus apprimè strenuus, iubet eum à prandio adesse. Eiusmodi nuntio latus Angelus, de restituendis sibi rebus suis, deq3 se ad vincitū putandarum rationum causa introducēdo, quemadmodū ab ipsis Inquisitoribus, licet non benè intellectis, scilicet opus fore, vt vincitū ipsum conueniret, sæpe audierat, eos iam serio cogitare credens, ad vesperā redijt. Reuersam iubēt Custodi carceris, vt in quodam carcere, quem illi nominarunt, recludat. Angelus ad conferendas rationes

cum alio se introduci primū credens, haud multo post vinctum se atq3 in tenebroso ergastulo, præter suam expectationem deprehendens, intellexit demum, aliter rem habere quam ipse cogitarat. Post tres aut quatuor dies educunt eum in audientiam: & quando iuxta ipsorum artes haud malè id quadraret, res suas ab Inquisitoribus repente Anglo, absq3 vlla alia præfatione Ave Mariam recitare eum iubet. Recitat ille simpliciter in hunc modum, Ave Maria gratia plena Dominus tecum, Benedicta tu in mulieribus & benedictus Fructus ventris tui Iesus, Amen. Excipiuntur scripto omnia, & de repetendis rebus omni sermone omisso, neq3 enim opus erat, iubent eum in carcerem suum reduci, & actionem aduersus eum, vt hæreticum instituunt, qui iuxta Romanæ Ecclesiæ morem Ave Mariam non recitaret, quin potius in suspecto loco eam finiret, deberet enim addere, Sancta Maria Mater Dei ora pro nobis peccatoribus. Qua præcisa cauda diuorum intercessionem non probare, haud obscure videretur: atq3 ita demum, iusta occasione inuenta, mansit captiuus per complures dies. Eductus postea fuit in triumphum

phū paludatus, fortunis omnibus, pro quibus, licet non suis, utiq; certabatur, exutus, & insuper ad annum carcerem damnatus. Nomen illi erat Iohanni Phrontomocui Bristolensi.

Inter proscriptorū bona, aliorū quoq; opes confiscare Sancto tribunali neq; nouum est neq; non frequenter vtitatum. Vt enim fieri posset, vt si importunis allegationibus vllus concederetur locus, nonnullis fraudulentis adductis testimonijs bona sua, quæ aliorum esse comprobarent, e Fisco eriperent, Sanctum tribunal eiusmodi contentiones vitare, neq; eiusmodi fraudibus vllum locum relinqui cupiens, inferre illi iniuriam, quam ferre, sibi tutius fore ducit. Paucis ab hinc annis venit Hispanim mercator quidam aduena prædiues, cuius bona ob religionē fuerunt postea Inquisitorio Fisco adiudicata. Inter ea bona proscripta quoq; fuit nauis speciatæ pulchritudinis, qua meliorem opinione omnium Bethis antea nunquam viderat. Probauit homo legitimis testimonijs nauem illam ad se non pertinere: neq; id obstitit quin rationes quibus sibi illam adiudicaret, in suis artibus Sanctum tribunal adin-

ueuerit. Mercatori erat nomen Rehukino.

In eadē Inquisitione Hispalensi animadu-
uersum est censura inquisitoria, citrà mor-
tis supplicium, in pium quendam ciuem,
Religionis ergò. Inter alias multa par-
tes, bonorum omnium ac prouentuum, ex
quibus honestè satis antea uiuebat, pro-
scriptionem tulit, utq; in quodam priuato
carcere ad decennium fortunis omnibus
exutus recluderetur. Exactis in eo carcere
diebus aliquot, in quo in summa pauper-
tate ex pijs hominibus collecto stipe sustē-
tabatur homo aliàs minime sordidus, no-
tarius quidam Inquisitorius eum aditj, mā-
datum ex scripto adferens Sancti tribuna-
lis, quo centum & triginta ducatorū sum-
mā expensarum ac victus nomine, dū in
arce Inquisitoria fuerat, numerare iube-
batur Respondit ad mandatū id quod erat
verum, nempe expilatis ab eisdem ipsis fi-
dei patribus ac direptis ex integro bonis
suis omnibus, vndē eam pecuniam solue-
ret, nihil sibi fuisse reliquum. Responsum
hoc dominis haud fecit satis, ac notarium
secundò mittunt iubentes, ut intrā pauco-
rum dierum spatium, quod assignarunt,
pecuniam illam solueret, alioqui ut ex pri-
uato

uato illo carcere eductus in publicum ciuitatis carcerem deduceretur, ibiq; detineretur quousq; numeraret. Improuidi videlicet homines relaturi in Fiscum hominis bona omnia sibi ipsis antea pro expensis satisfacere non aduerterunt.

Ceperunt eodem ferè tempore in eadem Hispalensi Inquisitione nobilem quãdã fœminam Ioannam Bohorquiam, vxorem Francisci Varquij viri in primis clari ac Higueræ domini, filiam verò Petri Garfiae Xerezij Hispalensis ciuis opulentissimi. Captiuitatis causa fuit, quòd soror ipsius Maria Bohorquia spectatæ pietatis virgo, quam postea ob piam confessionem igni tradiderunt, in tormentis declarasset, se aliquoties cum sorore sua de ea doctrina contulisse. Quùm illam in carcerem coniecerunt, gerebat vterum semellrem ferme, quã de causa nèq; adeò arctè eam recluserunt, nèq; cū ipsa agebāt ea sœuitia qua cū alijs vinctis solent, fœtui nimirum consulentes. Octauo à partu die fœtū illi auferunt, quinto decimo verò eam recludunt, eandemq; cum alijs vinctis omnibus conditionē cogunt experiri, ac causa ipsius quo rigore quibusq; solent artibus agitari cœpta In

tāta calamitate id tantū solatij afflictæ cō-
 tigit, quod virgo quædā valde pia quam ob
 pietatē postea inquisitorius quoq; ignis ab-
 sumpsit, tetri illius carceris fortè data est
 comes. Eam puellā ad torturā quadā die
 educatā, atq; in carcerē à torturis reducatam
 adeò quassatā omnibusq; mēbrorū compa-
 gibus dissolutā, vt in iunceo lectulo ad la-
 borē potius quā ad quietē vtriq; concessio,
 vix ac nisi magno cū cruciatu volueretur,
 summa animi pietate, quādo externis offi-
 cijs nullus aut certè perexiguus ibi erat lo-
 cus, prosequuta est. Vix ista cœperat à tor-
 turæ quassatione cōualescere, quū ad eun-
 dem ludū illa educitur, ibi tāta atrocitate
 in Burro torquetur, vt cordis ad ipsas bra-
 chiorū, femorū, ac crurū tibias vsq; pene-
 trantibus, carceri moribunda restitueretur,
 sanguine per os affatim è vestigio erūpēte,
 disruptis haud dubiè visceribus, octauo de-
 mū a tortura die ex inmanū illorū leonū
 vnguibus ereptā Deus in æternā quietē ad
 se recepit. Laborarunt certè ipsi, nè hāc te-
 nellā heroinam in tormētis, eos adeò cru-
 deliter necauisse, ad vulgi aures perueniret,
 at qui cōspexerunt eam crudelitātē tacere
 non potuerūt. Si aut stryx, aut venefica, aut
 mariti liberorumq; parricida hæc fœmina

fuisset ad flagitiorū cōfessionē ex ipsius ore
 exprimēdā secularis, quē vocant, magistra-
 tus eiusmodi tortura expertus esset, cū fun-
 ctionis suæ ratio pro more illi redēda foret,
 haud abiret illi impunē, eiusmodi sęuę atq3
 intēperatę torturę eum quoquā postulāte.
 Cæterū a Sancto tribunali non exigun-
 tur eiusmodi rationes: & licet ipsi in tormē-
 tis necare impunē, vel eos ipsos de quorū
 innocētia testimoniū fert post exactiorem
 causę cognitionē: vt in huius honestissimę
 fœminę factō accidit. Quū enim ad eam
 cōdēnandā sufficiētia eos testimonia, li-
 cet omnibus inquisitorijs artibus cōquisita
 ac procurata, defecissent, quādo accusata
 eo nota foret loco vt negotij ipsius apud
 plebē esset omninō aliqua reddenda ratio,
 neq3 res, vllō modo dissimulari posset, in
 primo triūphi actū qui ab ipsius morte fuit
 indictus, sentētiā suā pronuntiari iubent in
 hæc verba. Quonia hæc domina in carcere
 obierit (suppressis haud dubiē causis) &
 eius causa inspecta ac diligēter examinata
 innocēs fuerit deprehēsa, idcirco Sāctū tri-
 bunal eā ab ōnib9 grauaminib9 per Fiscālē
 illi intētatis pronūtiare liberā, liteq3 pror-
 sus absolutā in suā tū innocētia tū existima-
 tione restituere, iubereq3 bona ipsius ōnia.

quæ in Sequestri rationes venerant, eis restitui ad quos ex iure pertinerent &c. Ac ita demum postquam eam in tormētis beluina truculentia necauerunt liberam pronunciarunt. Eiusmodi barbararum immanitatum rationē Deus ipse aliquando exiget, quando ea authoritate in terra defenduntur, quam ad eas seuerè vlciscendas instituerat.

Anno Christi 1563 Sanctum tribunal rete suum in sinum quendam expandere meditatum est, vnde nisi meliore, aut deteriore postea consilio capturam remittere statuisset, eam imprudens cladem Romanis agris inferret quæ nulli hæcenus Lutheri grauiorem forte vel imprudentes intulerunt. Res sic habet: Fuere nonnulli, curiosiores fortasse quàm romanis rebus expedit, qui de Monachorum ac clericorum turba acerbè querebantur, quòd ad ciendos cum fœminis amores sollicitandâq; honestarum matronarum, virginumq; pudicitiam, remedio, vt fertur, iam olim usitato, auriculari confessione abuterentur. Res sancto tribunali visa est consultatione ac remedio digna.. Cæterum quòd negotium esset cæcum (néq; enim quiquā erant

velu-

veluti in communi ac vulgato malo, nominatim delati) publico edicto, quod per omnes Archiepiscopatus Hispalensis ecclesias solenniter fuit publicatum, decernunt, ut quicūq; sciuisent, audiuisentue de quibuscunq; monachis aut clericis, qui ad eiusmodi flagitia, cōfessionis sacramēto abusi essent aut aliās ex confessoribus quempia cum filia aut filiabus Confessionis eiusmodi mala negotia quoquo modo agitasse, eū intra triginta dierum spatium Sancto tribunali indicarēt. Censuræ quoq; in negligentes, contemptoresue quam grauissimæ adhibitæ. Publicato decreto, adeò ingens mulierum turba ex vno Hispalensi ciuitate indicatum pessimos confessores in arcē inquisitoriā accurrebat, ut vel viginti scribe cum totidē Inquisitoribus excipiendis indicum depositionibus non sufficerēt. Itaq; negotiorū multitudine penē obruti domini Inquisitores, triginta alios dies indicibus assignarunt, neq; tantulo temporis spatio adhuc sufficiente tantundem tertiò, quartòq; induciarum constituere coacti sunt. Flerisq; enim honestis matronis atq; sublimioris cōditionis alijs ex censurarum atq; excommunicationis superstitione hinc vrgē-

te conscientia, indè virorum, quos sinistra
quapiam pudicitia suspitione offendere ve
rebantur, respectu eas domi continente,
quoduis tempus ad conueniendos Inquisi
tores haud censebatur oportunum, quare
& velatis Bethnico more vultibus & quoad
poterant occultissimè dominos adibant.
Haud pauca, quæ in illo Patefactionis tem
pore virorum in obseruando diligentiam
prudencia sua astucie superare nequuerunt,
amaræ Zelotypiæ aculeos ipsorum animis
infixere. Ex alia parte periucundum erat
spectaculum monachorum & clericorum
demissis vultibus cogitabundi ac melanch
lici ex malè sana conscientia incedentium,
atq; horis omnibus expectantium treme
bundi ac contreriti, cum quispiam ex Inqui
sitorijs familiaribus eis manus iniiceret:
neq; latum vnguem aberat, quin pleriq;
ipsorum, nèq; ab re, existimarent, turbu
lentiorem in ipsos tempestatem ortum iri
quam quæ in Lutheranos per idem quoq;
tempus grassaretur. Verum Sanctum tri
bunal re ipsa edoctum non modò sibi ipsi.
verum etiam vniuersæ Ecclesiæ Romanæ
factioni periculosissima ea consilia esse,
vnumque illum conatum, si vltra progredere

deretur, vt minimum, fatis fore ad summam atq3 insanabilem inuidiam ecclesiastico ordini conciliandam, in primis vero auricularis Confessionis authoritatē, quæ alioqui ex plumbeis aciculis iam modo pendere videatur, ex hominum existimatione prorsus abolendam, etsi negotium, si quod aliās, Inquisitoria tum Inquisitione tum animaduersione foret fatis dignū, tempestiuè ac præter omnium expectationem retulit pedem, sepultis etiam & æternæ obliuioni mandatis illis flagitiorum aceruis, qui ex legitimis iudicijs iam constabant. Fama fert clericorum aut monachorum nomen communi q̃pera ingenti pecuniæ vi Papæ nares emunxisse vt bono eo odore demulsus vniuerso Confessorum ordini diploma concederet, quo omnia illorum hac in parte errata ex paterna pietate remitterentur, præcipereturq3 Inquisitoribus vt ab incepto desisterent, & quæ acta erant, æterno silentio premerentur neq3 in hominum conspectum vltra prodirent. Cæterum inquisitoriarum rerum peritis hoc non videtur verissimile. Etsi enim illud Papa concederet tamen Sanctum tribunal eius esse potestatis

ut cum quicquam seriaz rei perficiendum suscipiat, vel ipsius Papæ autoritate opposita ab incepto delistere non soleat. Frequentiore in usu esse ut Papæ authoritati illud opponatur, atq3 aduersus eum obtineat, quod in insequenti exemplo iam apparebit.

Læserat biennio antea per eandē pro-
pemodum imprudentiam, Sancti tribuna-
lis nassam Romanus Pōtifex, iubilæi, quod
Plenissimū ipsi vocant, diplomate in Chri-
stiani orbis salutem, cui scilicet Christus
minus abūdē prospexisset, diuulgato. Præ-
ter ingentes alios indulgentiarum ac expi-
ationum aceruos, tæcīs quoq3 Lutherana
labe eo diplomate consulebatur: adeò vel
ex ipso Euangelij reti quæstuosam sibi nas-
sam nouit facere ingeniosus artifex, & te-
lum quod in ipsius pernitiem Christus vul-
gare orbi hoc tempestate fecit, quū vi-
tare vulnus nequeat, vel in suum lucrum
conuertere non desperat. Diplomatis ver-
ba erant, ut quicunq3 Lutheranis dogma-
tis ac opinionibus quoquo modo adhæsis-
sent, resipiscētes a furore scilicet, per quē-
cunq3 Confessorem ab ea labe absolui pos-
sent. Astutū certē & antiqui serpentis con-
siliū

filium. maxima rerum ea de causa perturbatione in Hispania ac in primis Hispali, vrbe omnium Hispaniæ longe celeberrima per illud tempus animaduersa & quòd Peccante multitudine, & in primis ad defectionem adiiciente animum, facilius minusq; periculose regnum in officio retinetur simulatione quadam vniuersalis clementiæ quàm sæuera ac pertinaci vindicta. Desiderari hic tantum poterat Sancti tribunalis incolumitas, cuius haud magnam rationem Pontifex videretur habuisse. Verùm illud hoc diplomatis articulo, quo vniuersa illa ingens præda è manibus ipsi haud dubie eripiebatur, vehementer offensum, damnata illa intempestiua Pontificis clementia, ei absq; vllò pudore sese opposuit, ac summotà omni rei cōtrouersia, pro imperio præcipit, nè illud Iubilæum reciperetur, nè ne publicaretur, quòd sancto tribunali præiudicaret: quare nèq; receptum neq; publicatum fuit. Videre hic licebat Satanā aduersum se ipsum diuisum. Haud obscure hinc apparet, Pontificis Romani obedientiam, quam probi isti domini igni & sanguine alioqui vindicant vt fidei articulum, careum nasum illis re vera esse, quæ

qua-

quaqua versum lubeat, contorquent: eisque pro laqueo & reti quo homines capiant, haberi potius, quam pro fidei articulo ex cuius obseruatione ipsi salutem sperent.

Cuiusque tyrannidis proprium est clementiam in primis iustitiamque odisse, vna vero crudelitate atque sauitia niti, vel cum summo odio timeri affectantis, quando alia æquiore ratione consistere se non posse videt. Ita ille dicere erat solitus, Oderint, dum metuant. Si quis animaduertat, nullam fuisse hactenus tyrannidem deprehendet, quæ hanc legem Sancto tribunali perinatius magisque tyrannicè obseruauerit, affectata quadam tum iniquitate tum sauitia vnum terrorem incutiente, adeò vt ea sententia nihil magis sibi in votis videatur. Oderint, dum metuant, res adeò leuiculas vt vix vllam reprehensionem mererentur, seuerissimis atque modum omnem excedentibus castigando poenis: id quod exemplis subsequenter comprobatur.

Episcopus Tarraconensis Hispali Inquisitor primarius de quo supra meritâ sanctitatis suæ mentionē fecimus, Ecclesiæ tum rebus eiusmodi latis deambulationes genijque indulgentias exigentibus, ætate quadam

quadam ad amœnos Bethicæ ripæ hortos animi gratia cum vniuerso inquisitorio satellitio atq3 episcopali scilicet apparatu pro cōsuetō sibi more est egressus. Ad stagni crepidinē eius horti, in quo dominus Episcopus tum voluptati indulgebat, sedebat fortē ludibūdus hortulani filius bimus aut fortē trimus. Vnus ex pueris domini Inquisitoris extorta ē manu filioli hortulani arū-dine qua ludebar, ploratus ei excitauit. Hortulanus audito plorāte filio mox adest, & causa pueriliū lachrimarū intellectu, succenset inquisitorio famulo, petitq3 arūdinē puero restitui: sed eo minus obrēperāte, ac insolēter cōtēnente rusticū arūdinē is ē manu arripit, quā dum Inquisitorius famulus pressiusculē conatur retinere, arundinis stipulæ acie in manu nōnihil est læsus. Haud erat læthale vulnus, mēbriue cuiuspiā mutilatio quæ multa sæuere foret vindicanda: sed scalpura quædā cute tenus qualem arundinis cōfractæ acies efficere poterat, puerile planē vulnus. Adit herū suū nō procul deābulātē puer Inquisitorius quæstū sanguinē, hortulanū capi iubet inquisitor & in arcē inquisitoriā trahi, vbi eum in prægrauibus cōpedib3 detineri fecit per totos nouē men-

mensēs, iacturam in fortunis suis, alloqui
 satis tenuibus, pauperi homini non facile
 resarciendam recipientem, liberis interea
 & vxore fame fortasse pereuntibus, quod
 scilicet inquisitorio puero, veluti facti quo-
 que tribunalis membro, non detulerit. Post
 nouem demum menses eum remittūt per-
 suadentes maiore longe misericordia quā
 pro culpa sua ergā eum fuisse vsos.

Erat Hispali homo quidā pauper ac ex
 sudore suo quotidianū sibi & familiæ victū
 parans, cui clericus quidam vxorem vio-
 lenter abductam detinebat, nulla interea
 neq3 Inquisitione, neq3 alterius tribunalis
 authoritate atrocēm iniuriam vindicante.
 Is pauper, dum inter alios eiusdem condi-
 tionis homines de Purgatorio fortē exori-
 retur sermo, excepit ipse rusticana potius
 simplicitate quā certo consilio, se satis
 quidem habere purgatorij, cui pessimus
 nebulo vxorem violenter auerterit &c. Is
 sermo ad aures boni clerici delatus inge-
 minandi in pauperem iniuriam occasione
 obtulit, illūmq3 vt male de Purgatorio sen-
 tientem apud Inquisitores accusat. Erra-
 tum hoc pauperis Sancto tribunali dignius
 est habitum, in quod authoritate inquisito-
 ria

toria vindicarent, quàm scelus clerici. Itaq; ob illud tantulum verbum miser capitur, detruditur in Inquisitorijs ergastulis biennio toto, ac demum in triumphum eductus damnatur ad gestandum Sambenitum per triennium quod in priuato carcere exigat: eoq; exacto, an dimittendus liber, retinendusue adhuc sit in carcere, dominorum Inquisitorum arbitriū esto. Néq; qualibuscunq; pauperis alioqui hominis fortunis est parcitum, vt vxor clerico, quod verò supererat tenuissimarum fortunarum post diuturnum illum carcerem, Inquisitorio cederet Fisco. Atq; hæc est illa Hispanica Inquisitio quæ tam acriter fidē Christianam asserit, ab hæresibus religionem purgat, in hæreticos animaduertit.

Erat apud vrbem Gadditanam aduenæ quidam, tamen in Hispania per viginti annos insertus, qui communi superstitione ductus hæremum in sacello quodam incolebat religionis ergo. Is audita in sacello suo ingentis multitudinis captiuitate eorum qui ob hæreses, quas dicebant Lutheranas, Hispali ab Inquisitoribus quotidie capiebantur: audito quoq; Inquisitorum decreto, quo præcipiebatur sub illis exco-

municationum terriculamentis, vt quæ eis de rebus vel de alijs vel de se ipso quisquæ nosset, Inquisitioni quamprimum indicaret: ergâ eos enim qui se ipsos ita prodidissent, dominos Inquisitores singulari clemētia solere vti, stupidus magis quā simplex heremita Hispalim venit, Inquisitores adiit, se ipsum defert. Peccatum erat, quòd cum ante viginti annos Genuæ esset, audiuiſſetq; fratrem quendam suum eis de rebus, veluti de hominis iustificatione per fidem in Christum, de Purgatorio, & id genus alijs disputantem: visa illa sibi fuerint non mala, etsi eorum postea nunquam vel meminerit (Fius scilicet heremita) Se proindē peccatum suum accusatum ac misericordiam petitum venisse. Accepta ea confessione domini Inquisitores, (fortassē vt victorum numerus ea accessione augeretur, iubent suum heremitam in carcerem detrudi, vbi multis exactis diebus in triumphum eductus Sambenitj & trimestris carceris & heremiticarum opum proſcriptionis sententiam tulit, néq; dispudet dominos Inquisitores, eiusmodi facetas nūcias vel in publicum educere vel tam seucrē punire etiam in suis.

In illo eodem triumpho eductus fuit quoq; honestus quidam ciuis Hispalensis sine pallio & pileo ceream candelam manu gestans, nūmaria etiam crumena centum ducatis hausta in expēsas scilicet sancti tribunalis, postquam annum in Inquisitorio carcere exegerat, tantum quòd dixisse est deprehensus, immoderatos illos sumptus, qui in exigendis Christo scilicet in cœlis iā agenti, die Magni Iouis operosissimis illis molibus papyraceis ac carbasaceis (monumenta abusu vocabuli vulgo vocant) illos item, qui in festo panis, quod Corpus Christi dicunt, profundi solent (Sunt enim Hispali prodigiōse immoderati) acceptiores fore Deo, si in egenos, aut in locandas bonis viris orphanas virgines Pauperes profunderentur. Hoc dictum Inquisitoriā tūm censuram tūm multā, quam diximus, subiit: & author veluti de Lutheranismō suspectus, de vehementi abiuratus.

Eductus est in eodem triumpho pauper alius quod inimicitias fortè gerēs cum quodā clerico Astigitæ vrbis Bethicæ coram alijs de ipso dixerit, Deum inter manus nequissimi adulteri illius descendere, se credere non posse. Vicarius ordinarij ob

illud dictum eum tūc mulctaretur. sed clericus ea vindicta non contentus apud Inquisitoriū tribunal Hispali eū postea blasphemix postulauit: neq; Ordinarij mulcta prior obstitit, quin iussu Inquisitorum captus & in carcerē per annum reclusus, eductus demum in triumphū sine pallio & pileo & cæreā candelā manu gestans ac lingua ligneo morsu capta in blasphemix scilicet vindictam de leui abiuratus secundo mulctaretur.

Auxere eductorum ordinem in illo eodem triumpho studiosi iuvenes duo: alter quod in albo suo reposuisset quædam carmina incerto authore cōfecta eo artificio, vt vel in summā Lutheri laudem, vel vituperiū, eadem verba interpretari possent. Is hoc solum nomine post integri anni carceres eductus fuit in triūpho absq; pileo & pallio cum candela cærea, vbi exilij a toto Hispalēsi tractu, ad triennium de leui abiuratus, mulctam tulit. Alter quod eosdem versus ob ingeniosum artificium transcripsisset eandem censuram est expertus, exilio tantum in centum ducatorum mulctam ad Sancti tribunalis sumptus commutato.

Eiusmodi exemplis haud obscuræ tyrann-

rannidis totos libros implere nō foret difficile, nisi quæ posuimus satis esse arbitramur ad hominum aures vellicandas vt ad complura, eaq̃ insolentiora quæ Sanctum tribunal noua quotidie de se edit, oculos animosq̃ intendant: quibus perspicue docet quo Sancto spiritu regatur, ac dirigatur in omnibus suis actionibus, quid demū in ipsis quærat, quóq̃ iure ipsi quadret Sancti tribunalis, ipsis vero Inquisitoribus Patrum fidei nomen, quo hominum mentes hactenus perculserunt. Neq̃ difficile cuiuis iā erit diuinare, augeaturne ac propagetur istis rationibus Christiana pietas, Dei veri agnitio ac cultus, Christi q̃ Regnum pijs omnibus exoptabile, an destruaturs potius, dissipetur, ac aboleatur Satanæ regno, quod mendacio constat, fraudibus, dolisq̃ augetur, scuitia, latrocinijs, parricidijs iustorum retinetur, aucto atq̃ in immensum propagato.

N ii

Pic

PIORVM QVORVM DAM MARTYRVVM CHRISTI ELOGIA, QVI CVM MORTIS SVPLICIUM ob Euangelij Confessionem Christiana constantia tulerint, Inquisitores postea suis eos artibus perfidie ac defectionis infamarint.



Aud abundè sibi satisfactum putant Inquisitores acerba eorum morte qui contèpta ipsorum scuitia coram ipsorum tribunali constanter Christû

falsi sunt, nisi etiam omnibus suis artibus adhibitis pro virili sua conetur auferre illis animorum quoq; vitam, qui Christus est in illis per eandem fidem habitans cui illustre testimonium & viuentes & morientes reddiderunt. Verùm quùm conatus suos omnes, potèti sua manu Christo retinèteluos, ex qua, vt ipse dicit, nemo eos ynquam ex-

torserit, frustratos atq; incaslos vident, auferunt illis demum quod possunt, bonum nempe gloriose constantiæ suæ nomen falsis post eorum obitum rumoribus disseminatis (atq; etiam antequam destinata de ipsis sumatur supplicia in ipso theatro, captis tamen prius illorum linguis, nè respondere quicquam possint) scilicet veritatis agnitæ pertæsos ad Romanæ Ecclesiæ mendaciū & tenebras rediisse. Geminum istud est Satanæ opus, & spiritus sui assistentiæ in sancto officio residētis perspicuū testimonium, quo non solum pios martyres constantiæ suæ debita priuat laude, verum etiā Ecclesiam Christi defraudat & exemplo & lætitia qua de ea alioqui frueretur. Et quando in nonnullis, quos vocant, Fidei actibus cum quibusdam, de quorum fortitudine atq; constantia nos Deus reddidit certiores, illud ipsum Patres fecisse, cōstat, expedit omnino superiori tractatui id appendicis vice additum in lucē edere, vt qui pijs martyribus debetur in Ecclesia honos atq; ex sua cōstātia existimatio restituatur ipsis. Ecclesiæ verò ipsi & sua cōstet lætitia, & ad Dei gloriā & sui exædificationē & ad sancti tribunalis æternum dedecus eiusmodi exēpla vindicētur.

200 INQVISITIO HISPANICA
IOANNES PONTIVS
LEGIONENSIS.



N primo fidei actu
qui hispani in lutheranos
piæ doctrinæ assertores
24. septembris anni 1559.
est celebratus, eductus
fuit in triumphum Ioannes
Pontius Legionensis Roderici
Pontij Legionensis Bailenij
comitis filius, vir claro genere
natus atq3 in Christi Euangelio
in primis eruditus & in ipsius
praxi à multis iam annis
longe exercitissimus, vt ex
diuturna quæ nobis cum ipso
intercessit, atq3 arctissima
consuetudine nobis constat:
quo nostro testimonio, alioqui
coram Deo veraci ac fidei,
indigere vt cunq3 videretur,
nisi eorum omnium qui hominē
nouerunt aut quoquo modo
ipsius pios mores vspiciam
inspexerunt, hoc ipsum publicus
consensus testaretur. Quum enim
virtutes omnes Christiana,
vera ac nulla ex parte fucata,
professione dignæ in eo
conspicerentur, singularis
quædam erga miseros atq3 egenos

fratres charitas totum pijsissimi viri animū
adeò occuparat, vt ex opulento patrimo-
nio, quo natalium tueri ac retinere splen-
dorem abundè potuisset, in extremam om-
ninò sed haud ingratam deijceret pauper-
tatem. Incurrit indè iudicia hominum vt
cæca ac præpostera ita etiam iniqua, ejus-
modi rara exēpla pietatis aut inertix aut
damnandæ profusioni plerumq3 tribuen-
tium. Atqui quando (ex fide haud du-
biè,) ita vixit, vt de eo nemo vnquam con-
queretur, nemo vllam indigni exempli vel
minimam suspicionem conciperet, com-
plures vero in suis necessitatibus ipsius bo-
nitatem re ipsa experirentur, fit vt prædu-
ra illa atq3 omnium oculis contestata pau-
pertas, quam omnium iudicio ea animi
æquitate tulit, qua vel mediocres opes alij
humilioris conditionis vix tulissent, pietat-
is cuiusdam singularis ac minimè fucatæ
argumentum esse debet. Is igitur pro pie-
tatis in mundo mercede ob Euangelium
captus ab Inquisitoribus, posteaquam veri-
tatem aduersus impia mendacia per men-
ses aliquot in carcere strenuè vindicarat,
aut torturarum grauitate aut incolumita-
tis blandis promissionibus permotus, in ex-

pugnabilem antea fidem flexit & ad Romanæ Ecclesiæ obedientiam turpiter deficiuit. Pertractus est in eam fœdā defectiōnem suāsu atq; opera cuiusdam pestilentis muscæ quam modo superius dicto vincti nomine cum eodem coniecerunt. Is vt pote homo literatus & insignis veterator, dolosis potius suasionibus ac promissis quam argumentorū robore pijsissimi alioqui hominis fidem labefactauit. Verūm, etsi in tam turpi casu ei Dominus fragilitatē humani ingenij manibus veluti contrectandam dedit, verbi sui utiq; memor, Nemo rapiet oues meas ē manu mea, ouiculam suam haud diu dereliquit, quin adeō fœdē iacentem ac proltrata[m] erexit, & ad constantiæ robur priore maius, potenter restituit. Ea nocte quæ supplicij sui diem antecessit, veritatem professionis suæ aduersus sacrificulum confessorem compluribus ex alijs tum vinctis tum Inquisitorijs ministris audientibus (siquidem ea hora res non agitur silentio) animosē defendit. Interrogatus à Sacrificulo ecquid sacra confessione vti vellet (aspernabatur enim illā, repulso etiam atq; obiurgato sacrificulo) quū antequā caperetur ea sæpe vsus fuisset?

set? Respondebat, id imbecillitati fratrum quos nondum vsq3 adeo progressos nosset vt citra scandalum eam libertatem essent visuri, fuisse datum. Interea tamen eo se fuisse vsum confessore cuius confessio collatio quædam de vera pietate potius quam confessio dici posset, ea vero concessione minime iam esse opus. In sua sententia lecti sunt publicè ij articuli inter illos quorum nomine in primis ad incendium damnabatur. Horreri se habuisse idololatriam quæ in adoratione panis committeretur: vnde si quando ei ad ægrotorum domos in pompa gestato daretur obuiam, aut citato gradu per aliam viam diuertere, aut eum antecedere consuevisse, ne vlllo adorationis cultu eum prosequi cogeretur. Sæpe in summo templo fortè ingressus nè sacrificuli manibus elatum conspiceret, tergum ei vertisse. Plerumq3 ad basim vbi pij ob veritatis confessionem comburi solent, deambulationis gratia concessisse, ac locum iteratis deambulationibus frequentasse, vt assidua cû supplicij, tum in primis fidelis ac gloriosæ confessionis meditatione, quam exprimēte per summam scuitiam mundo, pij Christo ibi exhiberent, horrorem supplicij veluti

164
veluti eò aliquando vocandus animo depo-
neret, atq; ad illud constanter ferendum ex
humana mollicie obduresceret. Item quò-
m adesseret status dies quo pani missatico ex mo-
re esset participandum, ablegasse aliò a se
famulos, quibus reuersis se iam pani com-
municasse confinxisse nè eius libertate offe-
deretur. Confessionis suæ summa fuit, Iu-
stificationem hominis vno Christi merito
constare, vnaq; in ipsum fide. Purgatorium
aliud esse nullum. Indulgentias ac Bullas
Papæ, meras esse bullas. Papam Romanū
ipsissimum esse antichristum. &c. Eo vsq;
flagrasse desyderio videlicet si quando ob
hanc, quam fatebatur, veritatem aut com-
buri, aut quoduis aliud supplicium ferre cō-
tigisset. In nullū alium vsum se desyderas-
se opes, nisi vt in eiusdem doctrinæ defen-
sione ac propagatione eas expenderet, in
cuius confessione vt & vxorem & liberos
quoq; daretur mortem oppetere quotidie
se atq; instanter Deum precari. Huius illu-
stris confessionis laudem corrumpere co-
natum est Sanctum tribunal, rumoribus ex
interiecta illa pietatis illius cōtinuato cur-
sui claudicatione desumptis, atq; artificio-
se malignèq; in vulgus sparsis. Sed eo vni-

eo modò eodemq3 breuissimo argumento
 abunde refellemus, videlicet quod in illis
 narrationum exemplarib9 quæ de illo a & u
 fidei conscribi ipsi fecerint, instituto suo mi
 nus prouidè attendentes in his verbis (quæ
 & extant) quibus viri huius optimi & cri
 mina & supplicium comprehendere volue
 runt, rei veritatem imprudentes indicarūt.
 Ea sunt, Ioannes Pontius Legionensis pro
 hæretico Lutherano PERTINACI com
 missus. Inquisitoriam fraudem vnicum illud
 verbulum de hominis constantia dubitan
 tibus traducit satis, nobis per antea & iam
 vitam spectatissima ipsius pietas,
 cuius per multi fuerunt inspe
 ctiores, abundè sufficit.

Ioan-

IOANNES GONSALVVS

CONCIONATOR.



Ductus fuit in eodē triumpho quoque concionator quidam ex clericorum ordine minime clericus, integerrimę vitę homo, & in sacris li-

teris, ex quibus vnīs verā hauferat pietatē relicto sophisticę theologię cœno, in quo haud mediocrē operā antea luserat, in primis eruditus. Videbatur in suis omnibus concionibus iam ab annis aliquot eam sibi prouinciam consulto destinasse, veram iustificationis rationem, quę explosis in vniuersum quibuscunq; hominū meritis vna in Christum fide constet, assidua neq; in cassa importunitate hominum animis infigendi. Ioanni Gonsaluo illi erat nomen. Eiusmodi studium: eo quem habuit, euentu carere non poterat. Confessio porró ipsius vel ipsis Inquisitoribus renuntiantibus, eadem cum superiori Ioannis Pontij fuit, vt qui mutuò sibi familiares antea fuerant, in
fidei

fidei quoq3 confessione atq3 in ipso demū supplicio iungerentur. Nocte parasceues sui transitus cum suis confessoribus acerrime quoq3 disputauit quos & remisit post longos vtrinq3 clamores pudore suffusos. Egressus ex arce Triana ad theatrum vsq3 in triumphum duobus germanis sororibus ad eandem eductis fortunam comitatus, & matre cum duobus fratribus in carcere relictis, ex quibus mater & ex fratribus alter insequenti. postea actu fuere combusti, singularem animi fortitudinem atq3 constantiam præse tulit. Arcis limine egressus & in totius populi, ad quem sæpe antea de pietate concionatus fuerat, conspectum datus, Psalmum 106. Deus laudem meam ne tacueris alta voce recitare coepit, hypocritarum pessimum genus utiq3 diris illis deuouens. Eandem omnino faciem in ipso theatro retinuit vel accepto in os ligneo morfu, quòd ex sororibus alteram quam ingenio fortassis teneriore nouerat, liberius atq3 apertis verbis consolaretur, atq3 ad constantiam hortaretur. Sententia, qua ad rogam damnabatur, attente audita haud demissiore animo vultuue solennissimam

illam

illam degradationem tulit, accepitq; vestes atq; insignia confessionis suæ, probrosa illa quidem in oculis hominum, at decore ac gloria plena in oculis spectâtis Dei & angelorum, videlicet impijs illis ac ipso incendio dignis missaticis vestibus exutus, Paludamentum, restim, & papyraceâ thiarâ. Appetente vespere, qui comburendi erant, in locum supplij adductis, vt fidei symbolum recitent ab eis petunt, quod pro se quisq; recitare non dubitauit: sed cum ad illud ventum est, Credo sanctam Ecclesiam, vt Romanam adderent, iubent. Hic omnes vno animo substiterunt. Clericis vero & monachis, qui antichristi eo loco obibant munus, importunè exigentibus à sororibus Ioannis Gonsalui & ab alijs pijs fœminis in quas iam erat incendio animaduertendum, vt particulam Romanam adderent, illæ responderunt facturas se quod Ioannes Gonsaluus faceret. Non quòd quid sibi dicendum esset, quidue Ioannes Gonsaluus esset facturus illę ignorarēt, sed vt ea occasione illi lingua acerrimo lupato solueretur, quo de illo articulo atq; eo in primis tempore appertam fidei suæ confessionem edere liceret. Solutis igitur morfu ligno

gneo pius magister, vt forti animo essent,
 nihilq3 addēdum superesse respondit. Hac
 postrema confessione edita, omnibus ante
 accensam pyram festinatò gulam fregerūt,
 & è vestigio cœperunt clamare, particulam
 illos Romanam, prout ipsi postula-
 rant, addidisse, qua in Romanæ
 Ecclesiæ confessione
 decessissent

O

Qua-



QUATVOR FOEMINAE HISPALENSES



Minebant singulari vitę sanctimonia inter antiquiores pietatis professores pijsimę illius Ecclesię Hispalensis, quę penę totam inquisitorius iam ignis absumpsit, quatuor foeminę, Isabella Vaenia, Maria Viroesia, Cornelia, & his tribus ætate iunior Bohorquia, (vix enim attigerat vigessimum primum annum) Sed licet pietate pari, sacrarum tamen literarum eruditione, in virguncula planę prodigiosa, quam assidua lectione & meditatione & collatione cū pijs ac doctis viris quibus illis diebus abundabat Vrbs Hispalensis, in primis verō exercitiō ipso pietatis sibi comparauerat, non solum sodalibus superior, verum etiā compluribus ex doctissimis magistris nostris iudicari poterat, quos, dū in carcere esset, pudore sæpē magno suffudisse illi ipsi sunt testati. Prioris, hoc est Vaenię, ædes perpetuę pietatis

tis scholæ fuerunt locusq; sacer vbi sacri cō-
 uentus habebantur, ac perpetuæ Dei &
 Christi eius laudes diu noctuq; resonabāt.
 Nihil ibi videretur prophani, nihil etiam
 ad sanctimoniam ostentationem, solidæ pie-
 tatis plena omnia. Pertingit eò demum
 inquisitorium rete illasq; quatuor cum quī-
 busdam alijs ex vicinia iactu vno cepit,
 Deo utiq; aq illustrem nominis sui confes-
 sionem maturas arbitrante. Promouerat
 ad tantam sacrarum literarum eruditionē
 virginem Bohorquiam latinæ linguæ me-
 diocris peritia, qua in illa sæua conscien-
 tiarum tyrannide quæ sacris literis vulgari
 lingua populo interdicit, latinis porro vel
 ad facietatem vsq; frui poterat. Doctor
 AEgidius quo præceptore illa ob singularem
 viri tum eruditionem tum sanctitatem fre-
 quentius utebatur, dicere de ea erat solitus,
 semper se doctiorem ab illius colloquio
 discessisse. Habuerūt cum ea monachi Do-
 minicani dum in carcere esset mirabiles
 disputationes, quibus prodigiosum planē
 erat in dissoluendis ac medijs dissecandis
 ancipiti gladio verbi Dei eorum sophisti-
 cis nodis puellæ acumen & sacrarum li-
 terarum recens memoria vsusq; promptis-

simus. Hi quoties è disputatione egrediebantur, illius tum constantiæ tum sapientiæ, licet pertinaciæ nomine, luculentum testimonium dabant. Post diuturnâ in Cyclopeo illo carcere captiuitatem & torturas omnis generis in quibus & sororem veluti eius doctrinæ consciam per summam sæuitiam ab ea tortores expresserunt, quod sorori captiuitatem primùm, deindè acerbam in ipsis torturis mortem confecit, educta est demum in triumphû cum alijs pijs viris & fœminis a nobis supra commemoratis, sed quæ de Sancto officio triumphantis speciem potius hilaritate vultus præferret. Eam inusitatam virgunculæ triumphantis lætitiâ aperta veritatis confessione & diuinarum laudum cantu declaratam inquisitoria malignitas atq; inuidia intercipere conata est, iniecto in illius os lupato in ipsa via, quod paulo post antequam ad theatrum veniretur, ei abstulerunt. Perlecta in theatro eius sententia & mortis supplicio illi publicè denuntiato, eam interrogarunt Inquisitores an resipiscere demum vellet, ac fateri errores quos àtea adeò pertinaciter defēdisset, ad quæ illa altè & perspicue respondit se id fateri neq; velle neq; posse.

posse. Delata inde cum beato illo sodaliti-
co in basin supplicij, exigentibus hypocri-
tis haud minus impie quam impudenter
a toto illo martyrum choro, Romanæ Ec-
clesiæ confessionem in Symbolo Apostoli-
co vt supra dictum est, præ ceteris animosè
restitit. Eam tamen constantiæ gloriā ada-
ctis festinanter capistris ad pia martyrum
colla tanquam qui in ipso vitæ limine vide-
licet Romanæ Ecclesiæ detulissent, ac pro-
inde ex Inquisitoria misericordia mortui,
non uiui cremarentur, impudentissimi ne-
bulones suis nebulis obscurare decreuerūt.
Quin & in illos sanctos parietes, qui pios
cœtus ad Dei laudes conuenientes toties
contegerunt, scuitū est. Iussa est enim Vao-
niæ domus ab imis fundamentis excidi ac
solo æquari, & in perpetuam aream con-
uersam erecto in ipsius medio marmoreo
titulo impijs ac cæcis idololatriis patrato-
rum ibi scelerum, pijs verò verorum Dei
cœtuū, quibus Christus ipse ibi utiq;
inter suos interfuerit, æternum
monumentum esse.

214 INQVISITIO HISPANICA
FERDINANDVS A SANCTO
IOANNE.



Rat & hic ex illustribus illius Ec-
clesiæ membris, si verum Dei me-
tum, cygneum pectoris candorē,
ardens ac indefessum studium de proximis
benemerendi citra omnem proprij cōmo-
di respectum, non natalium splendorem,
aut accuratiore corporis aut sermōnis cul-
tum quis requirat. Iuuenis sed pietate vi-
tæ conspicuus, instituendis pueris in colle-
gio puerorum, (domum doctrinæ vulgo
vocant) piorum virorum iudicio, qui San-
ctum illud institutum primum condiderāt,
fuerat præfectus. In eo munere, Octennio
ferè multa cum laude omnium exacto, de-
prehensus est demum Lutheranus, id est ad
veræ pietatis normam exactè institutus, ad
quam & commissum sibi puerorum gregē,
quoad fieri poterat in tanta tyrannide, ex
officio diligenter institueret. Mercedem
tulit si humanam rationem spectes, qua-
lis pro benefactis ab ingrato populo refer-
ri solet: si fidem, qualē prædixit suis Chri-
stus. Expertus est in torturis adeò imma-
nem scruitiam, vt membris omnibus quas-
satis

satis ac officium facere non valentibus ex
 trochlea aut Burro deponeretur, atq3 inde
 qua ipsius carcer à torture loco distat, à mi-
 nistris iniquitatis veluti faccus quidã ster-
 core plenus aut putridum quodpiam bestię
 cadauer per pedes traheretur. Laceſſebant
 ad eam ſæuitiam dominos patres fidei ro-
 tunda ſemiruſtici hominis reſponſa, à qui-
 bus vel trãſuerſum vnguem deſlectere erat
 impoſſibile . Etiam in illo arctiſſimo
 carcere uſus eſt Deus ipſius miniſterio ad
 erigendum Morzillium quendam iue-
 nem monachum ex cœnobio Diui Iſydo-
 ri ob liberioſiorem Euangelij confeſſionem
 eò pertractum : qui dimotus pollicitatio-
 nibus ac blandis promiſſis Inquiſitorum, à
 pia confeſſione paulò antè deſciuerat. Dei
 conſilio, qui Morzillium ſanè in Chriſto a-
 mabat, factum eſt, vt hunc Ferdinandum
 eo tempore Inquiſitores, carceris illi comi-
 tem darent, qui intellecta iuuenis vecordia
 cum acerbè obiurgat, accuſat defectionis
 coram Chriſti tribunali, facit reſipiſcere,
 erigit, conſolatur, confirmat. Paucis po-
 ſtea diebus Morzillius audientiam petit,
 in qua coram Dominis ſolenniter eiurat re-
 tractationem paulò ante à ſe factam, atq3

eam sibi fidei confessionem constare postulat, quam ediderat primum, quamq3 pro Christiana haberet. Combustus hic fuit in hoc eodem actu mortuus, an' sub Inquisitoria rursus an sub Dei misericordia, nescitur. Igitur Ferdinandus perlecta in theatro sua sententia, interrogatus ab Inquisitoribus, an in illis erroribus adhuc permanere statuisset, audiente vniuerso theatro respondet rotundè suo more, quæ à sè falsa essent, ipsissimum esse Euāgelium Christi ac Christianorum fidem, tantum abest vt pro erroribus habere constitueret. Ablata mox illi cruce lignea, quæ ei inter ipsa vincula manibus inseruerant, ac lupato in os iniecto quod & retinuit quousq3 ignis illud dissoluit: combustus est viuus.

Iulia.



Ntantulo corpore
 atq3 eo ipso adeò
 strigoso vt ex ossi-
 bus & pelle tum vj-
 deretur constare, tā
 tos includi spiritus
 meritò miraremur,
 nisi & sacro vatici-
 nio & experientia ipsa compertum esset,
 quæ & specie & re ipsa in mundo infirma-
 unt, Deum deligere vt plurimum consu-
 cuisse. vt fortissima quæq; eiusdē mundi pu-
 de faciat. Is Iulianus, quē à corporis par-
 uitate paruum appellabant, quū in Ger-
 mania ac extra omne ab Inquisitione esset
 periculum, vbi in complurium doctorum
 virorum contubernio veram pietatem di-
 dicerat, ductionem spiritus sequutus po-
 tius quam cuiusquam consilium, rem est a-
 gressus vt momēti haud mediocris, ita etiā
 pręsenti plenam periculo. Duo ingentia do-
 lia sacrorum librorum Hispanica lingua in
 Hispaniam transuexit, propagandæ in pa-
 tria euāgelicę lucis cupidine accēsus, à qua
 re haud minus fuisset verendum, quā si scor-
 pionum ac venenatorum omnis generis to-
 ta plaustra inuexisset, obserantibus ac ob-

ne vel ipsos venatores, impleuit carceres, atq3 istis exundantibus priuatas quoq3 occupauit domos, accendit ingentes pyras quæ piorum sanguine propemodum extinguerentur. Visebantur eo tempore in vna Hispali octingenti simul ob pietatem captiui, aut prope aut vltra viginti eodem rogo cõbusti. Captus fuit inter primos ipse Iulianus, quo in carcere & ferro onusto & perpetuo solo vltra trienniũ detento, noua interea ex eadem captura subinde spectacula edebantur. Tortores ipsos cum suis torturis omnibus prodigiosa sua constantia fatigauit neq3 in tantulo corpusculo ad tot ferendas quassationes vires vnquam defuerunt. Nèq3 minore tũ constantia tũ alacritate exhibat è quæstione quàm intrabat, adeò vt nullo ex quassationibus dolore, nullis minis ministrorum, nulla deniq3 sæuitia cohiberi posset, quin è quæstione rediens, aut tractus potius per medios sociorũ carceres, eosdem & de victoria sua & de hostium pudore eiusmodi cantione admone-
ret, Vencidos van los frayles, vencidos van. Corridos van los lobos, corridos van. Latine sic, victi reuertuntur monachi, victi reuertuntur. Fugati reuertuntur lupi, fugati reuertuntur. Habuit in audiētijs primũ cū mona

chis & cum ceteris impietatis assertoribus
 qui indoctis utiq; & rei theologicæ omni-
 no imperitis Inquisitoribus ab hæresum qua-
 lificatione sunt, acerrimas mirabilesq; dis-
 putationes, à quibus quum reuerteretur, cā-
 tione illa in primis insultabundus hostibus
 sese oblectabat. Triūphi die educus è suo
 ergastulo quum primum in arcis aream ac-
 cepturus insignia reatus inter concaptiuos
 venit, eos his verbis mira & animi & vul-
 tus cōstantia adhortatus esse fertur, Maçtē
 ergo virtute frarres, hæc est ea hora in qua
 ut strenuos milites Christi decet, ei, verita-
 tiq; ipsius coram hominibus fidele testimo-
 niū reddere debemus, post paucas deinde
 horas ipsius vicissim probati testimonio
 cum eodem in coelis perpetuo triumphā-
 turi. Interceperunt illicō pijsissimam atq;
 tempestiuam concionem impij ministri a-
 cerrimo illi capistro in os injecto, quod ad
 ipsum vsq; supplicium tulit. Consensus
 basim in qua damnati ab Inquisitoribus cō-
 buri solent, constantiam atq; fortitudinem
 animi in ferendo ob pietatis confessionem
 quam verbis explicare non poterat, gestu
 expressit. Ad genua enim procumbens gra-
 dus basis deosculatus est: colligatus deinde
 ad

ad palum & aggestis fasciculis capite tenus coopertus, caput inter eosdem fasciculos iteratis vicibus abdebat veluti supplicium ipsum vltro prouocans, atq; laceffens. Consulebat his gestis prouidus Christi miles & integritati confessionis suæ, & sociorum tum confessionis tum supplicij imbecillitati, si qua esset, quos signis illis ad constantiam & supplicij cōtemptum hortabatur. Aderat morituro insignis quidā pseudapostolus Doctor Fernandus Rodriguius qui inconcussam pij hominis fidē sua importuna oppugnatione redderet clariorem. Is quū contemplatione instātis supplicij conterritum athletam Christi existimaret, obtinuit à Præfecto vt lingua ei lupato solueretur, vt conuersionis suæ scilicet significationem aliquam edere sermone posset. At subsidium illud in diuersum illi cefsit. Iulianus enim adeptus loquendj libertatem, & fidei suæ perspicuam si quādo aliās confessionem edidit, & impium monitorem quem sciret contra conscientiam suadere impia dogmata adeò duris verbis obiurgauit, vt blatero responsione destitutus pudorē ingente huiusmodi sublata exclamatione vlcisci constituerit. O

His-

213 INQUISITIO
Hispaniam gentium domitricem, ac do-
minam, nunc verò homunculi vnus opera
perturbatam. Occidatur, occidatur. Ade-
rant præsto satellites qui adhortationem
impostoris exequent, Iuliano letale vulnus
inter ipsos ignes inflixere. Et de hoc dum
esset in carcere rumores extitere eum
pietati renunciasse, quos ta-
men euentus abundè
refellit.

Ioan-



EXEMPLIS ILLUSTRATA 123
IOANNES LEGIONENSIS EX
COENOBIO D. ISIDORI HIS-
palen. monachus.

EXercuerat hic primum in Mexico
Hispaniæ nouæ vrbe celeberrima
Noui orbis sartoriam artem: vnde
Hispalim reuersus, cum cæcus quidam Dei
metus eum (vt plerisq3 alioqui probis ac-
cidere solet) ad monachatu adegisset, Deo
ita hominis præcipitium temperante, in
D. Isidori Hispalen. cœnobium fortè inci-
dit, in quo bona tum monachorum pars ad
solidiorem pietatem aspirabat. Post annos
aliquot in ea dissiplina exactos, cum ex il-
lorum conuictu nonnihil veræ institutionis
delibasset, damnatæ angustię pertæsus con-
quisito probabiliore prætextu ex valetudi-
nis scilicet perpetuo incomodo, monacha-
tu abrenuntiauit. At egressus, quum illo-
rum pia colloquia, ex quibus initia illa
pietatis hauserat, vehementer desideras-
set, claustra, eis fruiturus repetiuit, sed fru-
stra. Eo enim absente, illi ad vnum om-
nes, quorum desiderium ad damnatum an-
tea vitæ genus repetendum eū impulerat,
deser-

desertis illis periculosis sedibus in Germania paulo antè commigrarant. Igitur nō ventrem, sed pietatem, licet in tam periculosa recidiua quærenti post paucos dies, tātisper dum quo illi abiissent certius nosset, institutum rursus fuit deserendum. Vocabunt fortassis eum ob bis desertum monachatum male feriatī homines bis apostatā: at qui melius sapient, vtiq; bis pium. Igitur piorum commilitonum vestigia insequutus Francofortum ad eos peruenit, haud absq; magnis laboribus & periculis in itinere exantlatis. Francoforto cum eisdem commigrauit Geneuam vt alijs, qui ex eodem sodalitia ibi sedes fixerant, adiungeretur. Contigit per eosdem dies vt sublata ē medio Maria Angliæ Regina, Ecclesia Anglicana quæ scruitia ipsius per Germaniam fuerat dissīpata atq; dispersa, Elizabetha in eius locū suffecta, ad proprias sedes beneficio Dei planè singulari reuocaretur. Hispanis ob pietatē Genevæ exulantibus colligendæ ex suis Ecclesiæ Angliæ visa est commodior, quo consilio factum est vt nonnulli ex ipsis cum Anglis in patriam reuertentibus proficiscerentur, sed, vt insidias vitarent, diuersis cōitatibus. Inqui-

sitor

fitores enim adeò ægrè tulerunt piorû illorum monachorum fugam & à vetere impietate defectionem, vt, etsi neq; multi esset numero, neq; alioqui humana æstimatione magni, muscis suis omnino decreuerint infestandos, quæ eis vbiq; locorum perpetuò insidiarètur. Erant illis Colonia Agripinæ, Francoforti, Antuerpiæ in primis constitutæ insidiæ, quæ itinera omnia Geneuam vsq; magna diligentia percurrerent. Neq; iter Geneva Mediolanum vsq;, ex altero scilicet latere minus erat obseruatum. Suppeditabantur insidijs sumptus ab ipsis Inquisitoribus ex Fisco regio abundanter satis pro regali munificentia & Inquisitorio Zelo: ac tantis tum conatibus tum expensis (præter ingêtes pollicitationes quibus singulorum capita, si darentur, licitabantur) quærebantur decem pulices aut totidem canes mortui. Adeo stupenda res est odium Inquisitorum quo in diuinam Christi lucem ad furorem vsq; sæuiunt. Igitur noster Ioannes Legionensis ascito sibi socio Ioanne Ferdinando quodam, viro in primis pio Valleòletano per Germaniam in Angliam iter instituens, incidit Argentorati in insidias, quarum indicio captus est cum

socio in portu quodam Zellandiæ in ipso
 in Angliam traiectu. Excepit primum ap-
 paritores tanta animi & vultus constantia
 vt eis dicētibz se eum quærere nihil aliud
 responderit, quam Eamus igitur, aderit
 enim haud dubiè nobis Deus. Traducti
 in oppidum torti primum sunt vehemētis-
 simè vt socios indicarent: post paucos de-
 inde dies naui impositi & in Hispaniā ve-
 cti. Habuit vterq; dum in mari atq; in His-
 pania in ipso itinere fuerunt, ferreū quod-
 dam capistrum in modum cassidis quo &
 caput & vultus tegebatur: inserta est illi in-
 terne lamina quædam ferrea in modum lin-
 guæ quæ accepta in ore vsum omnem lin-
 guæ prohibet, atq; hoc torturæ genere
 perpetuò cruciati præter ferrea vincula
 quibus & manus & pedes constringebātur
 in inquisitorios carceres delati sunt, Ioan-
 nes legionensis Hispalim, socius Valleole-
 tum, vbi postea in veræ pietatis confessi-
 one constantissimè persistens viuus est com-
 bustus. Fuerat hic Doctoris Cacaliæ, qui
 Valleoleti ob Religionem ignis suppliciū
 tulerat paulo ante, contubernalis, cuius &
 neptem ex sorore aut ex fratre desponsa-
 Exerat. Exegit in Inquisitorio Carcere Io-

annes Legionensis complures dies ubi sa-
 uitiam inquisitoriam tum in omni tortu-
 rarum genere, tum in communi victu ex-
 pertus est. Eductus est in triumphum pa-
 ludatus eisq; omnibus ornatus insignibus
 quibus educi solent constantissimi. Horro-
 ri erat aspicientibus ex diuturna illa mace-
 ratione vultus hirsutissimus & ad ipsa vsq;
 ossa cerulea pelle contexta macer. augebat
 horrorē, acerrimum lupatum linguā adeo
 acriter mordens, vt vbera ac prælonga pi-
 uita fila ad terram vsq; stanti pendentia
 eliceret. Cum audita iam mortis sententia
 ad supplicium ipsum duceretur, libertatem
 linguæ ad Christo abrenuntiandum adeptus,
 tanta eum animi & vultus tranquillita-
 te fassus est verbis quam paucissimis sed
 eisdem grauissimis, quanta vel extra omne
 periculum fassus esset. In postremis illis vi-
 tæ horis datus illi fuit antagonista mona-
 chus quidā ex cœnobio suo, cum quo ma-
 lè auspicatum illud monachatus primo an-
 no tyrocinium fecerat, qui initia illa vete-
 ris superstitionis in memoriam reduceret:
 at quo plures illi artes ad fidem ipsius la-
 befactandam adhibebant, eò illa reddeba-

INQVISTITIO INSTANTIA
tur spectatior: nimirum protegente ob id
præsentius Christo athletam suum. Oppre-
petiuit atrocem mortem eadem planè tran-
quillitate ac securitate animi, neq3
enim viro in primis pio alius
vitæ exitus debe-
batur.

FRAN



EXEMPLIS ILLUSTRATA 229
FRANCISCA CHAVESIA.



Dornauit eundē tri-
umphum spectatæ
fidei virgo Francis-
ca chauesia clauſtri
D. Elizabethæ mo-
nacha, quo magis
miremur absolutā
in Christo instituti-

onem ad illa quoq; & ferreis vectibus & in
primis peruicaci superstitione obturatissi-
ma clauſtra fœminarum penetrasse: adeo
Dei gratuitam in Christo electionem quin
suo tempore exequatur, remoratur nihil.
Nacta fuerat clarissimum in Christi Euan-
gelio institutorem Doctorem Egidiū, de
quo mox dicemus. Vel sub illo modio oc-
cultata, Diuina lux abscondi in perpetuum
non potuit, quin præstituto sibi tempore
educta aspectu suo lætificaret Ecclesiā Dei,
eademq; percelleret, redargueretq; acri-
ter impiorum tenebras. Delata demum ad
Inquisitores & communi more tractata, in
triumphum est educta ac demum combu-
sta. Pudore suffuderat Dominos Patres fi-
dei masculijs suis responsis virgo alioqui ho-

438 INQVIRITIO INTER MORTUOS
minum colloquijs per totam vitam nō ad-
modum assueta, quoties in audientiam fu-
erat vocata : assertionibus enim veræ pie-
tatis addebat quoq3 acerrimas atq3 adeò
tempestivas obiurgationes ex verbo Dei,
prodigiosa patribus fidei dexteritate peti-
tas, canes mutos, viperarum proles subin-
de eos vocans . Spectabilis in primis fuit
omnibus eam contuentibus mortis ac sup-
plicij contemptus , vultus alacritas
quam ad ipsum vsq3 suppli-
cium præse tulit.



EXEMPLIS ILLUSTRATA 231
CHRISTOPHORVS LOSADA
MEDICVS



Hic quoq3 ex Doctoris Egidij priuata institutione prima rudimēta pietatis hausit. Inter ceteras enim Sancti illius viri diuinas dotes illuderat sanè mirabile, quòd omnibus quos in pietate instituendos susciperet, igneā quādam pietatis facem ad eorum animos cum ipsa institutione admouisse diceres, qua ad omnia pietatis ipsius exercitia cū interna tū externa, in primis verò ad iminentis crucis tollerantiam atq3 adeò amorem accendebantur : quo vno, diuina luce collustratis testabatur adesse Christum ipsius Ministerio, qui, verba eo externè ministrante, eadem in ipsis visceribus suorum virtute Spiritus sui exararet. Ad eam tanti præceptoris fœlicitatem venerat opera soceri sui viri adeò pij vt Losodā ipsius filiam in uxorem ambientem, licet honestissimis moribus, eruditione non vulgari, peritiā rei

medicæ ultra mediocritatē excultum iuue-
 nem haud prius ad affinitatem admiserit
 quàm in pietate erudiendum Doctore Egi-
 dio se dedidisset. Homini erudito & abun-
 dè Christianum se esse existimanti haud
 erat satis honesta conditio, difficilis verò,
 Doctore Egidio, ad cuius pedes erudien-
 dus in religione mittebatur, religionis non
 satis integræ apud vulgus suspecto. Admi-
 sit demum conditionem àn melioris insti-
 tutionis, an vero coniugij cupidine, incer-
 tum. Vt ut fuerit, adeò seriò prima illa in
 Christo rudimenta imbibit, ut vel post obi-
 tum institutoris imprematurè sublatis sibi,
 insignes in pietate progressus fecerit. Itaq;
 ob singularem pietatem atq; in sacris lite-
 ris eruditionem qui Ecclesiam illam, nu-
 merosam quidem, sed in caruernis delites-
 centem, gubernaret dignus habitus, pasto-
 ris munus quoad licebat in tanta angustia,
 suscepit, obiitq;. Captus ab Inquisitoribus
 occasione illa librorum Parui Iuliani (quæ
 enim in illa gregis totius dissipatione abs-
 condi posset fides Christi servus?) atq; pi-
 etatem ingenuè fassus, carceris prius acer-
 bitatem, ac torturas: triūphi deinde igno-
 miniam, ac demum ignis supplicium tulit.

Dis-

Disputauit egregiè de vera religione in ipsa basi supplicij aduerso iportunos hypocritas, qui vana spe eum à pia sententia dimouendi, respondendi ad eorum strophas ei copiam fecêre. Illis verò, nè, quæ vtrinque dicebantur, circumstans vulgus intelligeret, dictionem ex vulgari sermone in latinum callido consilio commutantibus, ipse arte fortassis minus obseruata, Latine quoque cœpit agere, tanta sermonis tum vberitate tum puritate vt miraculum pene omnibus videretur, hominem iam iam moriturum tam esse sui compotem vt ne tum quidem à sermonis elegantia quicquam remitteret.

P v

Chri-





Christophorus Arel-
lanus monachus
cœnobij D. Isidori
Hispa. omniũ qui
ante ipsum intra-
uerant Inquisito-
riam arcem ipso-
rum Inquisitorum
testimonio longè doctissimus, traductus
à suis quibus & vtilitati & ornamento fue-
rat ob eruditionem, quale habuerant an-
tea nunquam, in inquisitoriam nassam est
pertractus. Eo in primis nomine illã sum-
mæ eruditionis opinionem apud Inquisi-
tores sibi cõcilauerat, quòd homo in scho-
lasticis (quos dicunt) theologiæ doctori-
bus Aquinate, Scoto, Lombardo, & cæteris
eius classis versatissimus, quæ illi in qua-
uis religionis controuersia pro veritate im-
prudentes vspiam dixerunt, eximia ingenij
dexteritate ac memoriæ præsentia post sa-
eras tamen literas ac doctorum incorrup-
toris iudicij sententias ad institutum ac-
comodaret : quo in primis fiebat, vt aduer-
sarij,

sarij, quotquot erant, quibus vel apertæ illorum authorum nugæ ipsis sacris literis sint longè antiquiores, suis eisdem propugnatoribus expugnarentur. Damnatus est nihilominus ad rogam superantibus & eruditionem & veritatem ipsam apud immanes tyrannos fasciculis. Quùm ad audiendâ sententiam in solenni theatro sisteretur audiuit in ea impudentissimè confictû scelus sibi obijci. Illud erat, asseruisse ipsum, illibatam virginem Matrem Christi nō magis extisse virginem quàm ipse esset, digna scilicet verba quę, etsi à quoquā haud min⁹ impiè quam impure essent prolata, in orbis theatro per sanctos fidei patres vulgarentur. Atqui hoc artificio creare solet Sanctum tribunal maximam inuidiâ ijs quos ob singularem & omnibus perspicuam virtutem apud vulgus ipsum gratiosiores norunt. Audita impura illa blasphemia Arelanus, qui non sine Dei Prouidentia liberam tum habebat linguam, exclamat audiente vniuerso populo, mendacium illud esse impudentissimè confictum: se enim & contrarium credere firmissimè, & credidisse semper, vt qui illud ex cōpluribus scripturæ locis didicisset, quibus & tūm paratus esset

esset ilud ostendere si esset opus . Ad ipsum
supplicij limen stetit ex composito coram
illo ridens veluti calamitoso insultabun-
dus, vnus ex illis suis monachis quem ini-
micum sibi ac in primis aduersarium sen-
ferat. Neq3 enim in eam calamitatē con-
iecisse hominem pium , singulari eruditio-
ne ornatum , adde etiam innocentem satis
fuerat, nisi etiam in ipso supplicij ingressu
insultarent. Cōmorus est nonnihil repen-
tino ac improuiso illo spectaculo Arella-
nius, sed mox ad Christianis hominis of-
ficium eam animi tranquillitatem recupe-
rauit quæ & decora sibi & spectātibus exē-
plum esse posset . Consolatus est etiam in
ipsa supplicij basi alium quendam mona-
chum eiusdem sodalitiij Ioannem Christo-
stomum, qui discipulus ipsius antea fuerat,
tūc autem supplicij comes. Huius quia
supplicij causas omninò ignoramus, in hoc
ordine illum reponere ausi hactenus non su-
mus. Fuit alioqui concionator inculpatæ
vitæ ac sanctis omninò moribus præditus
neq3 aspernandæ eruditionis, ac pro-
inde suis porcis vni tantum ven-
tri deditis non admodum
gratiosus.



Lucebat mirabili-
ter in huius viri exē-
plo erga electos suos
diuina prouidentia,
quæ velex inueteratissimæ ac
singulari studio affectatæ
hypocrisis abyſſo quadam, atq3
adeò ex ipsa spontanea
oppugnatione agnitæ veritatis
Euangelicæ, (quod delictum in
Spiritus Sanctum vocant
Sacra literæ, denūtiantq3
pro eiusmodi peccatoribus
frustraneas omninò fore
Ecclesiæ preces) eos nōnunquā
præter communes leges
potenter extrahat, eòq3
in sublimiore honoris
gradu collocet, quò in
desperatione prius statu
esse videbantur. Fuit hic
Arias (quem à cutis & pilorum
omnium candore Blancum
appellabant) acutissimo
ingenio, quoad licebat in
eætate, sacrarum literarū
cognitione abundè ex-
culto, vafro tamen, callido,
maligno, versipelli. Con-
tegebat verò ea exitialis
animi vitia specie quadā
sanctimonie adeò
studi

studiose cōpositæ, vt vel prudētissimorum
 quorūq3 oculos, nisi prope valdè accessis-
 sent, sēpiūsq3 cōtemplarētur, posset fallere,
 imò fefellit cōplures. Erāt Hispali illius tē-
 pore factiones duæ cōcionatorū, quos audi-
 torū studiosa partiū ingens turba sequeba-
 tur. Alia, si verba ipsa spectares, ad Epictē-
 ti Stoici placita, quā ad Scripturę sacrę nor-
 mam, accedebat propius, eò Epicteto infe-
 rior, quòd iste factis sermoni consentaneis
 seriò videretur agere, illa òninò secus. De-
 crebris enim ieiunijs, de mortificatione &
 abnegatione sui, de perpetuò precando, de
 præse ferēda submissione ac deiectione ani-
 mi, quā humilitatē ipsi vocāt, in ipso vesti-
 tu, sermone, vultu ac in vniuersā demū vitæ
 ratione multus ac penè infinitus sermo: at
 sub ista adeò plausibili ac speciosa pietatis
 larua, si propius inspexisses, vidisses, nequid
 durius dicā, planè homines. Sūma. Sāctimo-
 niæ totius prorā & pupim, quod aiūt, in o-
 perib9 aduersus cōtrarię factionis institutū
 collocantes actiuosi in primis videri cupie-
 bāt, Eo studio, vt pote ex ignorance veræ
 iustitiæ nato, ad Missas cōplures, ad sacrorū
 locorū frequētationes, ad Cōfessionis & cō-
 munionis, quas vocāt, vsum frequētissimū
 & ad multa alia nugamēta, quę araneorum

telas quę in operimentū nūquā futurę sint, merito vocāt sacrę literę, a verę iustitię exercitijs, iudicio scilicet & misericordia, atque adeò ab ipsa fide, vnica acquirēdę iustitię ratione, expiationis ergò diuertebant. Urgebāt paupertatē ac cęlibatū vel coniugibus, in primis verò obedientię votū, monachorū credo æmulatione, qua auditores sibi adstringebāt. Hanc aiebant esse ipsam proprię voluntatis abnegationem, eisdēq; prorsus ornabāt titulis quib; obediētiā sui ornat Deus. Vt verò in perpetuis tenebris liberius liceret in impostura progredi, à bonorū authorū lectione, maximè autē Erasmi, à quo nihil scilicet pręterquā superbē sapere edocēdi essent, veluti à peste deterrebāt suos, ablegātes eos ad Henricū Herpiū, Bonauēturę opuscula, Abecedariū, mōtis Sionis ascēsum & id genus alios, ex quib; humilitatē, in primis verò coryphęis obedire didicissent. Prodierūt demū ex ista disciplina Māsij, Cauallij, Guerra, Petri Cordubenses, & alij quorū nomina exciderunt, quos fortassis fuisset satius nunquam in orbē natos, proleue dedisse. Fuēre in ea complures probi alioqui & animo pio viri, fateor, sed qui intellecta postea impostura magistrorū, eis desertis, ad saniorē redierint mētem

aut qui ex crebris atq; intemperatis ieiunijs & ex acri supra humanas vires coelestium rerū videlicet meditatione versi sint in furorem: aut qui, si in instituto perseuerauerint, in maius malum atq; immedicabilius inciderint, nempe ex probis improbi, ex communi hominum sorte pharisæi, osiores iustitiæ, eiusdem crucifixores, filij Gehennę duplo quā ipsorum magistri fuerint euadētes. Altera factio cōcionatorum erat quorundam, qui vt syncerius tractabant sacras literas, ita etiam verum iustitiæ ac sanctitatis fontem ex eisdem aperiebant hominibus, quorum & industria factum est, vt ea vrbs hoc in primis nomine, omnium totius Hispaniæ foelicissima, totos duodecim annos, quod ad veræ iustitiæ argumentum attinet, purum Christi Euangelium audiuerit, neq; sine fructu. Illa enim messis, quæ per totos iam octo aut decem annos colligitur, ex illa laboriosa nouatione provenire certum est. Hæc sanctitas utiq; pro ingenio lucis, fucatam ac phaleratam illam digito veluti monstrans ac palam traducens haud illius primum subire odium, deindè infestationē sui omnem concitare non potuit. Erant istius primarij

marij assertores, Doctores, Constantinus, Aegidius, Varquius, viri doctrina ac morum probitate conspicui, quorum labores in promouenda Euangelij luce inter tantas ignorantiae tenebras, atq; vitae exitus in ipso opere illustris, vt aeterna sunt digni memoria, ita etiam neq; aeterna obliuione sepeliri patiemur. Illius verò inter primos propugnatores noster hîc Arias censebatur, vt potè quæ hac receptior, & speciosior, suis autè professoribus utilior & questuosior apud omnes fermè foret, omnibus suis commilitonibus eo nequior quò illis fortasse ignorantibus, veritatē ipse quam oppugnabat, exactè nosset. Neq; tamen eam mendatio præstabat operā adeò apertè atq; alij eiusdē factionis, nè apud complures alicuius æstimationis viros, quibus vera pietas cordi erat, eam amitteret gratiam, quam larua illa pietatis acquisiuerat: sed adeò callidè ac veluti ex insidijs, vt licet ijs, qui ipsius sentiebant iacula, vt cunquē esset notus, ab alijs tamen pro amico ac fratre haberetur. Ingenij calliditatem ac vafritiem tūm maximè exeruit, quum Gregorius quidam Ruizius vir (vt ferebatur) in primis doctus, ob nonnulla quæ

inter interpretandum publicè in Summo templo Hispalensi sacras literas asseruerat pietati consona, de Iustificatione hominis, de merito Christi, & de meritis hominum antè & post iustificationem, ab hypocritis eiusmodi doctrinam insectantibus accusatus ad Inquisitoriū tribunal vocaretur. Quū enim Inquisitores illi diem dixissent, biduo antequam ad dicendum causam illi compareret, Magistrum Ariam, cum quo non nihil familiaritatis ob communia studia, præcipuè vero ob singularis pietatis falsum nomen, antea contraxerat, fortè conuenit consilio suo vsurus. Arias inter alios iussus erat ab Inquisitoribus, vt ad illum diē adesset instructus, aduersus Ruizium disputaturus. Igitur ingenij sui memor, ab incauto & simplici homine & eiusmodi insidias à tali viro non magis verenti, quàm ab eo à quo captaret salubre consilium, astute expiscatur rationes atq; argumenta omnia, quibus sua foret in illa disputatione defensurus: eisq; acceptis comiter demittit hominem absq; vlla insidiarum suspitione. Quū verò ad disputationem ventum est, apparuit tandem noster Arias inter eos qui pia dogmata erāt oppugnaturi. Ad id primum

mum veluti ad rem incredibilem expauit Ruizius, ac hominis perfidia tum demumprehendit, quum argumenta sua, quæ illi biduo antè sincere communicauerat, à eo in medium proponi atq3 dissolui videret, adeò accuratè, vt nihil sibi dicendum relinqueretur. Itaq3 homo ea arte circumuentus ac armis exutus, arena cecidit, victoriam summa tum perfidia tum impietate partâ apud vnum Ariam relinques. Neq3 in causa doctôris Egidij, de qua nonnihil in ox dicemus, probatiore fide egit. Quum enim (vt constantior fama est) homo sincerissimus eum, quem nouerat de doctrina iudicium inter complures ferre posse, doctrinæ suæ arbitrium apud ipsos iudices compellasset, iudicium tulit quale tulisse de mendatio honestum foret. Cæterum is fuit qui in D. Isidori Hispalensi cœnobio, omnibus vsq3 ad illud tempus profundum ignorantix somnum in inueterata illa superstitione dormientibus, nonnullas veritatis scintillas primus intulit, quibus præcipua eius sodalitiij pars veluti in tetra caligine è profundo suo somno expectata, detergere cœpit oculorum lippitudinem ac demum meliorem in vera reli-

gione institutionem desiderare. Acerrimis enim ac crebris concionibus, quibus & interdiu & noctu sæpè post matutinas preces ab hora noctis secunda ad quartã vsq3 dabatur locus, id agebat Arias vt totum institutum planè euerteret, licet non aperte, sed rectè nimis, & à remotissimis scaturiginibus aquam ducens. Docebat, In choris totos dies noctesq3 nunc sermone nunc cantu recitare sacras preces, non esse precari Deum. Exercitia veræ religionis esse alia quam existimaret religiosum vulgus. Legendas ac præmeditandas esse summo studio sacras literas, ex quib9 vnica vera Dei & voluntatis ipsius cognitio, item eius religionis notitia quæ ipsi in primis probaretur, haberi posset. Adhibendas esse ad id obtinendum alias preces, nempe quæ ex ipso necessitatis sensu & ex vera in deũ fide orirentur. His & similibus Christianæ Religionis axiomatis sæpè ac eximio ardore inculcatis, & quidem citra illum periculum, neq3 enim ea nisi planè impius inficiaretur, præsentis ac vsitatæ illius religionis ædiũ, desiderium verò melioris, maximè autē sacrarũ literarum acre quoddã studium erè in omnibus excitabat. Cõcionibus ad-

debat

debat quotidianas ex Prouerbijs Salomonis prælectiones eruditione plenas, & ad institutum mira dexteritate accommodatas. Accedebant priuata ac familiaria colloquia, insuper & quotidiana vitæ consuetudo, omnia ad idem institutum ex professo comparata. Inciderat in mitia ingenia, & (quod prodigio simile meritò videatur) superstitionibus monachatus haud impense addicta, vndè arcanorum diuinorum dispensatori alioquì fido totam illam superstitionis operosam molem, inuecto puro Dei verbo, breui euertere quàm facillimū fuisset. Sed homo nunquam sibi satis constantis ingenij, post pulcherrimas illas præparationes, quibus auocatos à presenti superstitione animos, sibi autem mirum in modum concilatos suspendebat, ad intollerabiles inedias, ad perpetuas vigilias coram ipso panis sacramento, vndè nouas quasdā, nescio quas, illuminationes expectarent, ad euacuandas omni suppellectili, & libris & lecto ipso cellulas, ad cubandum super nudam terram, aut porrò standū, cū somno concedendum esset, ad gestandum loco interulæ, ex equinis fetis cōtextum thoracem, & ferreum balthem ad carnē ipsam,

ac demum ad alia innumera eiusmodi perniti-
tiosa nugamenta reuocabat, quasi verò
pessima illa Zizanja non satis commodè
recepta forent ni diuini verbi sarculo, quo
supra retulimus modo, terra ipsa prius in-
nouaretur. Namq3 reuulsa vetere supersti-
tione noster Arias, nihil quam nouam ean-
demq3 periculosiorem ac nocentio rem in-
uehebat. Reportarunt indè complures ex
auditoribus eosdem fructus, qui ex eiusmodi
pernitiosa disciplina prouenire solent,
nempè, alij furorè, alij perpetuos quosdam
æstus atræ bilis, vt neq; ipsi longè absint à
furore: alij immedicabilem prorsus capi-
tis dolorem, quo bona parte vacuum cere-
bro caput gerant nullo postea futuri vsui,
qui verò eas tum animi tum corporis ægri-
tudines ex robustiore habitu corporis supe-
rauerint, contracta ex illa inani opinione
sanctitatis, immodica quadā ac planè pha-
riseica æstimatione sui, alijs fœliciores ne-
mo sanus iudicauerit. Excusaret fortassis
Ariam à grauissimo alioqui piaculo, aut
melioris institutionis imperitia, aut de-
niq3 fatalis quispiam euentus, quo ad eam
prouinciam primū capessendam, deindè
ca ratione administrandā fuerit cōpulsus,

nisi

nisi & ea omnia quæ veritatis loco suppo-
 fuerit exacta veritatis ipsius cognitione a-
 nimo habuisse cōdemnata, & apud aliquos
 per idem tempus suauissimè risisse illorum
 stultitiam, quos adeò facile reddidisset si-
 bi obsequentes ad ea omnia quæ ipse pers-
 cripsisset, cōpertum haberemus. Atqui ex
 illis veritatis granulis inter tot nugarū ple-
 nos pugillos tanta malignitate communi-
 catis, vberes postea veræ pietatis fructus
 (quæ est vis diuinæ electionis) prouene-
 runt. Quorundam enim animi vetere iam
 superstitione omninò vacui, nèq3 in noua
 illa satis acquiescētes, dum solidiorē quam
 piam institutionem requirunt, in alterius
 factionis magistros, qui purius docebant
 veritatem, imprudentes inciderunt. Isto-
 rum amicitia ac consuetudine nacti sunt
 purioris ac solidioris cognitionis princi-
 pia, in primis verò tetra illa ac horribilis
 opinio de Lutheranis, quos vocant, ani-
 mis excuti cœpta: & quādo absolutā habitu-
 ros se veritatis cognitionē nisi eorū libris
 aliquādo liceret vti, arbitrarētur, nè in hoc
 quidē desijt Deus eorū pijs votis respon-
 dere. Mirabili enim quadam ratione ipsis
 planè dormientibus intulit eis non solum

quicquid eiusmodi librorum paulo ante desiderare ausi fuerant, verum etiam quicquid opimum & pingue vel Genevæ vel vsu-
pam per Germaniam ad illud tempus erat editum. Ea copia ditati ac suis ipsis magistris facti opulentiores, ita suum cœnobium instituere cœperunt, ut ex duobus, qui periculoso illi negotio dederant initium, intra paucos menses in cœnobia alioqui populo perpauci essent, qui aliquem pietatis gustum non delibarent, nullus qui reclamaret. Iam precariæ horæ quas vocant, in sacrarum literarum prælectiones erant versæ: consuetæ pro mortuis preces aut deletæ, aut maiori ex parte accisæ: indulgentiæ & expiationes à Romanis pontificibus olim concessæ, quibus vnus magna sui parte innittebatur illa moles, in totum obsoletæ: imaginibus nullus aut certè perpaucus honos erat reliquus: superstitiosa ieiunia in perpetuam sobrietatem commutata: ad monachatum nemo iam instituebatur sed ad veram pietatem: de vetere instituto promouendo nullus propemodum iam sermo, de irridendo, abominando, denique abolendo plurimus. Néq3 intra ipsa Cœnobij septa modo continebat diuina illa lux, ad ipsam urbem,

urbem, & ad circumuicina oppida extēde-
batur, tum libris tum sermone communi-
catis. Cūmq; iam eò res deducta esset, vt
præter robustissimum illud Missæ idolum,
& ipsam monachatus personam, quæ ve-
stitū & capitis rasura constat, nihil prope-
modum conuellendum superesset, neq; id
aut vltra tollerari sine manifesto piaculo,
aut conuelli demum posset sine certo peri-
culo, neq; vt videbatur, cū magno fructū, de
deferēdo illo nido & in Germaniā ad loca
pietati liberiora commigrando cogitare
cœptum. Ausus videbatur ingens, imò &
quibusdam temerarius. Néq; enim ratio
vlla apparebat qua non vnus aut alter, sed
tot simul, atq; ij non solum in toto illo so-
dalitio authoritate præstantes, verū etiam
nonnulli ex ipsis ob singularē doct̃inam
in ipsa vrbe conspicui, deserto ac prope-
modum depopulato, in tota Bethica, cele-
berrimo cœnobio ab vltima penè Hispaniæ
ora tuto in Germaniam penetrarēt. Néq;
singulatim errepere, ijs qui postremi forēt,
sine magno erat periculo, Inquisitoribus
præsertim, qui altum antea dormire som-
num videbantur, nouitate àc celebritate
rei à malignis quibusdam expergefactis:

quare aut omnibus, qui in eo erant consilio, egrediundum erat simul, aut demum periculum de proximo impēdens simul expectandum. Itaq; illis in ea perplexitate hærentibus, aperuit Deus rationem, qua arreptis ex occasione honestis prætextibus, intra mensem vnum duodecim elaberentur, ac diuersis itineribus Genevæ, quem locum figendis sedibus ante egressum sibi destinarent, anno tamen reuoluto, sese mutuo conspicerent. Qui vero sacra doctrina initiati in cœnobio mansere, aut quod consiliū abeūdi nō probassent, aut quod ad discessum nō fuissent dispositi, paucis postea diebus irruenti tempestate patuerunt. Cōbusti iam sunt ex eodē cœnobio quinque, pleriq; alij diuersis alijs affecti multis, neq; aliquis hætenus est habitus Hispani Inquisitorius fidei actus, seu potius triumphus, ad quem cœnobium illud vnum aut alterum, aut etiam plures non suppeditarit: estq; vero consentaneum veræ doctrinæ semina, quæ per complures dies in eo affatim exundauit, vsq; adeò vel inter ipsos ædificij lapides adhærere, vt nisi disijciantur & in calcem demum conuertantur, suppeditare quotannis inquisitorio ro-

go Lutheranum vnum aut alterum nō cessent. Ad hanc pulchram historiam consultō digressi sumꝰ data occasione, studio gratificandi Ecclesiæ Christi, ergâ quam malignè nos acturos arbitraremur, si pios hosce viros ea priuaremus memoria, qua ob adeò cominus oppugnatâ superstitionem, idqꝰ nō minus strenuè quam periculose, contemptis propter pietatem tanta animi magnitudine, spōtèqꝰ abdicatis certis illis tum honoribus, tum delicijs, atqꝰ in earum locum recepta paupertate, contemptu, exilio à patria, dedecore ingēti, ac vitæ ipsius, quam alioqui ærumnis plenum agrè admodū tuetur, quotidiano periculo, essēt adornādi. Atqꝰ hos cūctus memoria dignos secūdū Deū idcirco Ariæ, de quo nobis institutꝰ est sermo, bona ex parte acceptos ferimus, quoniā ex illis primis scintillis, quas ipse in cœnobium illud, licet aliud agens, primus induxit, ingens ille rogas est accēsus, quo & cœnobium ipsum & foris bona vrbis pars, vt alia complura loca prætereamus, in Dei laudem conflagrauit. Igitur Arias vt qui ex inconstantia & varietate ingenij adeò esset suspectus suis, atqꝰ alijs exitialis, apud Inquisitores à suis sæpè delatus

causam dixerat. Euenit tandem vt in illis calamitosis diebus in quibus veluti in fatali quodam malo ad supplicium quisq; ob religionem rapiebatur, ipse quoq; postularetur, nèq; vt antea sæpè, sed seriò. Prædixerat hoc ipsum illi ante annos aliquot ipse Còstantinus, ac sub iuramèto quidem. Nám cum ab ipso Constantino quodam die ad prandium vocaretur, cui intererant Egidius & Varquius, vt commodius atq; acrius de deplorata illa sua perfidia eum obiurgarent, siquidem leniorem commonefactionem sæpè antea eluserat, ipse inter iurgia minitabundus iactauit vereri se nè tauros aliquando in publicū editos spectaculum videre cogeretur, inquisitorium theatrum ænigmate illo, haud obscure tamen, illis ominās. Ad ea Constantinus, Testatum (inquit) tibi per Deum facio, nequaquam te, vt tu cogitas, è sublimi tum spectaturum ludos, quin potius in ipsa arena futurum, Dei tamen occulto ac plane adorando consilio factum est, vt ea postrema captiuitas perfido alioqui homini, non exitio, sed veræ & à quoquam nūquam antea speratæ resipiscetiæ fuerit. Adeò enim seria antea actæ vitæ poenitentia ipsius ani-

mum

mum subiit, vt homo alioqui quouis lepo-
 re aut simia meticulosior, inter ipsas qua-
 stiones inexpectata animi cōstantia & quæ
 miraculosam quandam in eo mutationem
 argueret, veritatem oppugnantibus resti-
 terit, Inquisitores verò ipsos maiestate illa
 semideos quàm acerbissimis verbis obiur-
 garet, aptiores esse asserens qui post ter-
 nos aut quaternos asinos agasones agerēt,
 atq; id fore ipsis satius, quam fidei censu-
 ram sibi sumere, quam turpiter ignorarēt:
 se verò vehementer pœnitere, neq; eam
 pœnitentiam, quoad victurus esset, ex ani-
 mo depositurum, quòdeam veritatē quam
 nunc defenderet, sciens & volens aduersus
 pios illius defensores sæpè coram ipsis op-
 pugnasset. Eiusmodi acerbis obiurgatio-
 nes quoties in audientiam eum vocabant
 Patres fidei ab eo ferre cogeantur. Edu-
 ctus est in triumphum omnibus illis teter-
 rimis quidem hominum iudicio, at claris-
 simis & supra quàm dici possit iudicio Dei
 honestissimis notis insignitus, senectute
 grauis, sed in primis illustrissima tum an-
 teactæ vitæ pœnitentia, tum veritatis con-
 fessione venerandus, scipione innixus, adi-
 itq; ex triumpho ignis supplicium hilaris

ac latus, quæ sua illa perfidia ac hypocrisis
Ecclesiæ prius dederat damna, clarissimo
illo & æterna memoria digno resipiscentiæ
exemplo in ipso vitæ exitu abundè com-
pensans. O virum verè beatum, atq3 ob id
inter principes illos ab Ecclesia in mundo
condita fidei strenuissimos assertores sin-
gulari honoris sede collocandum, quod ex
malitia omni alia, quæ excogitari possit,
deploratiore, ad parem cum illis veritatis
confessionem repentiè emerfit. Paulus se-
lectissimum illud Dei vas primum in ordi-
ne peccatorum se constituit, quod Eccle-
siam Dei, sed ignoranter & bono quodam
modo Zelo persequutus fuerit: at vero no-
strum Ariam, qui sciens volens, non aper-
tè sed ex insidijs, domesticus sanè hostis
eandem afflixit, quoto inter peccatores re-
ponemus loco? Paulus occulto Dei consi-
lio factum esse dicit, vt misericordiâ, quæ
se tot modis reddiderat indignū, conseque-
retur, vt in me (inquit) ostenderet Chri-
stus Iesus omnem clementiam ad expri-
mendum exemplar ijs qui credituri sunt
illi: quantum ergo in hoc nostro nouo Pau-
lo clementiam suam, bonitatis suæ diui-
tias, ac misericordiæ thesauros illustrat

Chri-

Christus? Quale peccatoribus incomprehensibilis clementiæ, gratiæ, ac dilectionis suæ in isto edit specimen? Itaq; ex hoc mirabili ac planè nouo diuinæ bonitatis exemplo addiscere erit operæpretium, erga eos quos vel in deploratissimo omnium statu viderimus, & linguas & iudicia imprecatura cohibere, quòd quid Deus de ipsis constituerit omninò ignoremus.

Quin potius iuxta Pauli præceptum speremus vsq;
meliora.

DOC-



356 INQVISITIO HISPANICA
DOCTOR IOANNES EGIDIUS
IN SUMMO HISPALENSI TEMPLO
canonicus Concionator.



Ontriuerat Doc-
tor Egidius me-
liorem ætatis par-
tē in studijs adeò
infœlicibus, vir a-
lioqui ad studia li-
terarū nēq3 inept-
tus, nēq3 in eis-

dem persequendis mediocriter pertinax,
vt neq3 post absolutam eorum studiorum
encyclopædiam, & adeptos in scholis cru-
ditionis nomine summos honoris gradus,
post deniq3 diuturnam in Theologia pro-
fessionem (quæ erat illius ætatis erga stu-
dia literarum conditio) vix commodè La-
tinè loqui posset. Nēq3 integrum foret ma-
lum, nisi & turpi cum linguarum, tum bona-
rum discendi artium partim ignorantia
partim corruptioni, sacrarum literarū blas-
phemus ac planè impius quidam cōtemp-
tus accessisset. Audiuius ex ipsius pij vi-
riore studiorum suorum infœlicitatem &
seculi illius tenebras deplorantis, ea tum
fuisse

fuisse tempora, vt qui in Complutensi Academia, vbi ipsi didicit, quoquo modo attigisset sacras literas, tantum abest vt inter doctos scilicet cēseretur, vt probri nomine bonus biblista ab alijs vocaretur, Lombardo, Aquinate, Scoto, Gregorio Arithmetico & alijs eius classis authoribus omne punctum sapientiæ atq3 adeò sacræ Theologiæ præ ipsis sacris literis ferētibus. Quū Siguençæ Theologiam publice profiteretur, ascitus fuit Hispalim, vt in summo templo esset à sacris concionibus ab Alexandro quodā, qui in eo munere eum precessit, probitatis ac doctrinæ nomine adeò studiosè commendatus, vt Ecclesiæ capitulum, cōtra receptum morem & studia ipsa, nulla prius instituta doctōrum oppositione, quam vocant, eum nihil eiusmodi expectantem accersuerint, & suggesto præfecerint. Et Egidius quidem in ea Theologia, quæ tūm in toto Christiano orbe obtinebat, eminentissimus habebatur, at neque publicè concionatus fuerat, neq3 attigerat vnquā sacras literas. Itaq3 suggestum conscendēs cum ineptissimus ad id muneris præter omniū expectationē deprehenderetur, & sibi ipsi grauis, & alijs, magno

contemptui esse cœpit: quo in dies magis magisq3 aucto, & eos qui eum prius minus prudenter accersuerant, & ipsum qui prouintiam, ad quā omnino esset ineptus, haud minus imprudēter adiisset, tāta facti pœnitudo incessit, vt & ipse de vltro deserēda statione, & illi de eo loco submouendo non semel cogitarint. Post annos aliquot in earum difficultate exactis, Egidius incidit in oportunum monitorem quendam, (diuina utiq3 Prouidentia & illius & totius vr bis rebus benigne ita consulente) qui intra paucas horas eum exactē edocuit Christi-ani concionatoris officium, ad quod fœl- citer obeundū, & alijs studijs, & libris alijs, alijsq3 viæ commonstratoribus quam qui- bus ad illud vsq3 tempus fuisset vsus, opus foret. Obstupescebat primò AEgidius ad inexpectatam illam concionem: in primis verò hominis audaciam vehementer mira- batur, qui vnus è media plebe, idiota, néq3 de mentis sanitate omnino benè audiens, tātū doctore eundēq3 antea néq3 familiarē neq3 satis notū tāta fiducia edocere auso es- set. Sed vt erat natura mitis, & sermo erat de officio cōcionatoris in quo adeo inauspi- catō ipse versaretur, facilē sibi imperauit

ut æquis auribus illum audiret. At fuit diuina monenti tanta spiritus Dei vis in dicendo, ut ab ea hora AEgidius in alium virum mutatus, totius antea ætæ vitæ studia ac labores omnes inanes ac prorsus incassos iudicaret, ac nouam aliam sapientiæ viam sibi fore ingrediendam cuius neq; alphabetum ipsum didicisset. Et quando neq; ipse monitor ab officio concionatoris absoluebat, vocari se sentiebat intus ad eam provinciam ex qua nihil neq; honoris neq; cōmodi in mundo esset reportaturus. Obsupescēt fortē multi ad monitoris nomē, qui tanto viro tā breui temporis spatio & tantæ mutationis author, & veræ sapientiæ magister extiterit: atqui euulgandum omnino nobis est, ut admiranda Dei consilia per mundi fatuos mundanam sapientiam infatuantis impensius celebrentur, atq; adorentur. Is fuit Rodericus Valerius pseudo prophetæ ac pseudapostoli & nequissimi impostoris nomine ab Inquisitoribus antè viginti sex annos Hispali publico iudicio damnatus, ac in exilio ob veræ pietatis confessionē mortuus. Huius admirandam sanè vocationem ad verā cognitionē Christi hoc quoq; loco paucis recensere, neq;

ingratum pijs, neq; (quando in eius memoriam incidimus) ab instituto alienum iudicamus. Igitur hic Valerius Nebrissæ ciuis, (oppidi Bethicæ ob antiquitatem ac, precipue ob Antonium Nebrissensem virū doctissimum & latinæ linguæ in Hispania nostra ætate restitutorem in primis clari) ex honesta familia natus cū neq; opes deesset ad tuendā familię honestatē, eā tuebat cōmuni hominū more, nō in virtute, sed in equis, in equorū apparatu, in ludis, in vestiū luxu, in venationibus & id genus alijs studijs nobilitatē reponētiū erat enim in ijs exercitijs Valerius iuuenum vrbis suæ facilē primus, adeo vt nō solum equalibus & ætate & opibus par esse vellet, verum etiam eos omnes antecire. In medio illorum vanorū studiorum cursu repentē diuinus quidā furor (qua vero occasione, quo monitore, quo demum modo, ignotū) eum corripit, quo, abiectis in vniuersum pristinis studijs, & quod difficilius videri poterat, contemptis hominum iudicijs, vniuersas tum corporis tum animi vires adeo acriter ad studia pietatis intendit, vt mundanum nihil in eo fuisse reliquum videretur. Admiranda hominis mutatio quæ tum in verbis tum in ipso cultu corporis antea molliculo & splend-

do, tum vero horrido & sordido apparebat, ab alijs suspiciebatur, ab alijs, atq; id quidem à pluribus, vt insania aut etiam ebrietas irridebatur. Sed quēadmodū eiusmodi corrupta iudicia, cū hoc ipsum Apostolis Spiritus Sancti virtute afflatis contingit, ipsa spiritus effecta refellebant, sic seri-
 rius quidam Dei metus, prioris vanitatis deploratio, ardentissimum iustitiæ desiderium, studiumq; indefessum, in primis verò de his rebus ac de omnibus demum veræ pietatis capitibus iugis sermo ad ipsam sacrarum scripturarū amussim accuratè collimatus, eiusdem Spiritus præsentiam sanioribus iudicijs in Valerio quoq; testabatur. Assequutus fuerat in adolescentia nonnullam Latinæ linguæ cognitionē qua adiutus, sacras literas diu noctuq; versabat, quo pertinaci studio fiebat vt bonā earum partem memoria retineret ad vsumq; miraculosa quadam dexteritate ac promptitudine applicaret. Habebat quotidie cum ecclesiasticis, quos dicunt, viris, clericis ac monachis perpetuas concertationes, quorum causa factum esse assererat vt non solum ipse ecclesiasticus ordo verumetiā omnes christianæ reipublicæ status tanta cor-

ruptione laborarent vt nulla aut certè par-
ua spes appareret sanationis: atq3 hoc no-
mine acerrimè eos perpetuoq3 obiurga-
bat. Petebant ab eo, nempè Pharifæorum
proles, Vndè sibi ea noua rerum sacrarum
peritia? Vnde illa audacia qua in sanctos
patres, Ecclesiæ lumina atq3 columnas (si-
quidem vniuersos Ecclesiæ ordines acerrim-
is suis obiurgationib3 percellebat) adeò
insolenter inueheretur homo laicus, sine
vllis prorsus literis, imo profanis studijs ac
maiori ex parte perditis per totam vitam
deditissimus. Qua id demum autoritate
faceret? Quis misisset? Ecquod vocatio-
nis suæ signum? Belli homines cum nèq3
inficiari flagitia, nèq3 iustis rationibus co-
arguenti eorum tenebras, luci resistere pos-
sint, ad ea subterfugia in omnibus ætati-
bus confugerunt. Respondebat vero ad ea
omnija Valerius candidè ac cōstanter. Con-
stare quidem sibi eam sapientiā non ex suis
ipsorum lacunis, quæ corruptissimæ iam
essent: sed Spiritus Dei beneficio, cuius to-
ta flumina è corde verè credentiū in Chri-
stum essent exundatura. Audaciā verò sup-
peditare sibi tum eum qui mitteret, tū ve-
ritatem ipsam. Spiritum Dei, qui nulli or-
dini

dini quantumuis ecclesiastico, præsertim corruptissimo esset alligatus, ex laicis olim, eisdemq; idiotis piscatoribus apostolos constituisse, qui eruditam in lege synagogam totam cæcitatæ redarguerent, vniuersam orbem ad salutis scientiam vocarent. Ab eodem Christo se missum, eius nomine atq; authoritate agere, generationem vero notham & quæ à vera filiorum Dei stirpe iã olim degenerarit, signũ quærere, quum corruscante luce ac fulgore suo perstringente omnium oculos tenebræ ipsæ iam sint manifestissimæ. Vocatus demum istis de causis ad Inquisitorũ tribunal, disputatũ est acerrimè de vera Ecclesia Christi, De ipsius notis, de hominis iustificatione & de ijs similib; capitibus quorũ notitia nullo planè humano ministerio sed pura eademq; mirabili Dei reuelatione Valterio contigerat. Excusauit illum ea vice apud Inquisitores insania, qua hominem laborare existimarunt, & sic demum exutus omnibus fortunis, vt scilicet ab insania resipisceret, dimiserũt. Resipuit verò nunquam, adeò vt post aliquot annos iterum ob easdem causas accerseretur: atq; ad palinodiam adactus, parcitum est vitæ ipsius

quod adhuc insanire æstimaretur. Dam-
 natus tamē fuit ad Sambenitum perpetuo
 gestandū & ad perpetuos carceres, ex qui-
 bus, singulis dominicis diebus cū alijs con-
 captiuis ad audiēda sacra ducebatur in tē-
 plū Sancti Saluatoris quod dicunt: vbi sæ-
 pe e sua sede surgens spectante vniuerso po-
 pulo, concionatoribus falsa docentibus vel
 captiuis contradixit: sed ea omnia inqui-
 sitores eo tempore haud omnino mali no-
 mine insanix excusabant. Translatus ex eo
 carcere Sanctum Lucarum in cœnobium
 quoddā, obiit quinquagenario maior, vir,
 eo tempore in prodigium orbi datus quo
 monitore ab illo impietatis læthargo ex-
 citaretur. Et quoniam inauditi erant His-
 pali eo tempore illi tituli, ob quos piissi-
 mus vir iniquissimam illam censuram tu-
 lit, Sambenito omnium qui ad eam æta-
 tem quisquam gestauit maximo donatus
 fuit, qui & visitur ob singulare quoddam hæ-
 reticissimi hominis monumentū in eade Sa-
 crarij summi templi Hispalēsis in loco cōs-
 picuo hoc scripto prægrandibus literis in-
 signitus, **RODERICVS VALERIVS** ciuis
 Nebrissensis atq3 Hispalensis apostata &
 pseudapostolus, qui à Deo se missum dixit.

Hoc monitore expergefactus primò est doctor Aegidius vt supra dictum est, eoq; doctore primò didicit verum Christi Euangelium, quod per multos antea annos neq; discipulus neq; magister ne audiuerat quidem. Faut ei quoad licuit, dū causa ipsius coram Inquisitoribus agitabatur, cuius opera factum esse creditur, vt Inquisitores ad clementiam flexi, iudiciū ergā relapsū precipuè, vt ipsi vocant, temperarent. Nec paruo constitit Aegidio illa pietas erga magistrum: contraxit enim indè ingentem tum inuidiam, tum suspiciōē, apud illud Phariseorū genus quibus vera pietas vsq; exosa fuit. Secundum illam salutarē commonefactionem accessit Aegidio Constantini Fontij viri ad prodigium vsq; eruditi familiaris consuetudo atq; arcta amicitia, qua, cōmunicatis vtrinq; studijs, Aegidius in melioribus literis institui, & bonos authores legere, ac demū in vera theologia vehemēter proficere, cœpit. In primis verò, vt quibus de rebus iam cum fructu ad populum cōcionaretur, & melius sapientium communicatione, & præcipuè sua ipsius experiētia erat edoctus, tam doctè, tam piè, tanto deniq; in dicēdo ardore

166 INQUISITIO HISPANICA
cepit cōcionari, quā frigidè, indoctè, atq;
neptè antea. Sentiebant auditores doctri-
næ virtutem quæ à tribus iam eximiæ au-
thoritatis viris AEgidio, Constantino, &
Varquio magno consensu tradebatur, quo
fiebatur, ut quo magis ex inueteratis illis ig-
norantiæ tenebris emergebāt, eo isti in ma-
iori haberentur pretio, vilesceret verò in
dies assidua congressione lucis hypocrita-
rum turba, qui tanto cum dispendio ani-
marum aliter docuissent. Oriebantur hinc
apud inquisitores de tribus illis veritatis
assertoribus perpetuæ querelæ, in primis
verò de doctore AEgidio, qui ut fociis &
simplicitate ingenij & autoritate præsta-
bat, ita quoq; & apertius & frequentius lu-
is hostes laceſſebat. Atqui tum maximè
eorum inuidiam in se concitauit summam,
cum post aliquot annos in ea functione ex-
actos, ob singularem & doctrinam & mo-
rum sanctitatē electus est à Cæsare in Episc-
opum Dortossensem: tū enim hypocri-
tæ insignem quampiam regno suo calami-
tatem ominantes, si AEgidius Episcopa-
lem sedem conscenderet, iunctis vndiq; vi-
ribus, non leuioribus ut antea pugnis, cum
opprimendum censuerunt. Itaq; voca-
tur

tur serìò ad Inquisitorum tribunal, agi-
tatur causa per artifices iniquitatis sub-
tiliores, conijcitur in Inquisitorium car-
cerem. Primarium quæstionis caput erat
de hominis iustificatione, quod & conne-
xa quoq3 alia sequebantur, videlicet, de ho-
minum meritis, de purgatorio, de adinuen-
tis humana industria peccatorum expjati-
onibus, de vnico mediatore Christo, de cer-
titudine fidei in iustificatis &c. Iis accede-
bant quoq3 alia, videlicet, occasione cu-
iusdam nefandi idoli diuæ Virginis a San-
cto rege Ferdinando (vt fertur) miro arti-
ficio fabricati, quod in nonnullis ferijs di-
uæ Virgini sacris magna cum pompa osten-
tatur, de idololatria, siue de cultu ima-
ginum. Item occasione cuiusdã lignei frag-
menti, quod in summo templo pro ligno
crucis in qua pependit Christus prodigio-
sa quadam superstitione colitur, quã, in ci-
neres redacto ligno, A Egidius aboleri con-
cupiuerat, de eo quoq3 actum est. Item, de
inuocatione sanctorum mortuorum, de a-
bolendis è Christianorum suggestibus hu-
manis doctrinis, & puro Dei verbo in eis
tradèdo: & de alijs argumētis in primis ne-
cessarijs. Illud quoq3 appēdicis vice fuit ad-
ditū. Studiose cū fuisse Volu-
i

368 INQVISTITO HISPANICA
Respondit ad ea omnia AEgidius, in pri-
mis verò circa primarium illum articulum
accuratissimam edidit doctrinæ suæ defen-
sionem, qua nullam nèq; doctiorem, nèq;
magis piam, neq; pleniorẽ hactenus vi-
dimus. Ea ipsa responsione latissimam fe-
nestrã aperuit aduersarijs, scilicet novos
alios atq; complures errores hæresesq; col-
ligendi. Nondum eò audaciæ peruenerant
Inquisitores, vt de tanto viro ob illas cau-
sas comburendo cogitarent, licet ab aduer-
sarijs ad eam sæuitiam vehementer vrge-
rẽtur, iniebantur itaq; rationes quibus vi-
tæ ipsius, qui alioqui nullo modo à senten-
tia dimoueri posset, esset consultum, ipso
Ecclesiæ Hispalensis capitulo, ac ipso Cæ-
sare, qui paulo ante amplissimo episcopa-
tu dignum iudicarat, pro illo intercedente.
Subleuabat quoq; multum illius causam
Corranus venerandus senex alter ex Inqui-
sitoribus, cui & ipsius pietas, & hypocrita-
rum, à quib; accusabatur, peruersitas pers-
pecta erat, licet aduersante impio collega
Petro Dيازio, qui abiecta veritate, quam &
ipse à Valerio Nebrissẽsi ex D. Pauli episto-
læ ad Romanos familiari interpretatione
ante didicerat, & cum gratiarum actione
acce-

acceperat, hypocrita nimirum ambitionis-
 simus ad aduersariorū partes apostataue-
 rat. Mortuo iam Varquio, & Constantino
 cum Cæsare, cui erat à concionibus & con-
 fessionibus, apud Belgas agente, doctrina
 nimirum inter Hispanos nouæ, arbitri vtri-
 usq; partis nomine quærebantur. Nomi-
 nauerat pro se AÆgidius inter alios Bar-
 tholomeum Zamorensen Dominicanæ fa-
 ctionis monachū, virū in primis doctum,
 & in veritatis cognitione instructum, qui
 ad archiepiscopatum Toletanum benefi-
 cio Cæsaris postea emerfit, atq; eo ob reli-
 gionem, siue quod verius existimatur, ob
 inuidiam Archiepiscopi Hispalensis Inqui-
 sitoris Primarij, amisso, inter acerrimas
 cum Inquisitoribus concertationes nuper
 obiit diem. Atqui & hic quoq; cum Cæsa-
 re agens, causæ examinationi interesse non
 potuit. Tulit per idem tempus de ea do-
 ctrina iudicium Arias, Magister Blancus
 vulgo dictus, sed quale in ipsius historia res-
 tulimus, quod & aliquando fortè cum ipsa
 AÆgidij responsione edetur, atqui an ab
 ipso AÆgidio, an vero ab ipsis Inquisitori-
 bus ad id vocatus, nondum satis comper-
 tum. Itaq; alijs absentibus, alijs periculo-
 sum

sum iudicium detrectantibus, ad Dominicum Afotum Dominicane factionis in Academia Salmantica sophistam magni nominis, iudicium est deuolutum. Is posteaquam diu expectatus magno molimine Salmantica Hispalim venit, calidiore consilio quam alij antea egissent, cum homine alioqui nimis syncero, ne dicam improuido, coepit agere. Præse enim ferens omnem beneuolentiam atq3 animi candorem, postquam hominem inexpugnabilis sententiæ, si cum eo aperte foret agendum, esse intellexit, simulato consensu in doctrina, persuasit tandem ut ea doctrinæ capita quæ in controuersiam erant uocata, ad tollendam publicam illam infamiam qua iam esset apud omnes diffamatus, publicè quoq3 commoda quadam declaratione exponeret: se verò commodam illam interpretationem præscripturū, qua, si placeret, utereretur: sin minus collatis inter ambos rationibus ea demum ederetur, qua & conscientię utriusq3 & ueritati in primis melius foret consultū. Præscribit Afotus eam declarationis formulam, cōferunt de ea inter se, conueniunt demum citra ullam omnino controuersiam. Constituitur

ab Inquisitoribus publicæ illi declarationi dies solennissimus, adornantur suggestus duo in summo templo, AEgidio alter, Afoto alter. Conuenitur magno totius populi concursu. Concionatur Afotus, atque mox à concione educit è sinu declarationis formulam illi omninò contrariam in qua conuenerant, nanque in illa nihil fuerat quod & confessioni AEgidij & veritati ipsi non esset consentaneum: in ista nihil, quo ea omnia, de quibus fuerat accusatus, & quæ tanta animi constantia toto biennio atque in ipsis porrò vinculis defenderat, non aperte reuocaret. Dissabant longiusculè inter se suggestus, murmur populi de rebus illis diuersas sententias ferētis adeo perstrepebat, vt quæ Afotus diceret, AEgidius nō posset intelligere. Itaq; homo nimis credulus, Afoto ad singula fraudulentæ illius reuocationis capita assensum nutibus & sublata altius voce, quo exaudiri ab incauto posset, petente, nutu quoque testabatur ex ipsius esse sententia quæ Afotus ex scripta formula legisset. Condemnatus ibifuit ad triennalem carcerem (eam sibi gratiam cōciliauerat perditissimus ille monachus)

concionibus, lectionibus, & scriptione per
 decennium interdictus, quo etiam iube-
 batur nè Hispaniæ finibus excederet: ac ne
 sic quidē intellexit actioni illi fraudē sub-
 fuisse, licet multas illas miraretur, quous-
 que demum in pristinum carcerem redu-
 ctus ex expostulantibus secū amicis prop-
 ter abnegatam veritatem, fraudem depre-
 hendit. Ea omnia haud aliundē quam ex
 ipsius ore, atq; etiam in ipso carcere didi-
 cimus. Vidit, dum in eo carcere esset triū
 præcipuorum hostium suorum obitū Sbar-
 royæ dominicani sophistæ, Petri Mexiæ ho-
 minis philosophi nomen absq; vllis bonis
 literis ridiculē sibi arrogantis, & Petri Lja-
 zij Inquisitoris, quem a veritate impiē a-
 postatasse, supra diximus: neq; enim citra
 speciale quoddam iudicium Dei accidisse
 videbatur tres acerrimos veritatis hostes,
 innocentis ac pij viri oppugnatores intra
 alterum annum quo ipse esset in carcere &
 de causa ipsius ageretur ē medio tolli & a-
 lium post alium rapi, neq; sine rumore de-
 cessus parū tranquillī. Vixit Aegidius post
 illam fraudulentam reuocationē quatuor
 aut quinq; annos piæ illi Ecclesiæ venera-
 bilis, neq; minus utilis quàm cum integra
 illi

illierat libertas concionandi. Inuisit per illud tempus occasione legationis fratres qui Valleoleti sub Doctotis Cacallæ disciplina, Euāgelio Christi, abnegata impietate nomen dederant : atq; eis consolatis & confirmatis Hispalim rediens ex itineris longiusculi agitatione, qua à multo tempore non erat assuetus incidit in aduersam valetudinem ex qua intra paucos dies è laboriosa vita migravit ad æternam quietem. Relinquit in Genesim, in Epistolam Pauli ad Collosenses, in Psalmos aliquot, in Cantica Canticorum commentaria hispanicè longè doctissima atq; Christianam pietatem & pectus quoddā spiritu Dei plenum vndiq; spirantia, quæ vt singulares quædā Ecclesiæ delitiæ in ipsius vsum à fidis viris asseruantur. Ea omnia & si pijsissima atq; doctissima sint, tamen quæ in ipso carcere atque adeò inter ipsa vincula conscripsit, adeò singulari pietate & affectibus ab ipso Dei spiritu excitatis alia præcellunt, vt videre quiuis possit, ad eximie de diuinis rebus sentiendum ipsam Crucis præsentiam pijs ac renatis animis maximo adiumento esse. Post duos aut tres annos à pijsimi viri obitu visum fortè est nouis Inquisitoribus,

eos, qui de illius causa iudicarunt, mitius
 cum eo egisse quàm pro inquisitoria trucu-
 lentia:& quando sanctos illius manes ab
 interpellabili illa requie ad suum tribunal
 reuocare non possent, in inane cadauer &
 sicca ossa esse sœuiendum. Ergò eductum è
 sepulchro & in theatrum allatum, suffecto
 in illius & locum & nomen simulachro stra-
 mineo, supplicio afficiunt, quo à dextris
 Dei cum Christo consedentē inter-
 ris captū affecissent. Sed, qui ha-
 bitat in cœlis irri-
 det eos.

DOC-



DOCTOR CONSTANTINVS
FONTIVS IN SVMMO TEMPLO HIS-
palenſi Canonicus Concionator



O Elicissimis illius
Ecclesiæ auspicijs,
ni ad maiorē sui cō-
demnationem con-
tigisset, pijsſimo cō-
cionatori Aegidio
Constātinus succes-
sit, p̄r quem ille &

in pietate & in doctrina solidiore perma-
gnos breui progressus fecerat. Sed quando
viri dignitas eò nos iure vocat, nō nihil al-
tius erit nobis ipsius historia repetenda: in
qua nihil profecto magis veremur, quā
quòd infantia nostra viro de pietate adeò
bene merito de ipsius laude multum dece-
dat. Nāq; quibus laudibus te ornauero
virum omnium sacris studijs addictorum
quos nostra v̄dit ætas ornatissimū, quē ra-
rissimis & vix in vno homine ātea v̄sis tot
dotibus diuina munificentia adeò accura-
tē adornauit, vt suspici quidē possint, æsti-
mari pro dignitate nunquam. Mendacio
potius quam prodigio simile, quod dicturi

iam sumus, meritò quis iudicaret, in compluribus hominum millibus testari possemus, neminè fere viri istius perspexisse doctes, quem ad mediocrem aut inuidiam, aut beneuolètiā excitarint. Itaq; vir ad summum odium & ad summam pariter dilectionē, vt videbatur, natus, inimicos acres cōplures, idemq; haud pauciores amicos habuit. Amicos sanè non intelligo, quos ipse modò amaret, sicut neq; inimicos eos, quibus ipse malè vellet: sed à quibus sibi fortè ne cognitis quidem ipse ex animo amaretur, suspiceretur, coleretur. Quos enim ipse pro veris amicis coleret, humani ingenij instabilitatem apprimè noscens, vnum aut alterum vix habuit in tota vita, nèq; id obstabat, quo minus quos ob virtutem beneuolentia sua dignos iudicaret, quibus poterat humanitatis officijs sincere prosequeretur. Iuuentutem quidē transegit prò studioforum iuuenum libera educatione non admodum laudatam, sed quæ quo minus, quod ætatis subsequutum est, quàm laudatissimum extiterit, haud impedimento fuerit. Probatos enim satis mores, vt erat ingenio mirè festiuo, & in iocis peracuto, vna subindè iocandi licètia vel in prouecti-

ore

ore ætate corrûpebat : at id apud vnos aduersarios, quos, ni iocaretur, nihilo secius communi grauitate tanquam Curiana aut Catoniana austeritate offendisset. Circumferûntur lepidissima complura ipsius dicta, quæ si extra iocum pensentur, prudentissima apophthmegata quam iocosa dicta rectius dixeris. Ea in aliam transfundi linguam integro lepore omnino non possunt, Néq3 saltius néq3 frequentius vnquam est iocato, quàm in hypocritas monachos aut clericos sanctitatis opinione turgidos, quàm tamen in rebus flocci collocarent. In primis verò ridebat ineptos concionatores, quorum nulla ætas fuit vnquam sterilis, vilissimum hominum genus ex sacrarum literarû æstimatione, vt pote qui infatuato sali nullis profuturo vsibus, cæno ipso viliores, comparentur. Nemo satis vnquã admiretur ingenij illius acumen, quod vel inde apparet, quòd in barbâro natus seculo, bonis tùm literis tùm disciplinis penè è memoria hominum iam olim sublatis, in communi errore aut vnus, aut certè inter paucissimos, sciperet, tribus linguis Latina, Græca, & Hebraica nullo magistro adeò exactè perdoctus, vt vel solus eas pos-

set restituere. Atqui omnes alias discipli-
 nas, quæ ad absolutum oratorem constitu-
 endū requiri solēt, non tam didicisse quam
 perdidicisse videbatur. His adminiculis ag-
 gressus est sacrarum literarū studia, in qui-
 bus vel in ipsa iuuetute vsq3 adeò eruditus
 euasit, vt eo de sacris aut rebus aut verbis se-
 riò ferente censuram, nihil, nisi fortè insci-
 tiæ fœcundæ morbo laborantibus, relinqui
 videretur, quod in illius dicto desiderare
 quis posset. Accesserat ea hispanicæ lingue
 peritia & facundia quæ quibuscunq3 illius
 studiosissimis miraculo esset. His in primis
 præclaris dotibus suggestū adiit, atq3 in ea
 functione & prioris & nostræ ætatis clarissi-
 mos quosq3 citra vllam controuerfiam an-
 tecessit. Eminebat in illo inter cæteras do-
 tes mira quædam prudētia ad iudicādum,
 ex multa illa eruditione, & ex longa rerum
 experientia, (videbatur enim veluti à spe-
 cula quadam humana omnia negotia con-
 templari) in primis verò ex exacta illa sa-
 crarum literarum cognitione parata, in qui-
 bus ceu in speculo quodam res omnes tum
 diuinas tum humanas certissimè contem-
 plabatur. Cū concionandum illi erat,
 (concionabatur verò vt plurimum, octaua
 hora)

hora) tātus erat populi cōcurso, vt quarta, sæpe etiā tertia noctis hora vix in templo inueniretur commodus ad audiendum locus. Atqui ex summa illa gratia, quam apud omnes (vnis malignis hypocritis dēp-tis) sibi comparabat, præter frugalem victum & bibliothecam mediocriter instruatam, nullas omninò opes retulit homo nimirum ab illis pestibus, quæ Ecclesiam Dei semper deuastarunt, auaritia & ambitione prorsus alienus. Quum ad pinguem canonicatum in Ecclesia Toletana vocaretur, ad conditionem, quam complures sui ordinis ipsam fœlicitatem existimarent, adeò non accurrit, vt eam potius contemnendo nè è suis quidem iocis abstinerit. Mortuo enim episcopo Vticensi, qui in summo templo fuerat à concionibus, Capitulum Constantino eum honorem citra vllam controuersiam, oppositionem vulgo vocant, decernens, Hispali eum honorifica legatione accersebat. Respōdit ille haud multa deliberatione, se quidē ingētē ipsis habere gratiā quod tātō se honore dignū estimauerint, daturūq; operā ne in ingratū collocasse videātur. Cæterū parētū auosq; suorū ossa ante multos ānos sepulta cōquiescere, se vero nolle quicq̃

admittere occasione cuius à facta illa quiete interturbaretur. Ea fuit responsionis sententia neq3 pluribus (credo) verbis. Inciderant eo tempore acerrimæ controuersiæ inter ipsum archiepiscopum Siliceum piæ scilicet memoriæ, & Capitulum. Námq3 archiepiscopus, publicis etiam inultis notis, primoribus ex Capitulo, quòd è Iudæis originem alicundè ducerent, erat infensissimus : illi contrà acerbæ iniuriæ impatientes (vt erant alioqui viri honesti atq3 opibus clari) stolido episcopo, qui ex aratro & glebis neq3 virtute, neq3 eruditione, sed (si ita dici licet) fortunæ potius temeritate ad summam totius Hispaniæ secundum regem ipsum, dignitatem cōuolarat, publicæ pacis turbatori dirissima quæq3 moliebantur. Ea occasione neq3 à centum annis sepultis parcebatur, inquirente malo archiepiscopo, & quidē sub prætextu religionis, in parētes, auos, atauos, canonicorū, eosq3 ad originū rationes pessimè è suis sepulchris reuocante. Eas non minus impias quam stultas contētiones ex sua ipsius vocatione occasione arrepta Constantinus tempestiuè admodū illo conciso Laconismo perstringebat. Eadem propemodum

ratio-

ratione & canonicatum Guenguensis Ecclesie, opulentum, honorificum, in propria patria paulò antè contēpserat. Quùm primus omnium veræ pietatis notitiam inuexisset Hispalim, tanta dexteritate veritatē proponebat, hypocritas religionis caupones subindicabat, vrgebat, premebat, vt cū exitiale eū & sibi & regno suo aduersarium persentiscerent, tamē, qua citrà suum eximium pudorem illum accusarent, nulla videbatur ipsis iusta relicta occasio. Oderant sanè hominem odio ingenti atq; acerbissimo, sed illo telas eorum omnes, qua pollebat, mira dexteritate præcidente, nulla apparebat opportunitas, qua virus suum omne in illum euomerent: neq; tamen ob perpetuas illas infidias studium propagandæ lucis, quoad licebat, vnquam remisit. Contigit, haud dubiè Dei prouidentia felicitati illius vrbis benignè consulente, vt eodem tēpore tribus viris doctissimis Constantino, Aegidio, Varquio, qui & Compluti antea simul didicerant, magno consensu, imò verò conatu vno pietatem propagantibus Ecclesia illa frueretur. Varquius in Ecclesie cathedra prælegebat Euangelium Matthæi, quo absoluto accepit Psal-

mos dauidicos. AEgidius assidue concionabatur, Constantinus minus quidem frequenter, sed haud minore cum fructu: atq; in eo cursu perseverarunt, quousq; tandem Deus duriora tempora ad edificij cuiusquam explorationem adducere constituit, ut Varquius quidem inter ipsas iam cum Inquisitione concertationes obiret supremum diem: Constantinus à Cæsare & filio Philippo ascitus Hispali discedere cogeretur: AEgidius vero solus in luporum dentibus relictus tragediæ à nobis supra recitatae argumentum dederit. Reuersus è Cæsare & aula Hispalim Constantinus post doctoris AEgidij obitum ad interpellatum propagandæ lucis cursum & prudentia & doctrina auctus ex illa professione rediit, quem sane tanto animi ardore arripuit, quanto nunquam antea: neq; populi vniuersi studium erga illum & illius conciones merito suo erat minus. Contigerunt ei ex Capituli decreto conciones in summo templo secunda quaque feria alterius à reditu suo quadragesimæ, quas quum nondum ex aduersa quadam valetudine confirmatus, imò adhuc ægrotus admisisset, munus illud implere coactus est delatus in templum viribusq;

busq3 adeo exhaustus, vt in medio concio-
 nis filo vno atq3 altero limphati vini hau-
 ftu vires ad pergendum in concione refice-
 ret, nouam neq3 vnquam antea visam li-
 centiam summa viri tum gratia tum au-
 thoritate, qua pollebat, excusante. Prospe-
 riorem nactus valetudinem rationem inuit
 pij instituti promouendi omniũ commo-
 dissimam neq; à quoquam vnquam antea
 tentatam. Namq3 magister Schobarius vir
 & doctrina & sanctitate in ea vrbe conspi-
 cuus, cui ex Senatus decreto collegij pue-
 rorũ (domũ doctrinæ vulgo vocant) cura
 erat cõmendata, cõmunicatis cũ Constan-
 tino cõsilijs, publicã sacrarũ literarũ præ-
 lectionẽ in eodẽ collegio instituit, transla-
 tis in victũ prælectoris ad ānos singulos eis
 prouentibus, quos, se mortuo, impius quis-
 piã sacellanus fuisset deuoraturus. Ad id mu-
 nus delectus est Constātinus, qui rei in pri-
 mis salutari eximia sua illa eruditione aus-
 picatum initium daret. Accepit primò
 Salomonis libros, Prouerbia, Ecclesiasten
 & Cantica canticorum atq3 his mirabili
 eruditione explicatis, librũ Iobi est aggres-
 sus, quẽ vltra mediũ interpretādo perduxit.
 Extāt ipsius in hos libros prælectiones om-
 nes manu scriptę opera Bab. diligētissimā

cuiusdā ex auditoribus exceptæ, quas cum vulgauerimus, deprehenso quanto intervallo post se relinquat eos omnes, qui hactenus in eos libros quippiam ediderunt, de summa viri eruditione certius iudicari poterit. Invidit demum vrbi illi tantam felicitatem pessimus quispiam genius, qui speciosa amplioris pietatis larua cōtectus ab illo salutari cursu hominem alioqui mirè circumspectum primum auocavit, deinde eis difficultatibus implicuit ex quibus nunquam postea, nisi vna morte, emerfit. Vacabat per eos dies canonicatus concionalis seu (vt vocant) magistralis summi templi Hispalensis post obitum doctoris AEgidij, ad quem Capitulum libēter Constantinum admisisset, cui vni ob spectatissimas dotes, & ab ipso Capitulo, imò & ab vniuersa vrbe, in suo vetere cōcionādi curriculo à lōgo tempore satis exploratas, debere videbatur: at neq; id licebat citrà oppositionem (Capitulum enim post errorem electionis doctoris AEgidij, vt in ipso diximus, decreto cauerat nè citrà consuetam & in omnibus Ecclesijs vsitatam oppositionem, cuiquam in posterum illud munus deferretur) & Constantinus eiusmodi oppo-

sitio-

sitiones concionatorum, ut quæ circulatorum
 aut citharædorū cōcertationibus non
 admodum essent absimiles, semper irrise-
 rat. Intercedebat præterea Archiepisco-
 pus Hispalensis Valdesius homo curialis, &
 ob secretiores quasdam causas. Constanti-
 no, ob eo in primis tempore quo in aula re-
 gia fuerat concionatus & Cæsari familia-
 ris, vehementer infensus, qui, Capitulo de
 decreto illo ob Constantinum rescindendo
 cogitante, decretum acriter urgebat. Igi-
 tur indicta est oppositio, qua per celebri-
 ores Hispaniæ vrbes diuulgata, mox veluti
 vultures ad pingue cadauer nonnulli con-
 cionatores accurrerunt: sed sanioribus gra-
 tia atq; autoritate Constantini ab illius
 congressu absterritis, vnus Matuelus Com-
 plutensis canonicus & alter quidam Malac-
 censius pinguioris prædæ auidi in congressu
 perseverarunt. Sed & ille, saniore recepta
 mente, Complutum paulo post est reuer-
 sus, Malaccensi, Archiepiscopi fauore in o-
 dium Constantini pro virili subleuato, per-
 tinaciter in congressu perseverante. Vicus
 tandē autoritate Capituli Constantinus,
 nullū adhortationis genus erga eum omit-
 tentis, in primis verò importunis tum sua-

tionibus tùm precibus amici cuiusdam, cui
vtinam nunquam tantum detulisset (quod
ni fecisset, fortassis adhuc in viuis exti-
isset) in animum induxit, vt consueta op-
positionis forma canonicatum peteret,
qua vna cæremonia, decreto integro, Ma-
laccêsis excutebāt, & eo promotò capitu-
lum aduersus Archiepiscopum fiebat voti
compos. Decepit Constantinum tum ze-
lus, nè doctrinæ sedem loquutuleius quis-
piam occuparet, qui doctrinæ saluari per-
petuò ex alto obganniret, tum species quæ-
dam amplioris spei instituti doctrinæ cur-
sus commodius ex eo loco promouendi,
potius quam representatæ in eo honore o-
pes, quas generoso animo sæpè ante con-
tempserat. Igitur competitor & eruditio-
ne & authoritate & ipsa demum gratia Ca-
pituli Constantino nullo modo comparan-
dus ad exceptiones personales conat⁹ om-
nes conuertens suscitauit ei ineptias om-
nes iuuentutis suæ, contracta videlicet an-
tequam sacris initiaretur, matrimonia, neq;
que ritè sacris initiatum, nèq; rectè atq;
ordine Magisterij & doctoratus insignia ac-
cepisse. Premebat ex alio latere hypocrita-
rū cohors, veteres hostes, quorū vt ex illa
inauf-

inauspicata promotione inuidiæ vlcus re-
 crudeſcebat, ita etiam, renouatis omnibus
 veteribus de doctrina quæſtionibus, in ius
 ſerius quam vnquam antea vocabant, idq;
 apud inquiſitorium tribunal, in quo Archi-
 epiſcopus VValdeſius nouus iâ hoſtis ſum-
 ma authoritate præſidebat. Inter eas acres
 cōtrouerſias cōſcēdit demū cathedrā Con-
 ſtantineſis Capituli fauore innixus, atq;
 eiſdē maximē glifcentibus, exorta eſt ſæua
 illa tēpeſtas in illā Eccleſiā, occaſione libro-
 rū Parui Iuliani, de qua ſupra ſæpe mētio-
 nē fecimus. In ea tempeſtate qui abſcondi
 poterat Conſtantineſis? Itaq; raptus ad in-
 quiſitoriam arcē, etſi ex controuerſijs præ-
 cedentibus omnium aduerſariorū animos
 habebat vehementeſſe exulceratos, tamen
 acutiſſimis ſuis reſponſis omnes eorum
 cauillos facile, more ſuo, eludens, ad aper-
 tam fidei confeſſionem, ex qua periculum,
 vt ipſi exoptabant, crearetur, trahi non
 poterat: atque euaiſſet tandem, vt ſæpē
 antea, ipſorum manus, ni mirabili quo-
 dam Prouidentię ſuæ artificio rotundam
 confeſſionē veritatis ſuę Deus ab inuito &
 modis ōnib; tergiuerſante extorſiſſet. Cap-
 ta fuit per eoſdē ſanē dies vidua quædā pia

atq; honesta & in primis opulenta Isabella
 Martinia, apud quam Constantinus selecti-
 orem librorum suorum supellectilem, eos
 videlicet, qui citrà præsentissimum peri-
 culū haberi in Hispania non possunt, prop-
 ter Inquisitorū insidias absconderat. Quū
 opes illius viduæ sequestrabantur, pro mo-
 re inquisitorio, filius ipsius Franciscus Ber-
 tramus ex vniuersa matris supellectili o-
 pulentā valdè, subdlexerat nescio quot ar-
 cas rebus pretiosioribus plenas, nè vniuer-
 sæ opes in illo Inquisitionis gurgite in ex-
 plebili absumerentur. Indicauit illud In-
 quisitoribus perfidus quidam seruus post
 aliquot dies. Itaq; Inquisitores per algua-
 ziliū suū Ludouicum Sotellium res il-
 las petītum miserunt. Is quū primum ad
 Bertramū venit, vt cœpit legationē suā
 modestis verbis exponere, Bertramus arca-
 rum fortè oblitus propter Constantini li-
 bros eum venisse ratus, illius sermonem an-
 teuertens, Scio, inquit, domine Ludouice
 quid velis: quòd si bona fide pollicearis, ijs
 acceptis, ob quæ venisti, me missum factu-
 rum, mox ea tibi ostendam. Alguazilius
 de arcis intelligēs, (libros enim Cōstanti-
 ni neq; quærebat, neq; de eis quicquam au-
 diue-

diuerat, pollicetur se id facturum: atque illicò Bertramus introducto eo in secretissima amplissimarum ædium parte, ac diruto tenui quodam latericio muro, ostendit illi Constantini thesauros papyraceos quidem, sed qui cuius auro præstarent. Alguazilius eo inexpectato euentu stupefactus, dicit se quidem ea quæsitum non venisse, sed arcas aliquot quas è Sequestro maternarum opum subduxisset: neque se data teneri fide, quominus & ipsum Bertrammum & libros ad Inquisitores trahat: atque ita demùm scripta omnia Constantini, quæ aliqui erāt momenti, præter suam & aduersariorum expectationem, qui prædam illam multo auro alioqui redemissent, è latebris illis in mediam lucem ad manus Inquisitorum perucenerunt. Repertus est inter alia multa ingens liber propria Cōstantini ipsius manu totus conscriptus, in quo apertè & veluti sibi ipsi modò scribens de istis præcipuè capitibus (vt ipsi inquisitores in sua sententia in theatro postea pronuntiata retulerunt) agebat, nempe De statu Ecclesiæ. De vera Ecclesia, & de Ecclesia Papæ quem appellabat antichristum. De Eucharistæ sacramento, & de Missæ in-

uento: qua de re asserebat orbem fascina-
 tum propter sacrarum literarum ignoran-
 tiam. De Iustificatione hominis. De Pur-
 gatorio, quem appellabat lupinum caput
 & monachorum inuentum ob ventrem. De
 Bullis, & Indulgentijs Papanis, De meritis
 hominum. De Confessione & de omnibus
 alijs demum Christianæ religionis capi-
 tibus. Viso hoc libro Constātinus interro-
 gatus ab Inquisitoribus, an propriam ma-
 nū agnosceret, quū per multos dies con-
 quiritis vndiq3 subterfugijs conatus illorū
 elusisset, agnoscens porro Dei voluntatem,
 quæ omnem tergiuersandi amplius occa-
 sionem sibi præcidisset, agnosco (inquit)
 manum meam, ac proindè fateor me ista
 omnia scripsisse, quæ & vera esse ingenuè
 profiteor. Neque est quod in conquirendis
 contra me alijs testimonijs vltra laboretis:
 habetis hīc iam apertam atque copiosam
 sententiæ meæ confessionem, agite ergo,
 & de me iam, pro vt magis libet, constitui-
 te. Egit postea in carcere biennium inte-
 grum, vbi ex pessima illa totius vicius ra-
 tione homo alioqui ea in parte sui negli-
 gentissimus, in primis vero ingenti ac pla-
 nè incōsolabili mœrore confectus tot tam-
 que

que diuturnos suos & piorum sociorum labores pijsissima illa Ecclesia adeo truculenter deuastata perire videns, ægrotare primum leuiter cœpit, deinde, cum vehementem in illis fornacibus Solis ardorem ferre non posset, ad interulam vsque nudus diu noctuque esset, dysenteria correptus intra quindecim dierum spatium in medijs illis sordibus foelicem animam, & tali omnino dignam vitæ exitu, quam in strenuè promouenda Christi gloria erogauerat, Christo reddidit. Adfuit & ægrotanti & morienti pius quidam iuuenis monasterij D. Isidori Hispalensis monachus ob religionem captiuus, qui ei fuerat datus carceris comes Ferdinandus nomine. Insipientium quidem oculis visus est mori, at ille degit in pace. Atrocia illa tormenta, quibus alij ibi excarnificari solent, nunquam vidit, non quòd truculentos illos cyclopes ullus subiret tanti viri respectus, quorum in primis iram duris suis obiurgationibus vel captiuus sæpè in se concitauerat: sed aut quòd in illorum perpetuum metum ac sollicitudinem, qui ipsius doctrina quoquo modo profecerant, eum diutius captiuum asseruare constituentes tormenta distul-

rant: aut certè quòd tam citò è manibus
sibi eripiendum non cogitarunt. Ad eum,
quem diximus, metum discipulis incutien-
dum, quo perciti se ipsos proderent Inqui-
sitoribus, antequam ab ipsis accerferen-
tur inquisitoria scilicet misericordia freti,
sparserant rumores, dum viueret, eum ve-
hementer tortum complures ex discipulis
inter quæstiones indicasse: atque in hoc
ipsum, qui dicerent clamores & eiulatus
torti se audiuisse, nonnulli ex arcis vicinia
subornati. Eo autem mortuo & ex ipso-
rū manibus Dei Prouidentia erepto, quim
uiuum in quem sæuirent, non haberent, in
optimam sancti viri existimationem sæ-
uire decreuerunt frequentibus sparsis ru-
moribus, vitreis fragmentis scissa vena vt
dolorem atque ignominiam supplicij effu-
geret, mortem sibi consciuisse. Decantata
quoque fuere passim à pueris turpia at-
que ignominiosa carmina post eius obi-
tum in ipsius vituperationem an ab ipsis
Inquisitoribus siue eorum asseclis studiosè
procurata, an ab stolido & vario populo
malitiosè edita, nescitur. Illud sane veri-
similius. Triumphi die exhumatum cada-
uer est eductum & in demortui locum sus-
fectum

fectum simulacrum stramineum suggesto
 impositum, altera manu erecta, altera sug-
 gestum tenens, tanto artificio fabrefactum
 ut Constantinum eo habitu quo concionari
 erat solitus ad viuum representaret. Neque
 dubium quin inanis illa statua multorum
 animis æque efficaciter eo die concionata
 sit, atque is olim viuis quem ad ludibrium
 referebat. Quum publicanda fuit illius
 sententia ad quam vnā audiendam com-
 plures ex diuersis ac remotis Hispaniæ lo-
 cis Hispalim venerant, iusserunt Inquisito-
 res nè ea è suggesto vbi aliorum sententiæ
 legebantur, vulgaretur: Sed allato ad ipso-
 rum tribunal simulachro ibi quoque sen-
 tentia legeretur: locus erat sublimis neque
 populus quæ legebantur audire poterat.
 Id fraudulentum aut certè iniquum visum est
 Calderonio Prætori curiali: quare sublata
 voce admonuit Inquisitores ut sententia il-
 la alte ac consueto loco legeretur, ut con-
 staret, populo quibus de causis eum virum
 damnarent. Quum eo contempto Inqui-
 sitores in instituto nihilominus pergerent,
 exortum est ingens populi murmur eam
 iniuriam non admodum æquo animo pa-
 tientis, neque omnino tulisset, ut videba-

tur, ni Calderonio rursus feueriore voce
 commonefaciente officij Inquisitores si-
 mulachrum illi in priorem locum restitu-
 issent, & sententiam iussissent legi alté ac
 consueto loco quo vniuerso populo id pe-
 tenti fieret satis. Durauit sententiæ lectio
 amplius sesqui hora in qua illuderat pre-
 cipuum quod ex libro Constantini supra re-
 tulimus. Addiderunt tamen Inquisitores
 multa se consulto & bono scilicet consilio
 prætermisisse adeò horribilia, impia & stu-
 penda, vt nèque vulgari nèque audiri qui-
 dem possent citra piaculum. Consuluerunt
 (credo) bonæ existimationi illius. Ex-
 tât illius scripta typis edita multoties, Par-
 ua doctrinæ Christianæ summa. Item Ma-
 gna, sed dimidia sui parte imperfecta: du-
 obus enim tomis constituerat tradere vni-
 uersum doctrinæ christianæ corpus, in pri-
 ore agebat de Fide: in altero acturus erat
 de Symbolis, De operibus, ac demum de
 vniuerso Christiani hominis officio. Pri-
 mam partem iam ante annos aliquot edi-
 derat, qua, quòd in materia de fide Lu-
 theranas hæreses non apertè fuisset infecta
 tus, insuper neque Romano Pontifici nihil
 attribuisset, derogasset præterea potius In-
 dul-

indulgentijs, Purgatorio Meritis hominum
 & alijs eiusmodi nugamentis, quam decu-
 lisset, multum sibi & inuidiæ & suspitionis
 hæreseos apud doctorem & sanctorum vul-
 gus sibi conciliauit. Ipse uerò ea queren-
 tibus solebat respondere ad alterum pro-
 missum totum ea omnia pertinere, ibi se
 de eis rebus copiosè tractaturum. Hic to-
 mus nunquam exijt, nisi is fortassis fuerit
 quem inquisitores repererunt cuius præci-
 pua capita ab ipsis vulgata supra memini-
 mus. Edidit præterea Cathéchismū haud
 magni momenti in locis liberioribus: at
 sub illa plusquam Babylonica tyrannide &
 in illis tenebris Aegiptijs multum attulit
 lucis. Extant & sex illius conciones in to-
 tidem versus Psalmi primi Dauidis ex qui-
 bus & raram viri doctrinam cum summo
 dicendi artificio cōiunctam eruditiores de-
 prehendant. Sed in his omnibus licet om-
 nium quæ hætenus Hispania legit erudi-
 tissimis ac pijs lucubrationibus, nihil est
 quod cum vna hominis peccatoris Con-
 fessione duorum aut trium foliorum, siue
 pietatem, siue sacrarum rerum peritiam,
 siue flumen illud Christianæ eloquentiæ
 Christianis affectibus pro argumenti na-

tura exæstuans quis consideret. Sistit enim hominem ad Dei tribunal ministerio Legis apertis oculis fœditatem ac turpitudinem suam meditantem ac viuis affectibus deplorantem: reiicientem deinde quicquid humanis aut etiam creatis viribus aut industria ad tam turpem nuditatem contegendam adducere solent hypocritæ sibi in sua iustitia blandientes. Dùmque illud agit per vniuersa legis capita singillatim dicta accusatione sui tum dilucidam, luculentam atque copiosam legis totius breuissimo illo compendio explanationem edit, vt tam paruo editam molimine (quod citra cuiusquam inuidiam dictum volumus) dilucidiorum hætenus non viderimus. Vestit eum tandè nuptiali illa veste iustitiæ Christi per fidem qua vna illū corā Deo reddidit animosiores quò deiectionem eundem antea depinxerat ex vera illa atq; penitissima cognitione sui. Denique nullus est Christianæ doctrinæ locus quem in illa perbreui tabula non attigerit ad vsumque reduxerit: nullus Christiani hominis affectus ab ipso primo legis officio ad postremos vsq; cœlestis domi gustus quem ad vsum non expresserit: neq; ingeniū quantum-

tum-

tumuis mirabile cū exquisito artificio ad id effingendum vnquā fuisset satis, nisi ipsa quoque earum rerum frequens experientia accessisset. Eos libros omnes æterna sanè memoria dignos à se, incautis licet, antea probatos damnarūt tum Inquisitores, non quod quicquam in eis deprehenderint, vt in sua sententia testati sunt, damnatione dignum, sed ne quicquam extet quod execratā per eos scilicet hominis memoriam honestiore quopiam monumento à se relicto in posterum cohonestet. Sequitur deinde in sicca & exhumata sancti viri ossa & in inane illud simulachrū Inquisitorio more. Ipse verò ē catenis & iniquissimo illo iudicio ad Deum sublatus præter insignia atque immortalia illa quæ iam diximus monumenta, ijs qui eum proprius agnouerunt, inconsolabile quoddam reliquit desiderium sui. O millies detestanda Barbaries, quum restituere vnquam nō possis, ecquid tandem orbi pendes pro tot clarissimis luminibus à te extinctis;

FINIS.

Heydelbergæ excudebat Michael Schirat, M. D. LXVII.



